

5

HIERONYMI
ALEANDRI
IUNIORIS I. C.
REFVTATIO

CONIECTVRÆ ANONYMI
SCRIPTORIS DE SVBVRBICARIIS
Regionibus, & diœcesi Episcopi Romani.



CVTETIÆ PARISIORVM,
EX OFFICINA NIVELLIANA.
Sumptibus SEBASTIANI CRAMOISY, viâ Iacobââ, sub Ciconiis.

M. DCXIX.

Cum Privilegio Regis, & Approbatione Doctorem.

THE UNIVERSITY OF CHICAGO

LIBRARY

1917

CHICAGO, ILL.

1917

1917

1917

1917

1917

1917

1917

1917

1917

1917

1917

1917

1917



SANCTISSIMO

PAPÆ AC D. N.

PAVLO V. PONT. MAX.

HIER. ALEANDER.

QUÆ gemina est apud iurisperitos
posidendi ratio, dum nimirum id
agimus aut per nosmetipsos, aut per
alios, utramque Christus adhibet
in Ecclesia possessione tuenda, quam
suo adeptus est sanguine, iniusto
incubatore eiecto qui princeps huius mundi au-
diebat. Siquidem & suo ipse corpore presens est
in sacrosancto Eucharistia mysterio: & vicariam
preterea operam Romanis Pontificibus mandavit:
quod tu nunc munus P. B. naviter obis bono rei
Christiana. Eapropter quum teterrimus idem hu-
mani generis hostis, iurisque inuasor alieni per frau-

dis suis ministros atque emissarios omnia propemodum impugnet Ecclesie dogmata, duo tamen illa precipue urget, ut augustissimum Domini corpus apud nos verè esse pernegent, utque amplissimam Romana Sedis auctoritatem conijcere in arctum satagant, perinde quasi rimam sibi hisce conatibus aperiri speret qua sese in aliena ut olim intrudat, Christive possessionem interruptum, aut aliquo modo labefactatum iriconfidat. Stultum illum! stultos eius satellites Hæreticos, qui diuinæ vim amplitudinemque potentia necdum sentiunt! & videmus tamen admirando huic Sacramento manus indies accessisse venerationis incrementum, atque hisce concertationibus identidem partam esse perpetuam Romana Ecclesie materiem victorie ac triumphorum. Neque verò veteranorum illa solùm manu, & virtute, sed & tyronum opera nouit pervincere. Id Libellus hic meus palam faciet, quo (ni fallor) coniecturam iugulauimus ab incognito auctore nuper emissam de Suburbicariis regionibus, & Ecclesiis, rem alias quidem vexatam, excussamque, sed quæ nouo argumentorum apparatu prodiens retundi de integro mereretur. rumore praesertim increbrescente, fuisse non sine plausu alicubi exceptā. Quum mihi ea de re cum Scipione Card. S. Susanna disserere contigisset, atque anonymi scriptoris quæversutias, quæ hallucinatio-

nes coràm aperirem, ille ut est litterarum patronus,
 & Catholica veritatis ubiq; fautor, cohortatus me
 est, uti scripto sententiam meam promerem. quod
 eò feci libentius, quia domesticis quoque exemplis
 excitari me videbam ad curas meas, laboresque pro
 Apostolica Sede subeundos. Habui paterno ex genere
 Cardinalē Brundusinum aui mei fratrem, mibiq;
 cognominem. Habeo ex materno Atilium Amal-
 theum Athenarum Archiepiscopum, Sanctitati
 tua probè cognitum. quorum Antistitum egregia
 opera apud complures Europa nationes prastita,
 permultaque in Ecclesiam collata officia & conspi-
 cua sunt omnibus, & nunquam intermoritura.
 Scio, libellum quem confutandum suscepi, quòd
 exigua sit molis, dignum tantummodò contemptu
 nonnullis esse visum. at suum quoque virus scor-
 pionibus inest, et phalangys, quo enecare queant,
 minuta quamvis sint animantes. Quòd si vnum al-
 terumue ex imbecillioribus animis, Deo faciente, ab
 errore auocauero, in quem fortè tanquàm in scopu-
 lum praua illius doctrina ductu impegerint, an non
 operam ego meam perbenè collocatam existimem?
 Hoc sanè nomine non ingratum fore confido meum
 hunc qualemcunque laborem Sanctitati tue, cui
 gregis Christiani salus prae rebus omnibus est cordi,
 quaeque sollicitam se adeò ostendit in Catholica

*veritate propugnanda. Vbi verò mei me voti com-
potem factum intellexero, siquid impetrare ab in-
genij mei tenuitate potero, ad maiora quoque tuis
sub auspiciis animum viréque conuertam.*



Typographus Lectori. S.



LIBRUM, quem nunc edimus, Amice
Lector, intra paucos dies Auctor,
quamquam occupatus, absoluerat, eo
consilio ut statim emissus Anonymi
coniecturam è vestigio sequeretur.
Omnes enim eius generis libellos plurimum nouitate
placere, illisque vnicam ferè in festinatione gratiam
in esse sciebat. Sed dum aliis auocatus curis editionem
differt, alioqui minimè festinabundus, prodiit inter-
rim R. P. Iacobi Sirmondi in eandem Anonymi Con-
iecturam Censura; quam seu scriptoris eruditio, seu
fama spectaretur, sufficere existimans Auctor noster,
proprium iam fœtum abiicere & velut parens multi-
plici prole generis incrementa fastidians, statim à par-
tu perpetuis abolere tenebris immitti sane consilio
decreuerat, ni amicorum preces obstitissent. Illis si
quidem placere non poterat tam multa perire quæ
obseruatu dignissima, seu in Ecclesiastica historia, seu
in cognitione Antiquitatis, seu in Iuris disciplina hoc
libello continentur. Nec idcò videbatur dici posse
acta eum agere qui noua pleraque profferret, præfer-
tim cū institutam Dissertationem latius exequeretur,
& Anonymo in omnibus penè responderet. Quòd si
in summa consentiret veritatis & pietatis, eam demum

esse notam. His tandem monitis cedens, & eorum auctori-
tati patiturus, qui tum dignitate, tum doctrina
conspicui plurimum possunt sua nos edere passus est;
Quo nomine & Auctori, & illis qui ab eo publicatio-
nem impetrarunt. Nobis denique gratiam te habitu-
rum fore, Lector humanissime, non dubitamus Vale.

Approbatio Doctorum.

Nos subsignati Doctores in sacra Theologia
facultate Parisiensi, certificamus perlegisse
nos librum qui inscribitur, HIERONYMI,
ALEANDRI, IVNIORIS, I. C.
refutatio coniecturæ Anonymi scri-
ptoris de Suburbicariis regionibus,
&c. nihilque in eo offendisse quod Ortho-
doxæ fidei, aut bonis moribus aduersetur, sed omnia pluri-
mum utilia, quem proinde typis mandari opere precium fo-
re censuimus. Datum Parisiis anno à Dominica Incarnatio-
ne millesimo sexcentesimo decimo nono die 2. Nouembris.

F. A. BESCHV.

F. M. BRACHET.

CANDIDO LECTORI.

LIBELLI, qui nuper in lucem prodiiit de Suburbicariis regionibus & Ecclesiis, auctorem nosse auebam, candide Lector, nec dubito quin eadem te cupiditas incesse, vbi compellatum in eius operis exordio te sensisti, etenim ex eius qui loquitur dignitate momenti plurimū ac ponderis orationi accedere satis constat. Latet ille tamen, atque vtinam Apellis more post tabulam & tanquā ex abdito aliorum iudicia excipiens, spem sanè conciperemus, fore tandem vt correctiones admonitus susciperet, errorésque deponeret. Interim dum quis sit non apparet; quæramus cuias sit & qualis: & quidem ortum se ille Galliæ debere, non semel innuit. Verū nescio an fides homini sit habenda, cui veritas in reliquis non constat. Illud scio, id genus homines haud satis equo animo ferri à nobilissimâ natione, cuius religionem fidemque ab Apostolorum temporibus ad suam ætatem, scribit D. Hilarius, illibatam, purèque fuisse custoditam, neque vnquā vel næuo inspersam hæreticæ labis. Sed quid facias? *neque in bonâ segete (vt aiebat Varro) nullum est spicum nequam, neque in malâ non aliquod bonum.* Qualis verò tandem sit, ipse prodit se, cū in toto opere, tū præcipuè ipso in limine. nam quid de eo sentias qui se BONVM esse grandi hiatu iactat,

— *qualem vix repperit vnum*

Millibus è multis hominum consultus Apollo?

Id profectò cognomenti vni conuenire Deo, ipsa
nos æterna Veritas docuit, vt propterea vel hac teme-
ritate sordes sibi pro laudibus ingerat. Iam verò &
arbitrum se constituit nullâ expectatâ lege Mamiliâ
terminis pro arbitratu figendis refrigerendis, finibusq;
diudicandis. Sed nosse amas, quàm rectè potuerit eâ
in re se gerere? non ille decempedâ in ciuilibus pro-
uinciis: non in metandis ecclesiasticis diœcesibus au-
reo calamo vsus est, qualem in Apocalypsi, & apud
Ezechielem adhibitum legimus in metatione Ciuita-
tis Dei: sed lituo coniecturali, è cuius obliquitate quid
expectare par fuit, nisi obliquas dimensiones, actor-
tuosas fallacias? Infaniores quinetiam molitiones præ
manibus se habere iactabundus minitur. Quare ne
ràm audacter veritatis luminibus obstruere tentet,
occurrendum est hominis machinamento, nouumq;
opus nunciandum. quod fiet iactu lapidis: eius nimi-
rum lapidis, qui è monte spontè abscissus ingentem
monarchiarum statuam prostrauit, comminuitque;
Diruetur nullo negotio ædificium istud, cuius funda-
menta multò apparent fragiliora, quàm si essent è lu-
to compacta. Ac quòd ipsemet sectari se leuicula fa-
teretur, atque adeo carbones ipsos: non aliud profectò
expectandum inde tibi fuerat, candide lector, quàm
(vt est in prouerbio) meri carbones pro thesauro.

AS

*Hæc dicit Dominus exercituum. Isti ædificabunt, & ego
destruam: & vocabuntur termini impietatis. Malach. 1.*

INTABVLAM CHOROGRAPHICAM REGIONVM

Suburbicariarum eiusque enarrationem.



QVAMVIS Orci galeam indueris, video tamen te Coniector: eo videlicet modo, quo loquentes videbat Socrates. Te, inquam, video quasi limitum custodem, finiumque tutorem (quemadmodum statuebantur Hermulæ apud veteres) munus tibi arrogasse suos cuique limites assignandi. Verum alia prorsus te formâ ab Hermulis ostentas. illi siquidem ita conformati erant, ut caput quidem affabrè fictum haberent, cetera informes essent, atque indistinctis præsertim pedibus cruribusque. tu quum expeditissimis sis pedibus, quibus Occiduas plagas atque Orientales peragrarè celerrimè potes, appares tamen, ut est apud præstantissimum poëtarum, sine nomine corpus. Cæterum ut per varias terrarum regiones vagari tibi libuerit; in suburbicariis tamen præcipuè pedem fixisti: adeoque tenaciter, ut se tibi conferri vix possit, qui olim in arce Capitolinâ

Ioui ipsi regi noluit concedere.

Earum tu regionum limites & nomina tuo arbitratu constituis. nec verbis tantum, sed & typo, ut ne oculi auribus inuideant. Sunt qui mirentur, cur tu ubi examine tam diligenti orationis veluti penicillo easdem regiones appinxisti, delineatam nihilominus tabulam exhibere quoque volueris.

mihī tamen ad tui consilij penetralia & recessus (ni animi fallor) peruadere fas fuit. Tradis Tertullianus , propositam olim publicè ab nescio quo ex ethnicis ridiculam impiamque effigiem , cui aures asinina , & pes alter ungulatus , apposito titulo : Deus Christianorum ononychites. Hodie petulantes heretici si non Christum ipsum , at Christi Vicarium Pontificem Romanum deformi facie , fronte cornibus toruā , pedibus aserinis effingere consueuerunt. eo nimirum consilio , ut pueruli , rudēsque homines haustum ex detestandā huiusmodi imagine odium in ipsum Pontificem , vix ac ne vix quidem ullo tempore eijciant tanquā prauum alimentum in membra transmutatum. Qui tam elegantium picturarū repertor fuit & magister , non dubito quin tuam quoque manum per lineas duxeris in tuæ istius mappæ adumbratione. quæ mappæ præ Circensi illā Tertulliano (scio) diceretur Diaboli figura. Non te fugiebat , delicatulos esse quosdam , qui legendi libros auersentur laborem , paucis quam paginis absolutos. at tabulis huiusmodi curiosos omnium oculos effici , trahi , teneri. Hæc tu ratione fore sperasti ut in istorum animos hominum tua insinuetur de Romanâ diœcesi opinio. Tabulæ subdis enarrationem. quæ tamen non tam enarratio ipsius tabulæ , quā eorum est compendium , quæ fusius allata leguntur in duabus dissertationibus. Methodum ipsam ex diatribis piñhanón Philippi Berterij mutuatus es ; è quibus & quæ tuo in libello probanda sunt corrasisti. at hominem malè identidem accipis , suppresso quamuis nomine ; ne quid forsitan te illi debere quisquā persentisceret. Alios etiam Catholicā veritate imbutos tacitè lancinas ;

nominatim verò Bellarminum, & Baronium, duo præclara
hisce temporibus Ecclesiæ lumina. ut aliquid te esse credere-
mus, qui cum tantis heroibus manum conferre audeas. teneo
te: vis (ut ille apud Tacitum) magnis inimicijs clarescere.
Sed muscam quis non rideat promuscide quamvis instructam
si congregi cum elephanto velie?

Initio tuæ enarrationis ais, Ecclesiā in Romana Republica
fuisse cōstitutā. mirari conatus sum tuū istud effatum. an non
& ad alias gentes peruaserat Ecclesia? non in Persidem? non
ad Indos? Si ideo in Romanorum ditione constitutam in-
telligis, quia ipsius Ecclesiæ caput Romæ sedem fixit, rectè
loquutus es, at minus rectè colligis, Episcoporum dignitates
& gradus ad Magistratum Romanorum typum fuisse om-
nino conformatas. Fuerint sanè aliqua in parte conformes:
non tamen is penitus Ecclesiæ scopus, ut Romanam politiam
sequeretur. id potius amplexa est, quod recta gubernandi
ratio suasisse. Neque ideo maioribus ciuitatibus maiores Epi-
scopi dati, quia maiores magistratus in easdem à Romanis
mittebantur: sed quia percommodum id visum est, quem-
admodum & ipsi Reipublica visum fuerat in suis magistra-
tibus constituendis, ut fusiùs postea patefiet. Erigebant
nationes suis Dijs: templa. erexit & Ecclesia vero Deo.
nunquid Ecclesia ethnicorum morem imitari voluit? minimè
gentium, sed (quod & ijs in mentem venerat) optimum fa-
ctu censuit, loca ut essent, in quibus præcipuè Deo opt. max.
cultus exhiberetur. quòd si ethnici templa nunquàm constru-
xissent, constructura tamen erat Ecclesia. Idem tecum repu-
za de ipsis magistratibus Ecclesiasticis & civilibus. Finge verò

exortam Ecclesiam ante Casares. qui Roma creandus erat
episcopus, ad quem ex Romanis magistratibus conformasses?
nonne ad Consules? ergo binos tu episcopos, eosq; annuatim
Roma constituisse. mirum etiam, quum Romanum Episco-
pum Praefecto Vrbi contulisti, cur non & annuum feceris,
quemadmodum annuus magistratus erat Praefectus. Nosti
praeterea pleraque municipia à Duumuiris, Quatuoruiris,
Septemuiris regi solita. num tribuendi illis erant bini, quater-
ni, septeni Episcopi? Dices, non eam tibi mentem circa nu-
merum, circa tempus: ac subduces te ad modos territorij,
prouinciarum, diocèseôn. hæc quoque fuga frustra erit. Ci-
uilibus prouincijs & diocèsibus non semel immutationes con-
tigerunt. Aliã diuisionẽ excogitauit Augustus, aliã Adrianus,
aliã Constantinus. quam nam ex his amplexa est Ecclesia? si
varias administrationes subinde recepit, doctum à te oportuit:
at non fecisti. non enim fuit integrum. Allaboras præcipuè
in Romano Episcopo, & Alexandrino, ut illos Praefectum
componas Urbico, & Augustali. quàm irritus fuerit la-
bor, demonstrabitur in secunda Dissertatione. Praefectus Vr-
bi dictus est à Iuuenale (ut tu mones) facies toto orbe
secunda, at pontifex Romanus primus est in vniuersa Ec-
clesia. Quid igitur secundo primũ assimilas? Primũ esse tu quoq;
fateris. at (dices) nomine tenus & sessione, non etiam aucto-
ritate. vana isthæc sunt, & ridicula, ut suo loco dicemus. Me-
tropoliſ Episcopos præcedunt auctoritate: metropolitas Pa-
triarchæ: ante ipsos Patriarchas quem collocabis? si neminem:
iam defectam ordine Ecclesiam statues, cuius tamen studio-
sissimam dixisti. (Christus (inquis) Ecclesiæ caput est, quis

id neget? an non & Deus regnorum omnium est Dominus
atque Galli ceteriq; populi præter magistratus minores, maio-
res, unum omnibus præficiunt, Regem nempe, aut si quo
alio nomine appellare lubet, non contenti ea, quæ oculos fu-
git, gubernatione Dei. Ecclesia suum agnoscit caput Christi
oculis non subiectum: subiectum verò Romanum Pontificem.
Is quum vniuersæ Reip. Christianæ præsit, specialem tamen
urbem habet, specialem prouinciam, specialem diæcesim.
Alexandrinus patriarcha urbem habet specialem, prouin-
ciam itidem specialem. qui eius diæcesim appellauerit specia-
lem, minus propriè loquetur. non enim administrationem
habet extra fines suæ diæceseos. Vides Hincmarum Remen-
sem Alexandrini, & Antiocheni diæceses simpliciter no-
minasse: diæcesi Romani Episcopi appellationem specialis
addidisse; quia videlicet præter suam specialem, ius etiam illi
est in ceteras diæceses. ut Soli cælestium luminum præstan-
tissimo assignata est sua cali portio, quam non deserit. om-
nibus tamen lucet, splendoremq; alijs stellis sænerat. Roma-
na Ecclesia congruere apud videntur elogia illa apud sapien-
tissimum Regem: Pulchra ut luna: electa ut Sol: terribi-
lis ut castrorum acies ordinata. Veluti luna inter stellas,
ita Romana inter reliquas Ecclesias eminet. Luna noctu viâ
errantibus aperit: à Romana Ecclesia petenda lux est decli-
nantibus à recta credendi semita. suum lumen Soli debet luna:
Christo Ecclesia. Electa verò ut Sol dicitur; quia non suapte
natura Sol est (Christus enim eo pacto Soli iustitiæ appella-
tur) sed electione, sed consociatione. Electa dicitur ad arguen-
da sectariorum mendacia, qui fingunt, statui à Catholicis

caput Ecclesię Romanum Pontificem, excluso vero capite Christo. Caput est Christus : caput Romanus antistes. Sed caput secundarium à primo capite ; visibile caput post illud oculis sensibusque subtractum. Sicut Sol Romana Ecclesia, sed electa ab ipso primario Sole Christo. per hanc enim suum promanare lumen voluit ad ceteras Ecclesias. eleganter D. Leo : quamvis in populo Dei multi sacerdotes sint, multi que pastores, omnes tamen propriè regit Petrus, quos principaliter regit & Christus. Denique terribilis dicitur ut castrorum acies ordinata : quia subegit gentes, deuicit hæreses. quia diabolus terrori est eiusq; ministris hæreticis : quibus ideo inuisa, quia ordinata. illuc enim ij anhelant, vbi nullus ordo. nec eructare desinunt ex inferorum portis odiorum flammæ, maledictorum putores. hæc portas esse hæreticorum ora testatur D. Epiphanius. Ipsa tamen Ecclesia in solida petra fundata isthac non magis curat, quàm Luna latratu canum, quàm Sol Atlantum conuicia.



D E
R E G I O N I B V S
S V B V R B I C A R I I S
D I S S E R T A T I O P R I M A.

C A P V T P R I M V M.

DECLARATVS DIO AB ANONYMO
non intellectus. Non videri olim à Magistratibus ap-
pellatum ad Præfectum Urbi. Senatus nomine non intelli-
gitur Præfectus Vrbicus. Suetonij loci illustrati. A Pra-
fecto Prætorio non appellabatur. aliud ius in Præfecto Urbi.
De iure Togæ. Quæ sint vrbes Togatæ apud Stadium. A
Magistratibus P. R. appellatus: quodam tempore Præfectus
Urbi. alia Prouincia postea assignata eidem Præfecto.



I cui recenscatur errata, quibus, Anonyme,
tuus scatet libellus, is haud dubiè grâde abs
te volumen elucubratum persuaferit sibi:
Exiguâ tamen illum mole videmus, sed ma-
culosum adco, vt veritus propè sim, ne tu de libris idem

censeas, quod de marmoribus, quæ maculis commen-
 dantur. Non tuum tamen opus variato marmori, sed
 leproso magis corpori conferendum est. Ac mirè qua-
 drant in illud hæc D. Augustini verba ex lib. 2. quæst.
Euang Leprosi non absurdè intelligi possunt, qui scientiam ve-
ra fidei non habentes, varias doctrinas profitentur erroris. non
enim abscondunt imperitiâ suam, sed pro summâ peritiâ pro-
ferunt in lucem, & iactantiâ sermonis ostentant. Nulla porro
falsa doctrina est, quæ non aliqua vera intermisceat. vera ergò
falsis inordinatè permixta in unâ disputatione, vel narratione
hominis, tanquàm in unius corporis colore apparentia significant
lepram, tanquàm veris falsisque colorum fucis humana corpora
variantem, atque maculantem. Arcendus igitur tuus li-
 bellus tanquàm leprâ infectus è limine Domus Dei.
 quanquam non infructuosum fore existimo, si nos vale-
 tudini consulentes, quid in eo sani sit, quid labe inqui-
 natum, conemur facere palam. Ac penè quidem fuit,
 ut intactam prætermitterem priorem dissertationem.
 ille enim scopus fuit nostri laboris, ne tu verborum le-
 nocinio, & fucatis argumentis fraudi esses cuipiam in
 ijs, quæ ad rectam spectant credendi rationem ab Ec-
 clesiâ Catholicâ præscriptam. Atqui Catholicorum ho-
 minum parui refert, verâ ne an falsa proferas de Regio-
 nibus Suburbicarijs, de iurisdictione, & potestate Præ-
 fecti Vrbi, aliorumve civilium Magistratuum. Attamen
 & gratiam me initurum existimaui ab ijs, qui litteras
 amant, præcipuèque Iurisprudentiam, si tua errata hæc
 etiam in parte detegerem; quùm viderem præterea di-

recta hæc omnia ad ea, quæ in posteriore dissertatione sunt discutienda.

Commendatâ Præfecti Vrbi dignitate, quousque potestas eius se protenderit, inquiris. asserisque, antiquitus, hoc est sub Augusto, & Nerone, appellationes ad eum ex vniuerso Orbe Romano delatas: mox sub Constantino iunior, anno Christi 357. coangustaram huiusmodi auctoritatem ad regiones centesimo ab vrbe lapide comprehensas. Locupletes ad id peruincendum testes adducis Dionem & Suetonium, sed & poëtam Papinium, quamuis ignorare non debeas, multa mētiri solitos poëtas. Verùm (si quid video) eorum testimonia, si non aduersus te, pro te certè non stant. Dionis verba lib. 52. ex oratione Mæcenatis ad Augustum prius proferamus: Πολίταρχος δὲ δὴ τις ἐκ τῶν παλαιόντων καὶ ἐκ τῶν πρῶτα τὰ καὶ θήκοιτα παρὰ πολιτάρχων ἀποδεικνύσθω. ἔχῃ ἢ αὖ ἀποδημησάντων που τῶν ὑπὲρ ἡμῶν ἀρχῶν, ἀλλ' ἢ αὖ τὰ τε ἄλλα αἰεὶ τῆς πόλεως παρὰ τῇ καὶ τῇ δίχας, τὰ τε παλαιὰ πρῶτων αὖ εἰποι ἀρχόντων ἐφεσίμοις τε καὶ ἀναπομίμεις, καὶ τὰ τῶν θαλάττης, τοῖς τε ἐν τῇ πόλει, πλεονὸν αὖ εἰπω, καὶ τοῖς ἐξω αὐτῆς μέγιστα πενήκοιτα, καὶ ἐξ ἀκοσίωι σαδίων οἰκῶσι, κρίνη, Præfectus etiam quidam Urbis ex primarijs viris, ijsque qui officia omnia iam antè administrauerint, creandus est; non ut per absentiam Magistratuum regimen obtineat, sed ut cùm ceteris in rebus perpetuò Vrbi præsit, tum illas quoque causas, in quibus ab omnibus, quos dixi, Magistratibus pronocare licet, itémque capitales, ijs exceptis, quas mox dicam, in Vrbe, & extra eam ad sexcenta, & quinquaginta vsque stadia iudicet. Appellationes, de quibus sic Mæ-

cenas, mihi quidem non aliæ sunt, si rectè calculum pono, nisi quas ab Urbanis Magistratibus interponi contigisset. adde, & addidisse placet, qui regionibus præerant centesimo lapide inclusis. Nam Præfecti Vrbi notio ijs terminis coërcebatur l. i. §. 4. D. de Offic. Præ. vr. neque enim video Mæcenatem in eâ orationis parte de alijs verba fecisse, quàm de Prætoribus, Ædilibus, ceterisque Urbanis Magistratibus dicturum: postea de Prouincialibus, quod & fecit. Cur enim coangustantia illa verba αὐτῷ ἐῖπον, abs te non sunt animaduersa? an hæc referebas ad πρὸς τὰς καὶ θύκωντας, quæ nupèr nominauerat? quis verò credat Mæcenatis consilium id fuisse, vt Præfecturam Vibicam consequi nemo posset, qui præter Urbanos Magistratus non Prouinciales quoque omnes gessisset?

Quod si demus, Mæcenatem de Prouincialibus quoque intellexisse; num ideò constabit, eius ab Augusto consilium probatum vndequaque fuisse, ac receptum? Suspiciari magis licet, neutras à Magistratibus ad Præfectum Vrbi delatas eo tempore appellationes: hoc est, neque Urbanas, neque Prouinciales. De Augusto hæc scribit Suetonius cap. 33. *Appellationes quotannis Urbanorum quidem litigatorum Prætori delegabat Urbano; at Prouincialium Consularibus viris, quos singulos cuiusque Prouinciæ negotijs præposuisset.* Cùm primùm incidi in hunc locum, conieci, non Prætori legendum esse, sed Præfecto. id postea reperi & ab alijs animaduersum. Appellabatur igitur Imperator à Magistratibus, tam Prouincialibus,

quàm Vrbanis: isque causas tantùm Vrbanas Præfecto delegabat, cuius nimirum curæ Vrbs erat cōmissa: Pro-
uinciales alijs. At dices, promiscuas fuisse appellatio-
nes tam ad Præfectum, quàm ad Augustum: ab ipso au-
tem Augusto cohonestatum fuisse Præfectum suarum
delegationibus causarum. Verum id forsitan esse po-
tuit, sed malletm demonstrationibus vteremur, quàm
diuinationibus. Quùm idem Suetonius de Caligulâ
sic ait cap. 16. *Magistratibus liberam iurisdictionem, & sine
sui appellatione concessit: si Præfectum Vrbi fas tum fuisset
à Magistratibus appellare, cur non & ab istiusmodi ap-
pellationibus iurisdictionem illorum exemisset Caligu-
la, qui liberam concedere voluit? Locum tu allegas eius-
dem scriptoris ex Neronis vitâ cap. 17. vbi cāutum esse
scribit, vt omnes appellationes à iudicibus ad Senatum fierent.*
Non de Magistratibus hîc Tranquillus capiendus est,
sed de priuatis iudicibus, à quibus tam Senatus, quàm
Princeps appellabatur, cā tamen differentiâ adhibitâ;
vt qui ad Principem prouocabant, si succumberent,
pœnâ quadam mulctarentur. quod & ad prouocationes
ad Senatum factas extendit Nero, teste Cornelio Ta-
cito lib. 14. *Auxiūque patrum honorem, statuendo vt qui à pri-
uatis iudicibus ad Senatum prouocassent, eiusdem pecunie peri-
culum facerent, cuius hi, qui Imperatorem appellauêre. Nam
ante vacuum id solutumque pœnâ fuerat.* Itaque, quod alteri
deest ex his scriptoribus, supplendum est ex altero. Cē-
terùm, tua illa ad Suetonium interpretatio, *ad Senatum
ac proinde Senatus præulem Præfectum Vrbi, quæ &*

Aristidis loco à te allato aptatur, non vsquequaque vera censenda est. liquet enim, discussas plures causas in Senatu, non à solo Præfecto cognitas. Ac quum M. Aurelius (Capitolino teste) *Senatum multis cognitionibus, & maxime ad se pertinentibus iudicem dedit*: sana parum eius censebitur sententia, qui de Præfecto Urbis hinc intelligi dicet. Illud quoque de eodem Imperatore scriptor idem tradit: *Senatum appellationibus à Consule factis iudicem dedit*. poterat quidem Imperator & Præfectum dare iudicem; sed maluit Senatum ipsum, ne Consulem dehonestaſſe videretur, appellationes delegans minori Magistratui. vide l. 1. D. de appellat. Quum ait Vlpianus, appellari à Senatu non posse Principem, l. 1. D. A quib. appell. non lic. censés ne eodem priuilegio munitum fuisse Præfectum Urbi? atqui nuspiam (ni fallor) id reperiēs. de Præfectis enim Prætorio tantum traditum est, eorum auctoritatem adeo esse auctam, vt appellari ab ijs non posset, l. 1. §. 2. de Offic. Præf. præt. illi enim soli vice sacrâ cognoscere verè dicebantur l. 16. C. Theod. de appell. reliqui Magistratus, quibus nihilominus indultum erat, vt vice sacrâ iudicarent, censebantur potius imaginem Principalis disceptationis accepisse, l. 11. C. Theod. cod. statutum quidem fuit olim à Constantio, ne vllus clarissimus à Præfecti Urbis sententiâ prouocandi vsurparet licentiùs facultatem: sed remelius perpensâ id retractauit, ac vetus ius reduxit. vide l. 23. cod. tit. C. Theod.

Supereſt Statij locus ex lib. 1. Siluarum, vbi Rutilium

Gallicum Præfectum Vrbi sic alloquitur :

*Inq; sinum quæ saepe tuum fora turbida questu,
Confugiunt, legesq; vrbesque ubicunque rogatae,
Quæ tua longinquis implorant iura querelis.*

Togatarum (inquis) *ubicumque urbium appellatione omnes omnino, quæ sub Orbe Romano fuere, Statius intellexit.* Vereor, vt quemquam sis reperturus, qui tuæ isti explicationi applaudat. perinde est enim, ac si quis diceret, rogatam Galliam ideo sic dictam, quia sub imperio Romano erat (quùm tamen & reliqua Gallia cis Alpes, & postmodum Transalpina Romanis itidem parerent) *gentemque togatam* apud principem poetam, populos intelligi, quicumque in Romanorum ditione essent, quantumuis peregrinis legibus viuerent, peregrino habitu vterentur. De togâ, quæ proprium erat gestamen ciuium Romanorum, res est protrita. Non te clàm esse potest, eius indumenti vsum peregrinis fuisse interdictum. Hinc Claudius Imperator, vt auctor est Tranquillus cap. 15. *Peregriniatis reum, ortâ inter aduocatos leui contentione, togatum ne an paliatum dicere causam oporteret, quasi æquitatem integram ostentans, mutare habitum sapius, & prout accusaretur, defendereturque insit.* hinc apud Plinium legimus lib. 4. epist. 11. caruisse iure togæ, quibus aquâ, & igni interdictum erat. Nimirum quia hi veluti etiam deportati, ciuitatem amittebant § 1. Instit. de cap. dimin. Ideoque obsides, qui conditionis erant peregrinæ, si togæ vsum à Principe impetrassent, tanquàm ciues habebantur, vt heredes institui, vt testamenta condere possent l 32. de iure fisci. ac

si qua vrbs ciuitate Romanâ donabatur, eius statim ciues togam sumebant. quod de Carthagine vsu venisse, tradit Tertullianus, quum scilicet colonia deducta est *magnæ in vestigijs Carthaginis*, vt loquitur Plinius lib. 5. cap. 4. qua de re Plutarchus in Gracchis. verba Tertulliani lib. de Pallio ea sunt: *ubi mania Statilius Taurus imposuit, solemnia Sentius Saturninus enarrauit, quum concordia iuuat, toga oblata est. Proh quantum circummeauit! à Pelasgis ad Lydos, à Lydis ad Romanos, vt ab humeris sublimioris populi Carthaginenses complecteretur.* Quid ni igitur sint Papinio *Vrbes togatae*, quæ iure utebantur ciuitatis Romanæ? Quarum ciues implorasse dicuntur iura atque auctoritatem Præfecti Vrbi, quum fortasse à Prouincialibus Magistratibus malè habebantur, quod non temerè licebat. Ideò Plinius iunior, quum Bythinia præfesset, Christianitatis reos, qui ciues Romani erant, adnotauit in Vrbem remittendos, vt ipsemet testatur lib. 10. epist. 97. ac vocem illam, *Ciuis Romanus sum*, multis sæpè opem attulisse, & salutem etiam inter barbaros, aiebat Cicero in Verrem. Videri itaque potest ex Papinij verbis, Præfecto Vrbi curam incubuisse tuendi ciues Romanos, ubicumque terrarum essent. Inclinat tamen animus, vt suspicer, eum licentiâ quadam poetica (Statianâ potius, quæ cæteris poetis persæpè audacior) *togatas vrbes* dixisse, quæ Magistratus togatos haberent, Metropoles nimirum Prouinciarum, quæ populi Romani erant. Etenim factâ Prouinciarum diuisione inter populum, & Augustum, Magistratibus, quos

Augustinus

Augustus suis Prouincijs præfecit, datum est, vt induerent τὴν ἐπαγίωσιν τῶν ἐθνῶν, quemadmodum scribit Dio l. 53. Porro auctâ Præfecti Urbis auctoritate, concessas eidem constat (quo primùm tempore non liquet) appellationes à Magistratibus Prouinciarum populi Romani. Quapropter, quod apud Vopiscum in Floriano ex quibusdâ priuatis epistolis profertur: *Præfectura Urbis appellatio vniuersè decreta est: & iterum, redierunt ad Præfectum Urbis appellationes omnium potestatum, & omnium dignitatum*, coarctadum est ad eos, quos diximus, Magistratus, qui populi prouincias regebant. Siquidē hæc ibidem recitat Vopiscus ex epistolâ Senatus ad Curiam Carthaginiensem: *omnis prouocatio Præfecti Urbis erit, quæ tamen à Proconsulibus, & ab ordinarijs iudicibus emerferit*. Proconsulum nomen gerebant, qui in populi prouincias mittebantur. itaque Suetonius de prouinciarum diuisione ab Augusto facta sic loquitur cap. 47. *Prouincias validiores, & quas annuis Magistratuum imperijs regi nec facile, nec tutum erat, ipse suscepit: ceteras Proconsulibus sortitò permisit*. Quæ Prouinciæ à Principe Senatui populòque reddebantur, mutatis Magistratibus Proconsules recipiebant, Dio. lib. 54. *τότε δ' αὖτε καὶ τὸ Κύπρον, καὶ τὴν Γαλιαν πλὴν Ναρβωννῆας ἀπέδωκε τῷ δήμῳ, ὡς μηδὲν τῶν ὀπλων αὐτῷ δεομένης. καὶ ἕτως αὐτοῖς πατοῖ, καὶ ἐς οὐκ εἶνα τὰ ἔθνη πέμπεσθαι ἡρξάτο*, eo tempore Cyprum, & Galliam Narbonensem populo reddidit, quod suis armis minimè indigerent. atq; hoc pacto Proconsules in hæc quoque Prouincias mitti caperunt. Ex aduerso, quæ à populo ad Cæsarem transibant, po-

restates Proconsulares amittebant. Tacitus primo Annual. *Achaiam, & Macedoniam onera deprecantes leuari in praesens Proconsulari imperio, tradique Caesari placuit.* Quid appellatione *ordinariorum iudicum* intelligere Senatus voluerit apud Vopiscum, non liquidò constat: video designari hoc nomine rectores Prouinciarum in l. 33. C. de episc. & cler. in l. 6. C. de modo mult. in l. 7. de Offic. Rect. prou. & alibi. at in eâ Senatus epistolâ non omnes, sed illi tantum qui populi Prouincias administrarent, innui videntur: puta si Praetores, aut quo nomine praeter Proconsulum insigniti essent. Si quidem extraordinarij quodammodo censeri poterant rectores Prouinciarum Imperialiû, quia non annui Magistratus erant, sed tempus ijs definiebatur arbitratu Principis, quòd elicitur ex loco Suetonij nuper laudato, & ex Dione, quum ait lib. 53. *τῇ τε οὖν ἐπιχλήσῃ τῇ τ' αὐτῇ ἐξουσίᾳ τὸς αἰρετὸς χρεῖσθαι, καὶ ἐπὶ πλείω, καὶ ἐνιαυτῷ χροῖον, ἐφ' ὅσον αὐτὰ αὐτοῖς δοξοί, ἀρχεῖν ἐποίησε, porro à se [Augusto] designatis, & Propratorum nomen tribuit, & diuturnius administrationis tempus quam annuû constituit, prout scilicet ipsi videretur.* Apparet igitur, non ab omnibus omninò Prouincialibus rectoribus, sed ab ijs omnibus, qui populi Prouincias moderarentur, appellari fas fuisse ad Vrbi Praefectum. Atque hasce Prouincias significari à Cassiodoro quis credat, quum in formulâ Praefecturae Urbanæ sic loquitur: *Ditioni tuae non solum Roma commissæ est (quâuis in illâ contineantur vniuersa) verum etiam intra centesimum miliarium potestatem te protendere antiqua iura volue-*

*runt : ne tantæ ciuitatis iudicem muralis agger includeret ,
 quàm Roma omnia possideret. & in etiam ex designatis lege
 Prouincijs ab appellatione cognoscis. verùm id ius appel-
 lationum diuersam eo tempore formam acceperat.*
 Nam post diuisum Imperium prouocationes à Pro-
 consulibus ad Præfectum prætorio, & ad Quæsto-
 rem deferbantur. l. præcipimus 32. C. de appellat. quæ
 tamen lex ad Orientale imperium spectare videtur.
 Sed & ante hanc constitutionem assignatæ quædam
 Prouinciæ fuerant Præfecto Vrbi Constantinopolis,
 aliæ Præfecto Vrbi Romæ. Eæ, per quas interponi
 appellatio poterat ad Præfectum Constantinopoli-
 tanum, recensentur in L. quùm appellatio 23 C.
 de appellat. Quæ verò lex Prouincias designauit (vt
 loquitur Cassiodorus) Præfecto Romæ, nusquam (vt
 opinor) extat. Sed si antiquiora tempora respiciamus,
 statuendum propemodum est, solemnem ac propriam
 Præfecti Vrbi administrationem Urbem Romam fuisse,
 & finitimas regiones ad centesimum vsq; lapidem:
 speciatim ei postea tributum à lege esse, vt & causas
 cognosceret, quæ ex populi Prouincijs in Urbem pro-
 uocatione deferrentur. æquum enim visum fuit, vt
 ad Senatum, ciúsve Præsulem (quemadmodum eum
 nominat Cassiodorus) appellari posset à Magistratibus,
 quos Senatus ipse constituebat: à *togatis Urbibus*, vt ap-
 pellat Stautius, ad *togatam dignitatem*, vt Urbis Præfe-
 ctum nominat Cassiodorus. Ac nescio an Aufonius
 hûc respexerit, quùm de Narbonensi Gallia, quam ab

Augusto restitutam populo supra indicauimus, & Proconsulari dignitate ornatam ita recinit:

— tu Gallia prima *TOGATI*
Nominis attollis Latio Proconsule fasces.

CAPVT SECVNDVM.

VLP IANVS DVOBVS LOCIS

explicatus. Quaestiones criminum ex Oppidis in Urbem trahebantur. De miliario. Comprobata Dionis emendatio. Praefectus Vrbi Diæcesim non habebat. Vicarij Urbani diæcesis. Constitutiones quadam Codicis Theodosiani illustrata.



X ijs, quæ superiore capite allata à nobis sunt, tutior (ni fallor) nostra apparet coniectura de Praefecti Urbis potestate, atq; administratione, deq; appellationum iure, quod ipsi cōpetebat. Hinc totam tuam molitionē, quæ non satis firmo nitebatur fundamēto, iam nutantem vides, ac facile ruituram. nam si non à cūctis Romani Orbis Magistratib. Praefectus Vrbi appellabatur, conijcere profecto tibi haud erit integrum quod secunda diatribâ facere es ausus, Romanum Episcopum ad eius Praefecti exemplum appellationes sibi ab omnibus Episcopis vendicasse. Sed & si ea fuisset, quam tu au-

tumas, & cauillaris, Præfecti Vrbi iurisdicctio ac potestas, haud tamen dicendus esset Romanus Pontifex ad eius sese administrationem vlla ratione conformasse. Verùm hæc vberius in posteriore dissertatione. Nūc ad Præfectum ipsum redeamus, cuius administratio centesimo ab vrbe lapide continebatur. Ad eisdem limites porrectam aliquando iurisdictionem aliorum Vrbanoꝝ iudicum, indicat l. 2. Cod. Theod. de integr. rest. vbi hæc sunt verba: *Placuit post completum vicesimum & quintum annum, ex eo quo vicesimi & sexti anni dies illuxerit, ad interponendam contestationem in Vrbe Româ vsque ad anni tricesimi extremum diem spatia prorogari, & intra centesimum Urbis Romæ miliarium, si tamen ab ijs iudicibus, qui Romæ sunt, fuerit iudicandum. nisi hoc intelligamus de iudicibus, qui dabantur à Præfecto Vrbi.*

Hosce terminos designari ab Vlpiano, quidam putant, quùm ait in l. ult. de Off. præf. vrb. *Præfectus Urbis, quùm terminos Urbis exierit, potestatem non habet.* Sed quid illud est, quod addit: *extra Urbem potest iubere iudicare?* Emendabat vir doctus intra Urbem. ægrè tamen persuaserit, superuacanea isthæc verba à Iurisconsulto fluxisse. cur enim in dubium vocaretur, num Præfecto fas fuisset intra Urbem iubere iudicare? Alij existimant per terminos Urbis centesimum lapidem intelligi: at extra Urbem nihil esse aliud nisi extra muros Urbis, vt illud Vlpianus voluerit, extra centesimum quidem miliarium nullam fuisse Præfecto Vrbi iudicandi

potestatem : at intra eos limites quanquàm extra Urbis muros, nihil obfuisse, quominus suam exerceret iurisdictionem. Vera quidem hæc sententia est: aliud tamen Vlpianus hîc voluit, dùm nihil esset, cur eâ de re ambigeretur, & clarioribus aliòqui verbis utendum ei fuerat. Est qui censeat *extra terminos Urbis, & extra Urbem*, idem esse, & denotare muros Urbis vel còtinentia. illud verò *extra Urbem* non referri ad Præfectum, sed ad eos quibus iudicâdi munus mandaretur. Hoc nimirum sensu, ut Præfectus in Urbe manēs dare iudices extra Urbem possit, dummodò nè extra centesimum: non possit tamen muros urbis egressus. Verum quùm nulla discriminis afferatur ratio, cur quæso in suburbijis commoranti auctoritatem illi adimamus dandi iudices, dùm eius protenderetur iurisdictione ad limites centesimi lapidis? Interpretantur quidam *extra Urbem*, hoc est, extra centesimum miliarium, sed quoniam credendum non est Præfecto ius fuisse illic dandi iudices, ubi notionem potestatemque nullam habebat, arg. l. ult. de Iurisd. aiunt verba illa *extra Urbem* non ad iudices dandos, sed ad Præfectum ipsum accommodari: ut nimirum dum extra suæ administrationis terminos moraretur, non ei licuerit causas cognoscere eiusdem administrationis, licuerit tamen iudices in eâ dare. Sed si hæc fuit Vlpiani mens, hoc potius similive modo loquutum oportuit: *Præfectus Urbi, quùm terminos Urbis exierit, iudicandi potestatem non habet: potest tamen inbere iudicare.*

Si meam mihi symbolam conferre hūc liceat, dixerim de rebus diuersis loquutum esse Vlpianum : primo loco de mero imperio , altero de iurisdictione. *Potestatis* nomine merum imperium significari, notum est ex l. 3. D. de iurisd. l. *potestatis* de verbor. sign. Ad iurisdictionem pertinere iudicis dandi licentiam, liquet ex d. l. 3. de Iur. Terminis verò Urbis neutiquam censi possunt, qui ad centesimum miliarium erant: neq; eouſq; Vrbs terminabatur, sed Præfecti Urbici administratio. Urbis ipsius appellationem muris finiri apertis verbis tradit Paulus in l. 2. D. de Verb. sig. Præfectus Vrbi & merum habebat imperium, hoc est ius gladij, & iurisdictionem. Hanc exercere poterat etiam extra urbem vsq; ad terminos suæ administrationis. illud in Vrbe tantum. Nam quæ imperij sunt, angustius vsurpantur, vt pote quæ nec mandari possint, l. 1. de Off. eius, cui mand. est iur. Et præterea quæstiones rerū capitalium ex oppidis in Urbem pertrahebantur (vt mox dicemus) tantum abest vt Præfectus Urbem egressus cognitionem de ijs habere posset. Hæc videtur mens fuisse Vlpiani, quæ clarior sit ex epistolâ 127. Symmachi, lib. 9. qua dicitur, non potuisse Præf. Vrbi cognoscere de incesto à Maximo quodam cum Primigeniâ virgine Vestali perpetrato in Monte Albano, quum reum tanti criminis urbem ingredi nefas esset, ipse autem Præfectus in longinquis potestatem exercere nequireret, quum id præsertim ex eo criminum genere esset, de quibus pœnas sumere non licebat,

nisi eo loci ubi perpetrata erant.

Quum idem Iurisconsult. in l. i. §. 4. de Offic. Præfecti. vrb. ex imperatoris Seueri epistolâ definiuerit, ad Præfectum Vrbi pertinere quicquid intra Urbem admittitur, atq; intra centesimum miliarium, ultra ipsum lapidem egressum esse eius notionem; cur initio ita loquitur: *omnia omninò crimina Præfectura Urbis sibi vindicauit, nec tantum ea, quæ intra Urbem admittantur; verum ea quòque quæ extra Urbem intra Italiam*: quod ex eadem Seueri epistolâ se collegisse fatetur? Intelligendum est fortasse, Præfectum Vrbi vsq; ad eam suam extulisse auctoritatem, vt quasdam etiam præter ius sibi usurpauerit cognitiones. Quod ex eo oriri potuit, quia cura interdum Urbis totiusq; Italiæ alicui mandabatur, veluti Augustum Tauro fecisse tradit Dio l. 54. καὶ ὅτι (inquit) τὸ μὲν ἄντι τῆς Ταύρου μὲν τῆς ἄλλης Ἰταλίας διοικεῖν ἐπιτελέσας, &c. Id correxisse videtur Seuerus, statuisseq;, ne limites centesimi lapidis eius potestas, & iurisdictio egrederetur. itaque prima Vlpiani verba ad factum pertinent, posteriora ad ius. Aut si non id Seuerus correxit, quod Vlpianus non fuerat præteriturus, interpretanda hoc modo videntur Iurisconsulti verba: vt quæ admittebantur in Vrbe & intra centesimum lapidem, pertinerent ad Præfectum iure sui Magistratus, quæ ultra eos limites ac intra Italiam, ad eundem nihilominus spectarent, non tamen vi Magistratus, sed ex consuetudine, quæ paulatim inoleuit, & vim iuris obtinuit, ex quo is cognitiones quòque illas sibi vindicasset.

dicasset. Haud enim sunt audiendi qui Vlpianum postremis verbis declarare existimant, quod initio attulerat. siquidem alia sunt verba epistolę Seueri, quę postremo loco interpretatur Vlpianus. Et alioqui nemo credendus est ita ineptę atque improprie fuisse loquuturus, vt terminos centesimi lapidis designans, *extra Urbem intra Italiam* diceret. Pręterea quod Pręfecto iure Magistratus competebar, num id *sibi vendicasse* à Iurisconsulto prolutum fuisset?

Pertrahebantur criminum quęstiones ex Italię oppidis in Urbem, atque Augusti æuo ad centumvirale iudicium deductę. Id perspicuum est ex elegantissimo Phædro, qui suis fabulis historiolum interfecit de oppidano quodam, qui filium interfecit, ratus se occidere vxoris adulterum: errore mox cognito in se quoque ferrum conuertit. subdit Phædrus:

Accusatores postularunt mulierem,

Romamque pertraxerunt ad centum viros.

nam & capitalia iudicia, non priuata solum, apud centum viros actitari solita, testis est Quintilianus lib. 4. cap. 1. & Suetonius de claris Rhet. in Alburio Silo.

Pręfecti Vrbi administrationem ad centesimum vsque lapidem protensam fluxisse tu credis ex Mecenatis consilio, quod & ego autumo. itaque in eius verbis apud Dionem lib. 52. μέγχι πενήκοντα, καὶ ἑξακισίων σταδίων, recte censet rescribendum ἐπὶ αὐχσίῳ: quum pręsertim paulò inferius ita loquatur: ὑπὸ πενήκσι πε καὶ ἑξακισίῳ ἀπὸ τῆς πόλεως σταδίων. Nam si Suidę credimus,

septem stadia semis conficiunt miliare. ἑπτα ᾗδ (inquit)
 ἡμῖσι σταδία ποῦσι μίλιον. igitur è septingentis quinquaginta stadijs centum millia passuum constabunt. quam Plinius li. 2. ca. 23. Columella li. 5. ca. 1. Frontinus de Agror. qualitatibus, Isidorus Orig. lib. 15. alijq; asserant, octo stadia miliare efficere. Sed Græci fortean id exactius sunt metiti, néque enim temerè Dio septingenta quinquaginta expressisse credendus est, quùm octingenta faciliùs enunciare potuisset. Plutarchus etiam minus octo stadijs esse miliare testatur, cùm in Gracchis sic loquitur: τὸ δὲ μίλιον ὀκτὼ σταδίων ὀλίγον ὑπερβαίνει. nolim tamen in eâ Dionis emédatione quidquam tibi blandiari, siquidem prior illam Lipsius commentus est in comment. ad lib. 14. Taciti. Dioni sanè constare miliare septem stadijs semis, illud quoq; euincit, quòd lib. 54. quùm scribit, edicto vetita fieri sacra Ægyptia ἐν ταῖς περὶ αἰγύπτου ἐν τῷ ὄγδον ἡμιστάδιον; intra primum lapidem intelligit. Non sunt ferendi qui ὄγδον ἡμιστάδιον significare credunt quatuor stadia. Scripsisset enim Dio ἐν τῷ ὀκτὼ ἡμιστάδιον. Sed nec ita loqui par fuit, tunc enim plura nominabant semistadia, semiobolos, semitalenta, alia id genus, quùm dimidiũ earum rerum integris addendum esset, & impar numerus exprimendus. integros obolos, integra talenta significare volentes, rarò geminabant semiobolos, semitalenta. Vtrũque clarum fit ex loco Aristotelis, quem & Casaubonus laudat ad Theophrasti characteres cap. αὐτὸν ἀπορίαν, vbi de hilce loquendi notis nonnulla ob-

seruat. *Ελίττεται δὲ* (ait Philosophus) *σμιλῶσι χαῖ, ἢ τετρία ἡμίχοα. τὰ δὲ εὐθιγῶντα δύο χαῖ, ἢ πένθ' ἡμίχοα*, *eximunt ex alueari unum choem, aut tres semichoas* (vnum videlicet choem cum dimidio) *vel bene ut agatur, duos choas, aut quinos semichoas*, siuè duos choas semis. est verò hic locus ex lib. 9. hist. animal. cap. 40. sed nec minus frustra sunt, qui *ὀγδοὺς ἡμιστάδια* significari existimant, octo stadia cum dimidio. Etenim nihil aliud denotat is loquendi modus, nisi octo stadia dempto semistadio, vel septem stadia dimidio addito. Sicut apud Herodotum *ἑβδόμων ἡμιστάδια* sunt sex talenta semis: *τεῖτον ἡμιδραχμοι* apud Dinarchum, duæ Drachmæ semis: quæ itidem exempla affert Casaubonus. Videndus & Iulius Pollux.

Nunc geminus in te error est notandus: prior est, quia Diæcesin nominas Præfecti Vrbis. neque enim eius administrationem Diæcesis appellatione vnquam nominatam reperio apud veteres. erat quidem Diæcesis, quæ, vt ait Balsamo, plures sub se comprehenderet Prouincias. Sed videtur Præfecti Vrbis administratio angustior fuisse, quàm vt id nomen Constantinianis temporibus mereretur, ita vsu iubente loquendi arbitro, ac tantum non tyrannò. Diæceses potius dictæ sunt, quæ sub Præfectis Prætorio, eorùmque Vicarijs erant, vt ex Notitiâ vtriusque imperij alijsq; scriptoribus apparet.


Alter error est, vbi diæcesim Vicarij Vrbis Romæ cum administratione Præfecti Vrbani confundis,

quàm multò amplior Vicarij diœcesis esset. Verum est quidem easdem regiones quas Præfectus moderabatur, sub Vicario quoq; fuisse; attamen alias præterea habebat Vicarius, multoq; ampliores, quæ ad Præfectum nihil pertinebant. Res altius enucleanda est: quanquàm ego incognitam tantummodo tyronibus credebam, non tibi, qui veteranum in historiâ, iurisque disciplinâ te ostentas. Scribit Zosimus lib. 2. quatuor à Constantino Magno constitutos fuisse Præfectos Prætorio, in Oriente duos, totidem in Occidente. Ex Occidentalibus, qui Præfectus Prætorio Italię dicebatur, duas habebat Diœceses, Italiam, & Africam. addita postmodum est tertia, Illyricum Occidentale. Huic quatuor erant Vicarij, Africæ vnus, alter Illyrici, duo reliqui Italię. Sed ne Vicariorum Italię confunderetur appellatio, alter, qui Romæ tribunal habebat, dictus est ob Urbis præstantiam, Vicarius Romæ, vel Vicarius Urbis: alteri verò, qui Mediolani commorabatur, nomen remansit Vicarij Italiæ. Diuisæ fuere inter hos Vicarios omnes Italiæ Prouinciæ, seu regiones, quemadmodum prius nominabantur, quæ post Constantinum quatuordecim numero fuere, ad similitudinem fortasse quatuordecim Urbis regionum. vtrique septem sunt tributæ, nisi quòd Urbis Vicario regimen etiam datum fuit trium insularum Italiæ adiacentium, quæ inter Italiæ regiones verè non computabantur.

Prouinciæ sub Vicario Italiæ illæ erant: Venetia

cum Histriâ, Liguria, Alpes Cottiaë, Rhetia prima, Rhetia secunda, Æmilia, Flaminia cum Piceno annuario. Prouinciæ verò sub Vicario Urbis Romæ hæc numerantur: Tuscia, & Vmbria, Picenum Suburbicarium, Valeria, Campania, Samnium, Apulia cum Calabria, Brutij; ac præterea tres insulæ, vt diximus, Sicilia, Corsica, Sardinia. Quæ omnia discere est ex libro Notitiæ. Iamq; planum est, quàm sis deceptus, dum existimas, eandem fuisse administrationem Præfecti Urbis & Vicarij. Nam si Præfecti administratio centesimo ab Urbe lapide circumquaque coarctabatur, iam non erant sub eius dispositione tres illæ insulæ, non Campania vniuersa, non Samnij pars ac Valeriæ, non Apulia, & Calabria, non Brutij. Prouinciæ sanè, quibus Vicarius Italiæ præerat, non alio cense-ri nomine poterant, quàm Prouinciæ seu regiones Italiæ. Inde ortum, vt pars illa speciali Italiæ appellatione insignita fuerit. Mediolanum etiam, quia sedes erat Vicarij Italiæ, sicut & antiquitus Proconsulis, quod ex Suetonio patet lib. de Clar. Rhet. in Albutio Silo, dictum interdum reperitur Metropolis Italiæ. Hæc apertiùs demonstraturi sumus cap. 3. secundæ dissertationis.

Regiones verò sub dispositione Vicarij Urbis, quæ appellari poterant, nisi *Urbicaria*, quo nomine necesse non fuit nuncupari tres insulas Siciliam, Corsicam, Sardiniam? nam ideo *Urbicariae regiones* sic dictæ sunt, vt eâ appellatione à ceteris Italicis distingui possent,



quæ Vicario Italiæ suberant. Illas verò insulas non inter Italicas regiones, sed inter Prouincias extra Italiam fuisse connumeratas, ignorare non potes. Non me tamen fugit, Italiæ insulas esse aliquando appellatas. ac propterea non ineptè comprehendi poterant sub finitimarum Vrbi Prouinciarum appellatione, quemadmodum factum videmus in veteri inscriptione in ædibus Ducis ab Alacmis, quam tu etiam laudas :

LVCIO. AVR. AVIANO SYMMACHO. V.C.
PRÆFECTO. VRBI. CONSVLI. PROPRÆFECTIS
PRÆTORIO. IN. VRBE. ROMA. FINITIMISQVE
PROVINCIIIS. &c.

veluti Sicilia *Suburbana insula* dicta alicubi reperitur. Cæterum in l. vnicâ Cod. Theod. si per obreptio. administrationes quatuor Vicariorum Præfecti Prætorio Italiæ (cui ea constitutio inscripta est) recensentur ijs verbis : *sinceritas tua idipsum per omnem ITALIA*, tum etiam per *VRBICARIAS*, *AFRICANASQVE* regiones, ac per omne *ILLYRICVM* prolatâ huius oraculi auctoritate firmabit. at in l. 9. Cod. Th. de extraor. muner. Sicilia quôque speciatim nominatur post Urbicarias regiones, exemplo *Africa* debent fundi patrimoniales, & *emphytheutici* per Italiam constituti ab extraordinarijs muneribus excusari : non autem (sic videtur legendum) per Italiam tantum, sed etiam per Urbicarias regiones, & Siciliam patrimonialium, & *emphytheuticorum fundorum vires seruandas esse perspe-*

ximus, nisi quis loco illius vocis *Siciliam* reponendum conténdat *Jllyricum*, ut hîc etiam quatuor Diœceses Vicariorum Præfecti Prætorio Italix exprimantur: quod tamen néque est necesse, néque ego de facili admiserim.

Præterea, quæ Prouinciæ nominantur ab Impp. Honorio, & Theodosio in l. 7. C. Theod. de indulg. debit. quùm aiunt: *Campania, Tuscia, Piceno, Samnio, Apulia, Calabria, sed & Brutijs, & Lucania*, ex omni præstationis modo, quem antiqua solemnitas detinebat, quatuor partes iubemus auferri, &c. eædem (ni me deficit ratio) Urbicarix regiones ab ijsdem postea appellantur in l. 14. C. cod. Quod de annonarijs functionibus per Urbicarias regiones clementia nostra concessit, etiam in largitionalibus titulis, & emphyteuticis reipublicæ prædijs custodiri mandamus. Quòd si hosce aliósque locos perpenderis, quibus Regiones Urbicarix nominantur, haud dubito, quin eò solidior visura tibi sit nostra sententia.

CAPVT TERTIVM.

VRBICARIÆ REGIONES NON ante Constantini tempora. Urbanus, Urbicus, Urbicarius idem. Cur regiones Urbicariæ, non Urbana dicerentur. Suburbicariæ intra centesimum lapidem. Tusciam annonariâ videri inter Urbicarias. De Rationalibus, & Procuratoribus rei priuatæ loci, Notitiæ expensi. Possessiones quæ.

IN tertio capite illorum tu errorem notas, qui Urbicarias regiones à Suburbicarijs fecere diuersas. at putas ne magis aberrare qui vltà, quàm qui citra veritatis tramitem declinet? Illorum est quidem aliquâ in parte error: sed tuus non minor, qui Urbicarias cum Suburbicarijs prorsus confundis. Diximus, Urbicarias regiones eas intelligi, quæ sub dispositione erant Vicarij Urbici. Nam cum Italia specialiter appellaretur, quæ pars Vicario Italiæ tributa fuit, quo tandem nomine censenda erat Vicarij Urbis diœcesis, nisi *regionum Urbicariarum*? cuius rei præter ea, quæ proximo capite demonstrauimus, illud etiam non leue est argumentum, quòd appellatio hæc *Urbicariarum regionum* nunquàm vsurpata reperitur ante Constantini Magni tempora, hoc est ante quatuor Præfectos Prætorio, eorûmque Vicarios,

rios constitutos. Habebant quidem & vetustiores Præfecti Prætorio suos Vicarios, seu qui eorū vice cognoscebant, l. 1. §. 4. D. de legat. 3. at nullæ ijs assignatæ erant peculiares prouinciæ. Quin aio tibi (nisi fraudi mihi est memoria) nec possessiū illud *Vrbicarium* ante ipsum Constantinianum æuū in vsu fuisse. Quæ ad Urbem, urbanōsve Magistratus spectabant, *Vrbana* dicebantur, & *Vrbica*; *Vrbicaria* nunquā, tametsi eadem sit huic voci origo, eadem vis, quæ superioribus. Ideo ex Urbanitate, quæ minus aptabatur, tam *Vrbicarium* deriuarunt quā *Vrbicum*, & *Vrbicum*. Iuuenalis Satirâ 13.

———— *Mimum agit ille,*

Vrbani qualem fugitiuus scurra Catulli.

Idem Satirâ 6.

Vrbicus exodio risum mouet Atellanae.

Fulgentius lib. 2. mytholog. *Beatinius* augur dicere solitus erat, diuersarum *Vrbium* honores somnialiuer peragi *Vrbicario* mimologo. Cur igitur id vocabuli commenti sunt? quia quū nomen tribuendum esset regionibus, quæ Vicario Urbis subijciebantur, insueto, nouoque opus fuit vocabulo, ne si aut *Vrbica*, aut *Vrbana* regiones dictæ fuissent, deceptæ aures vsitatis appellationibus, significari putassent quatuordecim ipsâ in Vrbe regiones, nam quæ cis Rubiconem erant, non prouinciæ, sed *regiones* dici consueuerant. quin vsq; ad eò Italiæ diu ignotum Prouinciarum nomen, ut *prouincijs* opponeretur *Italia*: atq; aliud ius *Itali-*

cum esset, aliud ius Prouinciale.

Ex *Vrbicariarum* nomine appellatio quôque manauit *Suburbicariarum Regionum*, quæ propius Vrbem sitæ erant, ac tantum non sub ipsâ Vrbe. Eæ & *Suburbana* dici poterant, veluti dicuntur in l. 3. C. Theod. de accusat. neq; enim erroris suspicio oriri hinc poterat, quemadmodum ex *Vrbicarijs*, si quis eas *Vrbanas* aut *Vrbicas* nuncupasset. Erant *Suburbicariæ* intra centesimum ab Vrbe lapidem, quod apertè elicitur ex d. l. 13. quæ iubentur iudices ex ijs regionibus referre de causis Senatorum capitalibus ad Præfecturam Sedis Vrbanae; è ceteris ad Præfectum Prætorio. nimirum quia propria Vrbani Præfecti administratio centesimo lapide comprehendebatur, vti diximus. Nam quemadmodum eandem (vt docuimus) significationem habent *Vrbanus*, *Vrbicus*, & *Vrbicarius*: ita idem esse fatendum est *Suburbanum*, *Suburbicum*, & *Suburbicarium*. Qua propter haud verebor asserere, *Suburbicarias* regiones, vbi de administratione Præfecti Vrbi agitur, eas esse, quæ centesimo lapide concluderentur. At non semper vbi regio aliqua *Suburbicaria* nominatur, eam coarctare necesse est intra limites centesimi miliarij. Itaq; affirmare non dubitem, *Piceni Suburbicarij*, *Tusciæ* item *Suburbicariæ* partem ultra eos fines fuisse protensam. Id enim nomen duabus ijs regionibus inditum, vt quum propius ipsam Vrbem essent, ab *Annonarijs Piceno*, & *Tuscia* distinguerentur. *Campania*, & *Valeria* cum ex parte inter

Suburbicarias essent, vt cap. quinto ostendemus, nunquam tamen eam appellationem speciatim sortitæ sunt: nulla enim erat Campania Annonaria, nulla Valeria, à quibus discerni Suburbicarias opus esset. Hinc apparet, qua ratione differant Suburbicariæ ab Urbicarijs. Interdum enim eadem erant, diuersæ interdum. Siquidem Suburbicariæ continebantur Urbicarijs, vt & ipsæ dici possent Urbicariæ at non contrâ Urbicariæ omnes erant Suburbicariæ; veluti omnis quidem arrogatio adoptio est, at non omnis adoptio dicenda est arrogatio. Sic Præsidis nomen (vt ait Macer) generale est, quo omnes Prouinciarum Rectores significantur, ipsi etiam Proconsules, non tamen fas est Præsides omnes Proconsulum nomine appellare. Sub Præfecto Urbis Suburbicariæ tantum regiones sunt: sub Vicarijs & Suburbicariæ ipsæ, & præterea Urbicariæ, quæ utique ultra centesimum lapidem excurrabant.

Nullò iam negotio, Anonyme, argumenta diluentur, quæ ad tuam sententiam roborandam obieceras. Primùm enim, quòd Tuscia Suburbicaria nominetur, *Urbicaria* à Caio, & Theodosio inter Auctores limitum, haud mirum est, quùm inter Urbicarias (vt diximus) numerarentur Suburbicariæ, quas generis quòque nomine appellare licebat. Verùm si quis autumet mendum subesse, rescribendumq; apud illos auctores, *Tusciam Suburbicariam*, eius ego sententiam pronis auribus excipiam. Planum fecit doctissimus Rigal-

tius, quot, quantisque errati scaterent ij libri de Agrorum conditionibus, & limitibus, quæ fortasse nec dum sublata sunt omnia. Diu est, quum suspirari mihi contingebat, Tusciam Annonariam, quam appellat Symmachus *Hetrurias longinquas* lib. 10. epist. 47. Regionibus Urbicarijs accensendam esse. quo casu certissima foret emendatio, quam nuper ingessimus. quandoquidem in Notitia Imperij Tuscia simpliciter, nullaque distinctione appositâ Vicario Urbis adscribitur: ut vniuersa Tuscia tam scilicet annonaria, quam Suburbicaria denotari videatur. Notitiæ verba ita habent: *sub dispositione viri spectabilis Vicarij Urbis Romæ. Prouincia infra scriptæ. Consulares Campania, Tuscia, & Vmbria: Piceni Suburbicarij: Sicilia, &c. & ubi viginti duo Consulares recensentur: Per Italiam octo. Venetia, & Histria: Æmia: Liguria: Flaminia, & Piceni annonarij: Tuscia, & Vmbria: Piceni Suburbicarij: Campania: Sicilia.* Quod si vniuersæ Tusciæ cum Vmbriâ vnus erat Consularis sub dispositione Vicarij Urbis, dubitationi locus non remanet, quin ea regio appellari *Urbicaria* posset: quæ in annonariam, & Suburbicariam diuidebatur atq; hoc pacto restituendus omnino locus ille foret apud Auctores limitum. Nostra verò suspicio eò probabilior apparet, quod in catalogo Episcoporum, qui Synodo Sardicensi subscripserunt, Italiæ Urbes recensentur Rauenna, Mediolanum, Brixia, Verona, Aquileia: Luca vero non Italiæ, sed Tusciæ Urbis nuncupatur. Nec te fugit esse Lucā in eâ Tusciæ parte,

quæ annonaria dicebatur. Itaq; vniuersa Tuscia Urbicaria erat. eius duæ partes, altera (vt diximus) Suburbicaria, altera annonaria appellabatur. Negotium tamen facessit inscriptio Nouellæ Maioriani de adulterijs, sic concepta: *Rogatiano Consulari Tusciæ Suburbicariæ.* ergo Tusciæ Suburbicariæ suus erat Consularis. Nolim suspicari vocem illam *Suburbicariæ* ab aliquo additam: crediderim potius, Maioriani tempore datum vtriq; Tusciæ suum Consulare: crebras enim in Italiæ regionibus, earumque Magistratibus mutationes obseruare licet.

Ad secundum argumentum quod attinet, perspicere potes, quæ supra diximus de l. 14. Cod. Theod. de indulg. debit. cuius verbis innui magis arbitramur legem 7. eodem tit. quàm duodecimam, vt tu reris, quanquam ad d. l. 14. referri, & hæc ipsa videatur, quæ sexto post anno iisdem Impp. Honorius & Theodosius maiore debitorum indulgentiâ donarunt Campaniam Urbicariam, Tusciam & Picenum Suburbicarias regiones. quæ omnes (vt prius docuimus) appellari Urbicariæ possunt.

Verissimum est, quod asseris in tertio argumento Italiam arctâ significatione acceptam à Regionibus Vibicarijs separari; quùm illam sub Vicario Italiæ, hæc sub Vicario Urbis constitutas fuisse constet, quæ tamen causa latuisse te videtur. eam nos supra patefecimus xl. vn. Cod. Theod. si per obrept. & l. 9. Cod. Theod. de extraor. muner. De Suburbicarijs idem sta-

tui nequit, vt scilicet reliquæ omnes ijs exceptis Italię accederent angustius acceptæ. id quod ex ijs, quæ diximus, satis liquet. sequenti verò capite verba explicabimus l. 9. Cod. Theo. de Annonâ, & tribut. quæ ob stare videntur.

Quattum argumentum nritur ijs Notitiæ Imperij verbis: *Rationalis rei priuatæ per Vrbem Romam, & Suburbicarias regiones cum parte Faustinae. Procurator rei priuatæ per Vrbem Romam. Procurator rei priuatæ per Vrbicarias regiones rerum Iuliani.* Hisce locis non opponi inter se regiones ais, sed Magistratus in ijs constitutos. Contrarium mihi videtur: nam si res ipsæ opponuntur (quemadmodum & tu fateris) res nimirum Faustinae, & res Iuliani: si officia, quibus earum cura incumberebat, cur non & regiones, in quibus vtræq; illæ res siue substantiæ diuersis locis sitæ erant? Rebus Faustinae datus est Rationalis: rebus Iuliani Procurator. illas Suburbicariæ, hasce Vrbicariæ regiones comprehendebant. Vides etiam duos constitutos fuisse Procuratores: per Vrbem Romam alterum, alterum per Vrbicarias regiones. at vnicus Rationalis erat rei priuatæ per Vrbem Romam, regionisque Suburbicarias. igitur non semper diuersi Magistratus eadem in prouinciâ constituti reperiuntur. Quin docet nos eadem Imperij Notitia, diuersos Procuratores fuisse in ipsis regionibus Vrbicarijs, alterum rerum Iuliani, alterum rei priuatæ per Apuliam, & Calabriam siue Saltus Carminianenses. Duos etiam habebat Africa Rationales. dicebatur al-

ter simplici appellatione, *Rationalis rei priuatae per Africam*; alter *Rationalis rei priuatae fundorum domus diuinæ per Africam*, & nullum apparet fuisse in Africâ Procuratorem: nam qui notatur *Procurator rei priuatae per Mauritaniam Sitifensem*, non is in Africâ erat angustè sumptâ, quæ & Zeugitana, & Carthaginienſis Prouincia nuncupabatur. neq; enim semper vbi Rationales erant, erant & Procuratores, aut contrâ. Recensitos cernimus in eâdem Notitiâ Rationales, per Hispanias, per Gallias, per quinq; Prouincias, per Britannias: nullum verò hîc in locis Procuratorem. Sic datos legimus quibusdam locis Procuratores rerum priuatarum, non item Rationales. Quapropter nullarum esse virium cõstat tuum argumentum. quum alioqui si vera essent, quæ tu explicabas, non tamen nostræ officerent sententiæ, qua non semel diximus, Suburbicarias regiones Urbicariarumquôque nomine censerî.

Ad regiones annonarias transis. ac sanè perplacet, quod doces, addictas fuisse præstandis alimentis Comitatu Imp. & exercitibus: neque enim tuam tibi gloriâ inuideo. Quòd verò eas statuis in Italiâ sic specialiter nuncupatâ, non video, cur tibi id tutò sit cõcedendum. nam & si Aurelius Victor in Maximiano Herculeo *parti Italiae* ea tributa inuecta scribit, non tamen constat, quæ pars Italiæ isthæc fuerit. Innuere forsan Victor voluit, non omnes Italiæ fundos, quanquàm in cunctis Italiæ regionibus sitos ei præstationi fuisse obnoxios. videntur enim huic rei addictæ *Possessiones* per

vniuersam Italiam, hoc est agri latè patentes, quos initio non mancipatione, sed quisque vt potuit occupauit, posseditque veluti definiunt Auctores limitum. Atque illud, est quòd Constantinus voluit in l. 6. Cod. Theod. de Ann. & trib. quùm ait: *Vinum, quod ad Cellarij usum ministrari solet, cuncti ITALIÆ POS-SORE S iuxta statutum Constantis fratris mei comparent, etc.* Quocirca Italia hoc loco communi ac notiori significatu accipitur. Verùm tota hæc tractatio diligentiore indagationem desiderare videtur.

CAPVT QVARTVM.

VRBE ET ITALIA INTERDICERE.

Italia duplici, Africa triplici notione accepta. Illustrata leges nonnulla Codicis Theodosiani.



V O D docere pergis Anonyme fuisse regiones Suburbicarias propè ipsam Urbem, apud nos in confesso est. At tu in eo hallucinaris quòd reliquas omnes Italicas Prouincias Suburbicarijs exceptis constituiſſe putas Italiam angustâ significatione sumptam. Verius enim est, regiones omnes Vicario Urbis subiectas, nempe Campaniam, Brutios, Calabriam, alias cum ipsis Suburbicarijs separatas fuisse ab Italiâ restrictiùs acceptâ, quæ diœccsim

con-

constituebat Vicarij Italiæ. Ideo in Chronicis Idatianis legere est, *Ambrosius in Italiâ Mediolani Episcopus, &c.* & alio loco: *Paulinus nobilissimus, & eloquentissimus, dudum conuersione ad Deum nobilior factus, vir Apostolicus, Nola Campaniæ Episcopus.* Nola enim non Italiæ, vt Mediolanum, sed Campaniæ Urbem nominauit, quod Campaniæ regio inter Urbicarias esset, atq; adeo extra Italiam angustius nuncupatam. Quòd si Campania, quæ cum Suburbicarijs (vt tu doces) non cõnumerabatur, nec Italiæ adscripta erat, quẽmadmodum nec aliæ, quæ præter Suburbicarias Vicario Urbis suberant, vt clariùs quoq; euincemus cap. 3. secundæ diatribæ; num tertia constituenda est diœcesis, in quam regiones illas conijcias? Enimverò nugas meras agimus: & tu dum non animaduertisti arctam illam Italiæ appellationem ante Constantinum vsurpatam non fuisse, in apertos errores prolapsus es, asserens, eâ significatione accipi apud Suetonium Claud. cap. 23. Neron. cap. 39. Vitell. cap. 14. Gellium lib. 15 cap. 11. Tertullianum lib. de Pudicit. Valerium Max. lib. 1. cap. 3. Vlpianum l. 1. D. de EffraCTOR. nec falsò minus credis hisce locis appellatione Urbis Suburbicarias quòque regiones contineri. Siquidem solemne fuisse apparet, vt quum quis Italiâ vniuersâ interdicebatur, Roma ipsa ob quandam dignitatis prærogatiuâ specialiter interdictus enunciaretur. Ideo [Egnatius Bæticæ Proconsul Mario Euaristo Vrbe, Italiâ, Prouinciâ Bæticâ in quinquennium interdixit, vt tradit Vlpianus lib. 7. de Offic.

Proconsul. apud Collator. Leg. Mosaic. satis enim fuisse videbatur Hispanico Proconsuli, Italiam nominare, vt & Vrbe Egnatius abstinere; sed à recepto more noluit recedere. quod hodieq; pluribus locis in vsu est. nam quumquis à ditione aliquâ, vel prouincia submouetur, vrbs ipsa Prouinciæ caput speciatim exprimitur.

Statuendum est igitur, duplici ratione Italiam accipi: modo latius, quæ Prouincias omnes complectitur, tam Vicario Urbis, quam Vicario Italiæ subiectas: modò angustius partem illam designans, quæ Italiæ Vicario adscripta erat. Ex quo factum est, vt quum de vniuersâ Italiâ verba haberentur, respectu eius (quam diximus) diuisionis inter duos Vicarios, non *Italiam*, sed *Italias* plurium numero interdum enunciarent. Notitia Imperij: *Consulares viginti duo. per Italias octo, &c.* Firmandum ergo remanet, non à Præfecti Urbani administratione, sed à Vicarij Urbis diœcesi separari Italiam angustius acceptam. Tu tamen, qui nondum veritati acquiescere nolti, aduocas ad tuam sententiam communiendam l. 9. Cod. Theod. de ann. & trib. in qua hæc leguntur: *Tabulariorum fraudes se rescasse per Suburbicarias regiones vir clarissimus Anatolius Consularis missâ relatione testatus est. & post alia: quod iubemus, vt etiam per omnes Italiæ regiones par ratio seruetur.* Laudas insuper l. 2. Cod. Theo. de in integr. restit. cuius sunt verba: *Placuit ad interponendam contestationem in Vrbe (Româ) usque ad anni tricesimi extremum diem spatia prorogari, & intra centesimum Urbis Romæ miliarium, si tamen ab his iu-*

dicibus, qui *Roma* sunt, fuerit iudicandum. Per omnem verò *Italiam* usque ad finem vicefimi & noni, &c. Videtur tibi in hisce constitutionibus opponi *Italia* regionibus Suburbicarijs: non sic est, mi homo. Nam illud per omnem *Italiam*, & per omnes *Italiae* regiones, idem est, ac si dictum esset, per ceteras *Italiae* partes, vt *Italia* inibi accipiatur generali, atq; vñtatâ prius significatione. Amabât enim ita loqui eo tempore, vti videre quoq; est in l. 27. Cod. Theod. de Decurion. *Rarum Carthaginis splendidissima Senatum & exiguos admodum Curiales residere conquestus es, dùm uniuersi indebita dignitatis insulas fœdâ familiaris rei vexatione mercantur. Igitur istiusmodi viri demptis honoribus imaginarijs huiusmodi illi erunt* (quid sibi velint tria hæc verba, non sat scio, ac fortasse inducenda sunt) quos fuerant consequuti, ciuicis muneribus subiungentur, quod quidem per omnem *Africam* solertissimè seruare oportet. Neq; enim separari vñlo pacto ab *Africâ* potest *Carthago*, non etiâ si *Africam* angustissimâ significatione accipias, quippe & eius regionis *Carthago* caput erat. Triplici (vt nosti) notione *Africa* accipiebatur: modò latissimè pro tertia Orbis terrarum parte: modò angustius, quæ sex illas Prouincias comprehenderet, Zeugitanam, quæ & Prouincialis, & Carthaginienſis, Numidiam, Byzacium, Tripolitanam, Mauritanias Sitifensem, & Cæsariensem. Interdum autem ipsa Zeugitana Prouincia (inqua *Carthago*) *Africa* propriè appellabatur, quod *Plinius* præ ceteris indicat lib. 5. cap. 4.

CAPVT QVINTVM.

LATIVM JNTER NVLLAS REGIO-
nes connumerabatur. Valeria regio. Jtinerarium An-
tonini. Frontinus emendatus. Samnis regio. Spole-
tinus Episcopus nequaquam Metropolita. De numero
regionum Suburbicariarum. Spoletium in Vmbriâ in Pi-
ceno. Eadem Tusciâ pars. Campania regio. Fronti-
nus iterum emaculatus. Jtem Paulus Diaconus. Fir-
mata vetus lectio in Tacito. De Ponte Campano.



LATIVM iam, Anonyme, coniectura tua
 cùm de nomine, tùm de numero regio-
 num Suburbicariarum. De duarum regio-
 num appellatione nulla est dubitatio, de
 Tusciâ nimirum & Piceno, quarum est
 mentio in l. 12. Cod. Theod. de indulg. debit. in ins-
 criptione Nouellæ Maioriani de adult. in Notitiâ Im-
 perij, & apud auctores de limitibus, si nostra admitta-
 tur emendatio. At quòd tu Latium vetus, nouumq;
 Suburbicarias regiones nominas, non video, quî viris
 eruditis satis omnino possis facere. Ipsâ in re non abes
 (opinor) à vero. erat enim Latium propè Urbem. at
 Constantini sæculo, quo proximè Vrbi regiones nun-
 cupari Suburbicariæ cœperunt, obsoleuisse Latij no-
 men videtur. itaq; nulla eius mentio est inter Prouin-

cias, quæ in Notitiâ Imperij recensentur. Verior fortassè coniectura erit, si Valeriam magnâ ex parte, ex aliquâ etiam Samnium inter Suburbicarias regiones connumerabimus: eas enim statuit Notitia Imperij inter Prouincias à Præsidibus rectas, quæ Vicario Urbis suberant.

Tu coniecturali tuo lituo regiones in aëre designaras, quùm Valeriam extra centesimum statuisti, atque ita curasti delineandam in tuâ tabulâ. Aliud est, quod nos docet Paulus Diaconus lib. 2. Hist. Langobard. Porro (inquit) *tertiadecima Prouincia Valeria, cui est Nursia annexa, inter Vmbriam, & Campaniam, Picenumque consistit: quæ ab oriente Samnitum regionem attingit. Huius pars occidua, quæ ab Vrbe Româ initium capit, olim ab Hetruscorum populo Hetruria dicta est. Hæc habet vrbes Tiburim, Reate, Furconē, & Amiternum, regionemque Marforum, & eorum lacum, qui Fucinus appellatur.* Hac in regione agnoscere potes loca nonnulla, quæ partim Latio, partim Piceno Suburbicario assignaueras. Amiternum nescio cur in Marrucinos, Theate inter & Angulum ad mare superum coniecisti, quùm inter omnes conueniat, non longè à Reate, atq; Interâna fuisse, nempè in Sabinis, vt ex Dionysio alijsq; colligitur, nec procul ab eo loco, vbi ciuitas Aquilæ postmodum ædificata est. Rudera hodièque visuntur, & præterlabitur Aternus. ac reor sanè ab amne Aterno fluxisse appellationem Amiterni.

Regioni Valeriæ constat nomen fuisse inditum à

viâ cognomine, de quâ ita Strabo. ἡ Ουαλερία δ', ἀρχεται μὲν ἀπὸ Τιβύρου, ἀγὰρ δ' ὑπὲρ Μαρσὸς, καὶ Κορφίνιον τῶν τῶν Πελιγνῶν μητρὸς πόλιν. εἰσὶ δ' ἐν αὐτῇ Λατίναι πόλεις Ουαλερία τε καὶ Καρσίοιοι, καὶ Ἀλβα. πληστον δὲ καὶ πόλεις Κόκκων. Εν ὧν δ' εἰσὶ τοῖς ἐν Ρώμῃ Τίβυρα τε, καὶ Πράντες, καὶ Τύσχλον, *Valeria à Tibure incipit, ducitque in Marfos, & Corfinium Pelignorum Metropolim. sunt in eâ Vrbes Latinae Valeria, Carseoli, & Alba, & propè urbem Cuculum. In conspectu Romæ sunt Tibur, Praeneste, & Tusculum.* Antoninus quoque in Itinerario vrbes hasce enumerat in viâ Valeriâ, per quas ab Vrbe iter est Hadriam vsque, *Tibur, Carseolos, Albam Fucentiam, Cerfinniam, Corfinium Interbromium, Theate Marrucinum, Hadriam.* Antoninum nominaui eius Itinerarij auctorem, quamvis tu confidenter, vt soles, id Æthico tribuas. Non sum nescius, à Flodoardo locum huius Itinerarij ex Æthici cosmographiâ adduci, idq; monitum fuit in editione Basilcensi anno 1575. verum decipi Flodoardus potuit, quòd eius in codice additū esset Æthici cosmographiæ id Itinerarium. quæ codicum conficiendorum ratio mirum quantum confusionis pepererit in auctorum nominibus. Plurium certè testimonio extare liquet in manuscriptis omnibus Antonij siue Antonini Augusti, vel Augustalis nomen. Nescio an in Valeriæ nomine mendosus sit locus in commentario Claudij Cæsaris, apud Frontinum de Colonijs: *lex agris limitandis metiundis partis Tusciæ prius, & Campania, Apulia, & Variæ regionis.* videtur enim rescribendum, &

Valeriae regionis. Nisi Variam regionem intelligit, quæ Bario adiacet: nam & alicubi Barij nomen in Varium, & Variam degenerauit.

De regione Samnij hæc Paulus Diaconus: *Quarta decima Samnium, inter Campaniam, & mare Adriaticum, Apuliâque à Piscaria incipiens habetur. in hac sunt Vrbes Theate, Aufidena, Hifernium, & antiquitate consumpta Samnium, à quo tota Prouincia nominatur, & ipsa harum Prouinciârum caput ditissima Beneuentus.* Ptolomeus quoq; Beneuentum Samnio tribuit; Tu Campaniæ. at Venafrum, quod tu das Samnio, apud Ptolomeû inter mediterraneas Campaniæ ciuitates recensetur. Acro etiam, seu quisquis est vetus Horatij Scholiastes, Campaniæ adscribit. Planum est, è Strabone, alijsq; populos Samnitium fuisse Hirpinos, Erentanos, Marrucinos, Vestinos, Pelignos, Marfos. Horum nonnulli loca occupabant intra centesimum ab Vrbe miliarium, atque adeò in ipso Latio. Antiquato (vt dicimus) Latij nomine pars Samnio cecidisse videtur, pars Valeriæ multò maior, pars etiam Campaniæ, vt infra demonstrabitur.

Illud interim notare subit, imbecillum esse tuæ assertionis fundamentum, dum ais, Spoletium Metropolim fuisse Piceni Suburbicarij, motus subscriptione l. 5. Cod. Theod. de med. & profess. in qua est. Acc. 14. KAL. AVG. SPOLETIO. Cui inscripta sit ea Iuliani constitutio, non apparet. Generalem fuisse credo, eiusque exempla ad Magistratus per Prouincias missa, vt publicè proponerentur. Potuit id exemplum, quod

in Codices postea Theodosij, & Iustiniani relatum est, ad Consularis manus peruenisse, dum Spoletij fortè esset. Constat enim moris fuisse Magistratibus, vt Pro-
uincias sibi commissas obirent, æstius præsertim men-
sibus. Quod ex Cicerone in C. Verrem, Strabone, alijs-
que patet, docuitque Berterius. Quamobrem haud-
quaquam statuendum ex illâ constitutione est, vt tu
facis, Consularis tribunal fuisse Spoletij tanquàm in
Metropoli. Vicarius Africæ dubio procul Carthagi-
ne degebat, qua in Vrbe accepisse illum apparet le-
gem 13. Cod. Theod. de Annonâ, & tribut. At l. 26.
Cod. Theod. de decur. ad Vicarium itidem Africæ da-
ta, Thamugadi accepta fuit: lex verò 3. Cod. Theod. de
fide, & iure hastæ, accepta legitur Hadrumeti. Nosti
Præfectum Vrbi non alibi, quàm Romæ sedem habuif-
se. an non & Vrbe interdum exire vsu illi veniebat? non
etiam quàm alibi quàm Romæ esset, rescriptum ali-
quod Imperatoris peruenire ad eum poterat? id conti-
gisse olim apparet, dùm C. Ceionius Rufus Volusia-
nus Vrbi Præfectus in Campaniam nescio qua de cau-
sa se contulisset. Siquidem Venafri accepit legem 22.
Cod. Theod. de Cursu publ. sic enim reponendum ar-
bitror in subscriptione, pro *Venabri*.

Sed fuerit sanè Spoletium Metropolis, non tamen
certum est, in Piceno Suburbicario fuisse, vt infra di-
cemus. Sed neque habuit vnquam Ecclesiasticum Me-
tropolitam, quemadmodum nullis in Ciuitatibus re-
gionum Suburbicarum Metropolitæ eo tempore
erant.

erant. Haud enim ciuiles semper formas amplectebatur Ecclesia, vt sequenti dissertatione docebitur. Porro cassâ nuce inanior tua est diuination de Spoletino Episcopo, quem Metropolitanum fuisse autumas, quia in dissidio Pontificatus Romani inter Bonifacium, & Eulalium, electus ab Imp. Honorio fuit ad Sacra Paschatis in Vrbe celebranda. Constat enim ex ipso Honorij rescripto, non aliam ob causam demandatum id munus Achilleo Episcopo Spoletino, nisi quia, quum ceteri Episcopi huic illive parti fauerent, ipse Achilleus neutri addictus erat. Verba rescripti ea sunt: *At quoniam vicinitas Sanctorum dierum Episcopi praesentiam postularet, nec in Vrbe sacratissimâ fas est Pascharum praesertim dies sine Sacerdote celebrare: idcirco Symmache parens carissime atque amantissime, illustris magnificentia tua Achilleum nos elegisse cognoscat, quem à fauore partium constat esse alienum, qui mysteria sacrae obseruationis impleret.*

De numero regionum Suburbicarum, non video quid certi definiri possit. Tu quatuor tantum fuisse existimas ex l. i. C. Theod. de Calcis coctor. qua iubet Imp. ex QUATVOR REGIONIBVS trecentos boues ad calcem vehendam praestari. Probo ac laudo, quæ doces de Terracinensibus, eorumque monte saxa ministrante calci conficiendæ apta: aio etiam non absurdè à te conijci quatuor illas regiones, quarum mentio est in prædictâ lege, Suburbicarias fuisse. Sed non est necessariò colligendum, intra eum numerum stetisse. Nunquid enim suspicioni locus non restat, ex plu-

ribus Suburbicarijs regionibus quatuor tantum ei præstationi addictas? Ex ijs, quæ docuimus, numerare inter Suburbicarias regiones potes cum Valeriam, & Samnij partem, sed & Campaniæ, ut infra demonstrabitur, tum Picenum Suburbicarium, Tusciamq; Suburbicariam, nec non & Umbriam, ac si quæ præterea regio centesimo ab Vrbe lapide saltem ex parte comprehenderetur. Tu verò cur Umbriam silentio præterijsti? an quia ei regioni Tusciæq; vnus idemque præerat Consularis? id ferendum. At cur Spoletium non Umbriæ potius adscriptum à te est, quàm Piceno Suburbicario, cui alius Consularis Præfectus erat? nam quod à Balbo in corpore de limitibus Spoletinus ager nominatim in Piceno statuitur, is (ni fallor) ita loquutus est, quia Umbria etsi pars erat Tusciæ, fluuio tamen Tiberi discreta, in Piceno sita censebatur. Indicio sunt verba Scæuolæ in l. 41. §. Codicillis de leg. 3. quæ sic habet: *idem postea petijt ab hæredibus suis, ut regionem Umbriæ Tusciæ in Piceno cohæredes uxori suæ restituerent cum omnibus, quæ ibi erunt, & mancipijs rusticis, vel Urbanis, & actoribus, exceptis manumissis; quasitum est, quum Eros & Stichus serui in diem vitæ testatoris in Umbria in Piceno actum administrauerint, &c.* Ita vulgati codices, nam Pandectæ Florentini videntur mendosi, defectu particulæ IN. Nescio an & huc spectet antiqua inscriptio Ariminensis. M. ÆLIO. AVRELIO. THEONI. AVG. IVRIDICO. DE. INFINITO. PER. FLAM. ET

VMBRIAM. PICENVUM. &c. Itaque Picenum generaliter acceptum complectebatur Picenum annonarium, Picenum Suburbicarium, & Vmbriam. Ac sanè quùm hæc Prouincia alia omnino esset à Piceno Suburbicario, non poterat eius Metropolis esse Spoletium (quemadmodum tu putabas) sed Vmbriæ potius, aut Vmbriæ Tusciæ, vt loquitur Scauola, quod firmatur notissimâ illa inscriptione sub æreâ statuâ à Spoletinis posita

L. TVRCIO. APRONIANO. V. C.
 FILIO. L. TVRCII. APRONIANI. V. C.
 PRÆFECTI VRBIS. NEPOTI
 L. TVRCII. SECVNDI. C. V. CONSVLIS
 QVÆSTORI. PRÆTORI. QVINDECIM
 VIRO. SACRIS. FACIENDIS. CORRE-
 CTORI. TVSCIÆ. ET. VMBRIÆ
 VIRTUTE. PRÆSTANTI. STATVAM
 EX. ÆRE. ORDO. SPOLETINORVM,
 AD. MEMORIAM. PERPETVI. NOMINIS
 CONLOCAVIT.

Quod diximus, fuisse Vmbriam Tusciæ partem, testatur id Seruius ad XII, ÆN. *Viuidus Vmber: acerrimus Tuscus. Nam Vmbria pars Tusciæ est.* & ad lib. 2. Georg. *Clitumnus autem fluuius est in Meuania, quæ pars (lego Vrbs) est Vmbriæ partis Tusciæ.*

Pretium est operæ de Campaniâ aliquid inquirere, quam tu secludis omnino à centesimo lapide. Audi

quos illi fines præscribat Paulus Varnefridus eodem lib. 2. quo Italiæ Prouincias enumerat : *Septima quôque Prouincia Campania ab Vrbe Roma vsq; ad Siler Lucaniæ fluiuium perducitur, in qua opulentissimæ Vrbes Capua, Neapolis, & Salernus constitutæ sunt.* Néque existimes ad sua tempora respexisse Diaconum: nam & Scholiastes Iuuenalis ad illud Sat. 3. *Et Pomptina palus & Gallinaria Pinus: loca sunt* (inquit) *abundantia latronibus in Campania.* Non ignoras verò paludem Pomptinam à Plinio locari in Latio. Seruius ad 7. *Æn. de Terracinâ, & locis finitimis* ita loquitur: *Circa hunc tractum Campaniæ celebratur puer Iuppiter, qui Anxurus dicebatur, quasi ἀνδρῆς, id est sine nouacula, quia barbam nunquàm rasisset, & Juno virgo, quæ Feronia dicebatur. Est autem fons in Campania iuxta Terracinam, quæ aliquando Anxur est dicta.* Colligitur etiam ex Symmachi epistolâ 53. lib. 10. pertinuisse Terracinam ad curam Consularis Campaniæ, à quo propterea appellationes deferebantur aliquoties ad Præfectum Vrbi. Atque hæc quidem post Constantinianam Prouinciarum diuisionem. Sed & quùm Latij nomen adhuc vigeret, pars illa, quæ ad mare vergebat, in Campaniæ appellationem venire cœperat, ex quo nimirum Augustustratum illum, quantus est, in vnâ redegerat regionem. Plinius lib. 3. cap. 5. Vbi de primâ regione loquitur: *Regio ea à Tiberi prima Italiæ seruat ex descriptione Augusti. Intus Colonia Capua ab campo dicta, Aquinum, Sueffa, Venusfrum, Sora, Theanum, Sedicinum cognomine, Nola.*

Oppida *Abellinum*, *Aricia*, *Alba longa*, *Acerrani*, *Alifani*, *Atinates*, *Aletrinales*, & quæ sequuntur. Inter hæc citerioris Campaniæ oppida & Tibur, & Præneste Plinius recenset, quæ tamen ex verbis Strabonis, Valeriæ potius sunt adscribenda, si tamen ijs temporibus regio quóque Valeria nominabatur, non via tantum. Coniungebantur non longè ab Urbe duæ illæ regiones, at recedebant postmodum, locum Samnio dantes, cuius etiam pars quædam citra centesimum miliarium procurrisse videtur. Vbi connexæ erant, nomina quóque confundebant, ut pars Valeriæ Campania à quibusdam appellaretur. Suspicionem iniicit locus hic Frontini ex libro de Colonijs, si mendo, quo laborat, liberetur: *Pars verò camporum, & silvæ regionis Campaniæ vel totius Aureliæ ante à D. Augusto veteranis pro parte data fuit.* Pro ijs verbis, *vel totius Aureliæ*, reponendum videtur, *vel potius Valeriæ*. Facilis enim fuit lapsus *Valeriæ* in *Aureliam* transpositu tantummodo litterarum. Nam alioqui quæ regio fuit Aurelia? Viam fuisse Aureliam non ignoro, de qua Tullius in Philipp. *Tres viæ sunt ad Murinam, à supero mari Flaminia, ab infero Aurelia, media Cassia.* Sed nihil hæc ad Campaniam, neque ex eâ nomen inditum regioni, ut Valeriæ, ut Flaminia, ut Æmiliæ: non enim viæ omnes sua nomina regionibus adiacentibus commodabant; non ipsa Appia regina viarum, ut à Statio nuncupatur. Quocirca eadem macula è Paulo Diacono eluenda, ubi ait: *constat autem Aureliam, Æmiliamque, & Flaminiam*

à constratis vijs, quæ ab Vrbe Roma veniunt, & ab eorum vocabulis, à quibus sunt constrata, talibus nominibus appellari. Legendum enim *Valeriam* non *Aureliam*. In loco tamen Frontini non contendam pertinaciùs vocem totius in potius mutandam, dum illud vel pro & capiatur, vt dicamus tributam fuisse veteranis partem camporum, & silvæ tam *Valeriæ* regionis quàm *Campaniæ*. Igitur cùm *Campania* etiam cis miliarium centesimum protenderetur, quin & ad ipsam penè Urbem Romam, videndum, an in verbis illis *Cornelij Taciti* (quid enim aliud læso patrono concessum, quàm vt vicesimum ultra lapidem in oram *Campaniæ* libertum releger?) Probanda sit tua emendatio centesimum, pro vicesimum reponentis. Quanquàm id quóque sagacissimum *Lipsium* subodoratum fuisse comperio.

Non insuavia sunt, quæ disseris ad finem capitis de duobus Latijs, & de Ponte Campano, locum explicans *Itinerarij Peutingeriani* ex *Horatio*, cuiusque interprete. Mentio quóque eius Pontis est in veteri *Itinerario Hierosolymitano*, quod publici iuris fecit *Petrus Pitheus* de re literariâ si quis alius optimè meritis. Nam vbi iter describit à Capuâ ad Urbem, ita loquitur: *Ad octauum M. viii. Ponte Campano M. ix. Sinuessæ M. ix. &c.*

CAPVT SEXTVM.

BARONIVS A CALVMNIIS

vindicatus. Canon Urbicarius, regiones Urbicariae ab Urbe. Aegyptus, Africa, Sicilia frumento Urbi praestando addictae. Frumenti Alexandrini praestatio Constantinopolim translata.

TOTVS hîc es in refellendâ Card. Baronij opinione de Regionibus Urbicarijs. Licet autem coniectura nostra à Baronianâ non minus abeat, quàm à tuâ, aio tamen non earum esse virium tuas machinas, vt Baronij fundamenta conuellere queant. Modestius profectò actum oportuit cum viro honorum, virtutûmque ac doctrinæ luce illustrissimo, cui rem Christianam maximoperè debere, optimus quisque fatetur.

Videtur tibi Baronius argumentandi legem minus seruasse, quòd collegerit ex Codicis Theodosiani constitutionibus, in quibus Urbicariae regiones ab Italiâ separantur, quasdam esse regiones extra Italiam, quæ Urbicariae dicerentur. Cur ridiculam huiusmodi collectionem censeas, ego sanè non video. Quùm legerim apud Cæsarem, Venetos esse in Galliâ Transalpinâ populos: ridebo qui me riserit colligentem, quos-

dam etiam esse Venetos extra Italiam. Si in duabus Codicis Theodosiani constitutionibus regiones Urbicariæ opponuntur Italiæ, cur elicere inde non potuit Baronius, eas regiones fuisse extra Italiam? Si Suburbicarias regiones nuncupatas perspexit Picenum, & Tusciam, eandemque appellationem cum Urbicarijs confundi observauit, cur efferre illi non licuerit, Urbicarias itidem fuisse quasdam regiones, quæ intra Italiam ac propè ipsam Urbem sitæ essent.

Arguis præterea Baronium, quòd Urbicarias regiones extra Italiam in Africâ, & Siciliâ constituerit ex l. 9. Cod. Theod. de extraor. muner. & l. 1. Cod. Theod. si per obrept. quibus in legibus Urbicarias regiones ab Africa & Siciliâ nominatim, & disertissimis omnino verbis distingui ais: his nempe: *non enim per Italiam tantum, sed etiam per Urbicarias regiones, & Siciliam, &c.* Item: *sinceritas tua id ipsum per omnem Italiam, tum etiam, per Urbicarias, Africanasque regiones firmabit.* Sed mirum audi. Quod tu seiunctim intelligendum contendis, ille coniunctim accipit. quæris, quo pacto? perinde ac scriptum esset: *per Urbicarias regiones, atque adeò per uniuersam Siciliam.* Item: *per Urbicarias caterasque Africanas regiones.* Haud enim adeo insolens id loquendi genus; nec permittam hac in re alio quàm te Baronius patrono vtatur. Vbi tu suprâ tertio capite locum illum Pollionis protulisti: *Aurelianus pudore victus Terricum, quem triumphauerat correctorem totius Italiam fecit, id est Campania, Samnij, Lucania, Brutiorum, Apulia, Calabria*

bria, Hetruria atq; Umbria, Piceni, & Flaminia, omnisque annonarię regionis; hæc subdis (tua enim ipsa verba transcribam) Quas annonariarum appellatione regiones Pollio intellexerit, ex eius verbis distincte definiri non potest, nisi illasce regiones ipsas, quas eo loco recenset, indicare voluerit: Hetruriam quippe, & Picenum inter eas annonariarum numero fuisse mox ostendemus: ut illis proinde Pollionis verbis, omnisque annonarię regionis, vox συλλεπιχη ADEO subintelligenda videatur: quod sanè pro comperto habeo. Quam igitur fas tibi fuit comminisci interpretationem ad Pollionis verba, cūr non eandem accommodare Baronio licuerit duabus illis constitutionibus Theodosiani Codicis?

Postremò vitio vertis Baronio, quòd ex appellatione Canonis Vrbicarij, quæ, qualēsve essent regiones Vrbicariæ vestigatum iuerit. Hoc tu ficulneum argumentum appellas. atqui recurrat velim tibi in mentem Horatianum illud.

Olim truncus eram ficulnus, inutile lignum.

è quo tamen trunco effinxit nescio quis faber deum quendam tui similem, nempe ex eorum numero, qui finium tutores, custodēsque terminorum (qualem te ipse declarasti) antiquitus statuebantur. Videamus igitur, an ficulneum hoc argumentum ita confirmari possit, ut regionum Vrbicariarum limites ex Baronij sententiâ designet. Obseruauerat ille, Vrbicarium Canonem appellari, quòd Vrbi Romę deberetur à provincijs quòque extra Italiam, proinde nihil repugnare

existimauit, quominus, & eadem Prouinciæ dici Urbicariæ possent. *Urbani usus frumenta* appellat l. 3. Cod. Theod. de Canon. frum. Urb. Rom. etiamsi in Africâ adhuc residerent: & Claudianus *Romuleas segetes*: cur non, & Africæ regiones hiscè frumentis præstandis addictas, Urbicarias appellare liceret? *Si ita est* (inquis) *iam vel omnis Occidens (ne quid de Oriente dicam) Urbicariarum regionum appellatione censendus erit.* Fugit te ratio, mi coniector. quo enim tempore obnoxia factæ sunt Galliæ præstando frumento Urbi Romæ? quo alia complures prouinciæ? Africæ & Siciliæ indictus præcipuè is canon fuerat. Etiam Ægypto olim, & quidem primo loco, nam Africa habita fuit veluti subsidaria. Lampridius de Commodo: *classẽ Africanam instituit, quæ subsidio esset, si fortè Alexandrina frumenta cessassent.* Sed Constantinianis temporibus, quum regiones Urbicariæ appellari cœperunt, Ægyptia canonis præstatio Constantinopolim translata fuit. A deo enim hominum multitudo eâ in Vrbe excreuerat, vt scribat Eunapius Sardonius in Sopatro, impares alendo populo fuisse frumentarias copias ex Ægypto vniuersaque Asiâ cum Syriâ, & Phœnice, alijsq; prouincijs illuc comportatas. Quum prius Byzantinus ager aliarum Urbium egestati subueniret. Compertum est, nihil æquè nocuisse D. Athanasio atque mendacium auribus Imperatoris instillatum ab Arrianis confingentibus, minatum illum fuisse, vetitum se, ne Alexandrinum frumentum Constantinopolim, vt solebat,

aducheretur, qua de re Socrates lib. 1. cap. 23. Atque illud est, quod Roma querebatur apud Claudianum de Bello Gildonico.

*Tot mihi pro meritis Lybiam, Nilúmque dedére,
Vt dominam plebem, bellatorémque Senatum
Classibus æstiuis alerent; geminoque vicissim
Littore diuersi complerent horrea venti:
Stabat certa salus. Memphis si forte negasset,
Pensabam Pharium Getulis messibus annum.
Frugiferas certare rates, latéque videbam
Punica Niliacis concurrere carbasa velis.
Quúm subito par Roma mihi, diuisáque sumpsit,
Æquales aurora togas. Ægyptia iura
In partem cessére nouam. Spes unica nobis
Restabat Libya, quæ vix, agréque fouebat
Solo ducta Noto, nunquam secura futuri,
Semper inops, ventique fidem poscebat, & anni.
Hanc quóque nunc Gildo rapuit. &c.*

Quòd innuit Claudianus nauigationem Africanam inturam fuisse, Vrbi laboranti præsto interdum erat frumentum ex ipsa Ægypto inuectum, id quod colligere est ex Symmacho lib. 10. ep. 22. sed & aliunde. idem l. 3. ep. 82. ex inopia namque publicus metus versus est in gaudium: postquam venerabilis pater patriæ Macedonicis commeatibus Africa damna pensauit, quem nunc omnes, ut altorem generis humani deum diligunt; nihil enim passus est Austris contumacibus aduersus Romam licere. De sollicitudine, metúque Romanorum ob impendentem famem

occupata à Gildone Africa, idem Symmachus lib. 4.
epist. 4.

Igitur Africa Vrbicario canoni propriè erat obnoxia, velut & Sicilia, siue quædam in vtrâque regiones, quas ideo Vrbicarias appellatas non absurdè ratus est Baronius. Ergò & suburbicariæ dici poterant, si huiusmodi appellationes confundi consueuissent, quæadmodum tu ipse docere conatus es. Exclamas tamen: *quomodo quæso Suburbicariæ dici potuerunt prouinciæ tanto terrarum, marisque intervallo ab Vrbe disparata?* eo nimirum modo, quo M. Tullius non semel Siciliam nominauit *prouinciam Suburbanam*, quemadmodum Florus. quòque fecit, vt & à te animaduersum. Quòd si non hæc tibi faciunt satis, facient opinor, quæ tu docuisti de vi & significatione nominis Suburbicariarum: ais enim capite secundo, sic dictas eas regiones *non magis à situ, quàm quòd Vrbi subessent, id est sub Vrbis diæcesi essent.* igitur si ratio situs non adeò est habenda, id quòque nomen aptandum videbatur regionibus quantumuis longinquis, dummodo Vrbi peculiariter addictæ forent, quemadmodum illæ erant, quæ Vrbicario canoni obnoxia perpetuò tenebantur.

In extremo capite calumniam Baronio impingis, dum sic loqueris: *denique quis non videt ridiculam vocis etymologiam? non aliter ac si quis Vrbicariam Præfecturam ab Vrbicario canone deducat.* Iam si ferream frontem non haberes, pertimescenda tibi lex Remmia fuerat. Nunquid Baronius hæc ineptias protulit? ab Vrbe

fatetur ille & canonem Vrbicarium, & regiones Vrbicarias esse dictas. Atque eius verba illa sunt: *sed unde id queso nomen, & quanam, & cur dicta reperiuntur etiam extra Italiam posita Vrbicarię regiones?* Res est haud facilis exploratu. Ex eo tamen quem inuenimus dictum canonem Vrbicarium, possumus etiam intelligere regiones Vrbicarias: sunt enim hæc veluti cognata. Si cognata sunt, ergo non aliud ex alio ortum est, aut deductum. innuit verò utrāmque appellationem deriuari ab Vrbe: vt & canon, qui in Urbem ex longinquis regionibus mittebatur, Vrbicarius, & quæ canonem illum regiones præstabant, Vrbicariæ dicerentur.

Illud etiam pronunciare es ausus: *verum si immemorię magis omnis hæc Baronij argumentatio tribui debet, & deceptus magis ipse, quam decipiendi alios animum habuit. &c.*

————— ποῖόν σε ἔπος Φύλλῳ ἔρχος ὀδόν τῃ;

vt quenquam Baronius sciens volens deciperet? si tibi cognita viri integerrimi probitas atque adeo sanctimonia, linguam momordisses potius, quàm vt in isthæc verba erumperet. Homo tamen erat, quid ni illi humanitùs aliquid exciderit, præsertim in rebus huiusmodi, quarum ignoratio, aut scientia momenti nihil afferunt ad æternæ beatæq; vitæ adeptionem? Turpior tua fuit hallucinatio, qui illum tibi sumpsisti castigandum. Ille Vrbicarias regiones Suburbicarias quóque dici nulla distinctione adhibita credidit. an non & tu promiscuas fecisti eandem appellationes? Largior ille fuit in statuendis extra Italiam quóque

54 *De Regionib. Suburbic. Dissert. prima.*

generaliter acceptam ijs regionibus: tu tenacior in coarctandis omnibus intra centesimum ab Vrbe lapidem. Non animaduertisse ille visus est, speciali Italiæ nomine interdum dictam partem vniuersæ Italiæ: tu reperire neutiquam valuisti, quæ nam verè fuerit specialis Italia. Hæc omnia nos in superioribus dilucidauimus, nec vereor ne nostra de Urbicarijs regionibus coniectura cæteris non antistat. Quod ni hoc sit; tuam profectò præ Baroniana procul esse habendam nemo non fatebitur, qui iudicio penitus non destituatur.



D E

D I O E C E S I EPISCOPI ROMANI. DISSERTATIO SECVNDA.

CAPVT PRIMVM.

JN REGIONIBVS SVBVRBICARIIS.

nulli olim Ecclesiastici Metropolitæ. Quæ sollicitudo Romani Pontificis, quæ aliorum Episcoporum in vniuersâ Ecclesiâ. Generalia Concilia à Pontifice Max. confirmantur. Synodus quæ in Nouella Valentiniani. Ammianus expositus. Romanus Pontifex supra alios Episcopos. Ecclesiastica dignitates ciuiliū formam non sequebantur. Maiorum Urbium Episcopi cur digniores. Romani Episcopatus prerogatiua non à dignitate Urbis, sed à primatu Petri. Ridicula collatio Præfecti Urbis cum Romano Episcopo. Excussa decreta Africanorum Conciliorum. Sardicense Concilium cur sub nomine Niceni citaretur. Le-

*ges ciuiles de rebus Ecclesiasticis inualide. Declaratur
sextus canon Concilij Constantinopolitani primi. Ordo
Ecclesiasticorum iudiciorum.*



IN priore dissertatione aliquid dixisse tu quidem videri poteras, quod in theatro cruditorum plausum mereret. In hac verò posteriore à doctis probisque viris exhibilandus es, atque explodendus. Atque vt monstrum veluti demissis aulæis statim producas, parùm sibi congruere videntur, quæ in medium affers, dum ecclesias, quas Rufinus Suburbicarias nominat, eas esse censes, quæ Suburbicarijs regionibus comprehenderentur, hoc est, quæ intra centesimum ab Vrbe lapidem essent; hasque Diœcesim constituere dicis Romani Episcopi: addis verò ex Hincmaro, propriam, ac specialem fuisse Romanæ Ecclesiæ Diœcesim, quæ plures Metropolitanos haberet. Siquidem aperiendum tibi fuerat, quinam essent hi Metropolitanî, ijque plures centesimo milliario inclusi. Neminem enim inuenies præter ipsum Romanum Episcopum; Vt ex teste à te laudato liquidò satis appareat, Romanæ Ecclesiæ Diœcesim vltra centesimum lapidem atque adedò regiones Suburbicarias excurrisse.

Duo præterea obseruanda tenendaque mones, primum non solum Romano, sed & ceteris Episcopis, præter specialis diœceseos sollicitudinem curam vniuersæ Ecclesiæ incubuisse. Qua in re nolim te genera-
tim

tim loqui : nam quòd ab alijs id monitum asseris, fatis mihi fuerit reponere, huiusmodi sententiam à doctis pijsque viris esse penitus explosam. Docendum sanè tibi foret, id iuris, quod Romani Episcopi in alienis diœcesibus quùm opus fuit exercuère, ceteros Episcopos exercuisse in Diœcesi Romanâ: ita autem exercuisse, vt vniuersæ consensu Ecclesiæ comprobatum sit. Clàm te esse non potest, patres Chalcedonenses adeò exhorruisse Dioscori Patriarchæ Alexandrini procaciam, qui sententiam ferre in Leonem Papam ausus est, vt illam potissimum ob causam damnatus ab ijs fuerit, quemadmodum testati sunt in epistolis cùm ad Leonem ipsum, tùm ad Imperatores. Multa sunt totius Ecclesiæ bonum spectantia, quæ non Episcopis tantùm, sed alijs quoque Christianis curæ esse possunt. exemplorum loco hæc sint. Intererat Catholicæ Ecclesiæ, tuas detegi dicam nè hallucinationes, an fallacias? eam mihi ego curam sumpsi: nùm tu hinc colliges, parem me esse Episcopis? Intererat olim eiusdem Ecclesiæ, Marcianum Episcopum Arelatensem, quia Nouatiani Sectæ addiçtus multos seduxerat, extra communionem fieri, & honore priuari; Num D. Cyprianus, cui ea res innotuit, id sibi iuris sumpsit? minimè verò, sed Stephanum Romanum Pontificem per litteras monuit, vt pro sua auctoritate alium in eius locum substitueret. An non & idem fecit Athanasius? & tamen magnam ille regebat Alexandrinam Ecclesiam, quæ secunda erat post Romanam. Præstat eius

verba hinc adscribere ex epistolâ ad Episcopos Africa:
 ὅπως οὖν ἀφ' ἐκείνων, ἐπεὶ δὴ συνέβη συνελθεῖν ἡμᾶς, ἐγὼ ἀφ' αὐ-
 τῶν καὶ τῶν ἀγαπῶντων ἡμᾶς Δαμασκῶ τῶν ἐπισκόπων τῆς με-
 γάλους Ῥώμης, πρὸς τῷ Αυξειτίῳ τῷ ἐπελθόντι τῇ ἐν Μιδε-
 λαίῳ ἐκκλησίᾳ διηγουμένοι τὰ κατ' αὐτοὺς. ὅτι τε ὁ μόνος τῆς
 Ἀρφαῖης αἰρέσεως ὅστις κοινῶς ἔστι, ἀλλὰ καὶ ὑποβυθός ὅστις πολλοῖς
 κακοῖς, πρὸς τῶν αὐτῶν μὲν Γρηγορίῳ τῷ κοινῶς ἔστι ἀσεβείας
 αὐτῶν καὶ θαυμάζοντες, πῶς μέλει τοῦ ὁ κατηρέθη καὶ ἐκτέλειται
 ἡ ἐκκλησία, Certe quum hoc animo essemus, et contigisset
 nos in unum conuenire, scripsimus dilecto Damaso Episcopo
 magnæ Romæ contra Auxentium inuasorem Mediolanen-
 sis Ecclesiæ, cumq; non solum esse in communionem Arriani-
 cæ sectæ, sed præter hoc multorum scelerum reum esse, quæ
 unâ cum socio suæ impietatis patrauit, miramurque,
 cur nondum depositus eiectusq; sit ex Ecclesia. Si te Ano-
 nyme, Cyprianus, atq; Athanasius audiuisent docen-
 tem, vniuersæ curam Ecclesiæ singulis Episcopis in-
 cumbere, compendariam fortasse viam quæsiuisent.
 Sed nugæ isthæc sunt. Non fugiebat sanctos viros,
 quid iuris esset in Ecclesias Arelatensem, & Medio-
 lanensem Romano Pontifici, tùm quòd eius propria
 diœcesis vniuersus Occidens erat, tùm etiam ob sum-
 mam eius potestatem in omnes Ecclesias, vbi eâ vti
 opus est. Id multoties præstitum in Constantinopo-
 litanâ, in Alexandrinâ, in Antiochenâ, alijsq; diœce-
 sibus, notius est, quàm vt commentarium hunc one-
 rare sit necesse: tu tamen exempla à Baronio, & Bellar-
 mino in eius rei argumentum adducta ferè nihili esse

censes; nouitatísque amatores in spem erigis aliús commentarij à te edendi. Videbimus sanè, quid virium futurum sit vni pigmæo aduersus duos Hercules. Interim Athanasius ipse exemplum præbere tibi potest eius curæ, quæ singulos Episcopos tangit ad bonum totius Christianæ Reip. procurandum. Id graphice describit D. Basilius epistolâ ad eum datâ: ἡμῶν ἀλλω ἡμῶν πλείστοις ἐξαρχεῖ, τὸ κατ' ἑαυτὸν ἔχοντα πᾶσι συγκατατίθει· σὺ δὲ οὐκ ἰσχυρὸν τῷ πᾶσι, ἀλλ' ἡμέτερά σοι πασῶν ἡμῶν ἐκκλησιῶν πτωχότης, ὅση καὶ τῇ ἰδίᾳ πτωχότητι τοῦ κοινοῦ διαποτρὺς ἡμῶν ἐκπαιδεύσας ὅτι κεῖται, ὅς γε ὁδὸν χρόνον ἀφελείπας ἀφελόμενος, νοσήτων, ὅτι γένοιτο, ἐκπεμπὼν πᾶσι ἐκαστὸν τῶν ὑπολειπόμενων τὰ βέλτιστα, aliorum quàm plurimis satis est, si sibi ipse quis circumspiciat. Tibi verò id minimè satisfacit, sed tanta omnium Ecclesiarum te cura tangit, quanta eius, quæ sibi peculiari-ter à Domino commissæ est. Vsq̃ue adeo, ut nullum inter- mittas tempus discerendi, admonendi, scribendi, mittendiq̃; frequenter aliquos, qui passim quid optimum sit insinuent. Consule & D. Gregorium ad interrogationes Augu- stini Anglorum Episcopi lib. 12. epist. 32. Sed huius- modi prouinciam ij etiam, qui Episcopi non sunt, sumere interdum sibi possunt. Reperies apud Theo- doretum in vitis Patrum, magnum illum Simeonem columnarium, multa pro Ecclesijs laborasse. Pu- gnabat interdum cum ethnicorum impietate: ali- quando Iudæorum peruicaciam frangebat: sæpè hære- ticorum machinamentis obuiam ibat: scribebat ad Im- peratorem: Magistratus conueniebat: pastores ipsos

Ecclesiarum diligentiorē gregis curam gerere com-
pellebat. Quid de D. Hieronymo dicam? quid de
alijs? At Romanos Pontifices præter huiusmodi solli-
citudinem, summam quôque auctoritatem, ac po-
testatem iudiciariam exercuisse constat. Annalium
magna volumina contexeret, qui eius rei exempla
vellet congerere. Nobis sat erit apponere, quod in
præsentiâ ad manum est. Oboluerat sanctissimo Pon-
tifici Innocentio, facinora quædam in Palæstinâ fuis-
se perpetrata. Itaque non tantum per litteras socor-
diam coarguit Ioannis Hierosolymitani Episcopi, sed
maiora quôque remedia adhibere conatus est: Diuô-
que Hieronymo ijs in regionibus tùm degenti hæc
inter cetera scripsit: *Itaque excitat tantâ malorum scenâ,
arripere auctoritatem Sedis Apostolicæ ad omne comprimen-
dum nefas festinauimus; sed in quem insurgeremus, nec no-
mine appellatum legimus, nec criminis aliqua ratione taxa-
tum. Quod ergo possumus, condolemus. Si deposueris au-
tem apertam, manifestamq; in homines aliquos accusationem,
aut iudices competentes tribuam, aut si quid urgentius, soli-
citiûsque à nobis fieri potest, non retardabo. Si Innocentius
id sibi præter ius arrogasset, putas ne Hieronymus com-
pescuisset linguam, qui Hierosolymitanum Episco-
pum reprehendit, quòd Diœcesum iura confudisset,
confugiens nescio qua de re ad Alexandrinum Patri-
archam; quùm ire ad Metropolitanum Cæsareæ de-
buisset, aut ad Patriarcham Antiochenum, cuius in
Diœcesi erat? Vide epistolam eius 61.*

Mones secundo loco, honoris primatum accessisse Episcopis ex urbium dignitate, in quibus constituti essent, quod sanè inficiandum omnino non est, sed nec perpetuò concedendum. Tute vidisti, quæ Berterius scripsit cap. ult. secundæ diatribæ: quibus opponis, quæ in Chalcedonensi Synodo adscripta verba reperiuntur, nimirum prærogatiuam Romanæ Sedi fuisse tributam, *ἡ δὲ τὸ βασιλεύειν πρὸ πάντων ἐκείνη*, hoc est, *quòd ea Urbs imperaret.* Quid si tibi dixerim, isthæc verba, apud illos, quibus cor sapit, nihili ferè esse? Qui sic loquuti sunt, consultum volebant Episcopo Constantinopolitano, secundum ei locum tribuere satagentes: nèque enim aliis rationis suffragio inniti poterant, quàm quòd Urbs illa veteri Romæ ab Imperatoribus æquata esset: Tentabantque accommodare ad ciuilia res Ecclesiasticas. Atq; adeo, quòd in ipsis erat, ij fecerunt. Verùm nullam is canon vim habuit, utpote, quem post dimissum Senatum, quùm iam Pontificij Legati recessissent, Anatolius Constantinopolitanus Episcopus à collegis extorsit, & tanquam appendicem Concilio addidit. Ac propterea non solùm ab ipsis Legatis contrà nitentibus, & protestantibus comprobatus nequaquàm fuit, sed ipsum etiam Leo Pontifex irritum fecit, quemadmodum ex eius epistolis liquidò apparet. Ut enim Conciliorum robori opus est Romani Pontificis auctoritate (quod Catholicis in confesso est, & præter vetustam consuetudinem à scriptoribus traditam testatur septima Synodus act. 6.) ita in legitimis

Concilijs, quod definitum est repugnante eodem Pontifice, nullarum esse virium censendum est. Exemplis, quæ sunt in promptu, supersedeo. At verò, quum Leonis Pontificis arbitrio obsequentes se præbuerint & Anatolius ipse & Imperator, ut mox ostendemus, insurgere contra tu audes post tot sæcula? id erat scilicet, quod magnis votis expetebat Vrbis Constantinopolis, ut quæ tandiù premitur Turcicæ tyrannidis iugo, solatij aliquid caperet ex tanto suorum priuilegiiorum vindice.

Suauis es verò, dū verba profers Constitutionis nouellæ Valentiniā Imp. quæ sic habent: *quum Sedis Apostolicæ primatum S. Petri meritum, qui Princeps est Episcopalis corona, & Romanæ dignitas ciuitatis, sacra etiam Synodi firmitatis auctoritas, &c.* Quæ verba, si quid sentis, tuum petunt iugulum. Nam etsi tribuat aliquid Imperator ille dignitati Romanæ Vrbis, priorem tamen potiorēque causam primatus Apostolicæ Sedis eam esse liquidò fatetur, quod S. Petrus Princeps Apostolorum sit atq; Episcoporum. *Quis enim nescit, Apostolatus principatum cuilibet Episcopatu præferendum?* aiebat D. Augustinus lib. 2. de Bapt. cont. Donat. Ac Berterius, quem sugillas quasi minus consideratè Synodum Nicænam cā Nouellā innui dixerit (existimas enim Constantinopolitanam potius indicari habitam anno Christi 381.) aduersus tuam sententiam rectè colliget, in canone Constantinopolitanæ Synodi verbum nullum de merito S. Petri ad primatum Romanæ Ec-

clesiæ statuendum, ergo de alia Synodo sensisse potius
Valentinianum, fatendum est, qui causam illam prio-
rem potiorémque ex Concilio desumxisse videtur. Tu
verò canonem illum tertium Concilij Constantinopo-
litani tanquàm indubitati roboris laudas: neque curæ
tibi est, quòd falsum, aut supposititium Baronius, alij-
que arguerint, quodq; Romani Pontifices tanquàm le-
gitimum nunquàm agnouerint. Qui sanè quùm tam
acriter repugnarint ambirioni Episcopi Constantino-
politani, tametsi illorum Primatus minimè læderetur,
quid facturos fuisse putas Alexandrinum, & Antio-
chenum Episcopos, qui in tertium, quartumque locum
submouebantur, si eà de re in frequenti Concilio agi
audiuissent? deinde cur eius Concilij Patres, quùm Da-
masum Pontificem, & Romanam Synodum certiore
fecerunt de ijs, quæ acta in Concilio fuerant, de priui-
legio huiusmodi Constantinopolitanæ Ecclesiæ pror-
sus silent? Illud profectò constat, cauisse diligenter
Constantinopolitanos Episcopos, ne illius canonis ad-
ditamentum ad Sedis Apostolicæ notitiâ perueniret:
quâ de re Leo Pontifex Anatolio postea scripsit. Et re-
uera exitum nunquàm consequuta res fuit, quod idem
Pontifex testatus est ijs verbis in epistolâ ad Pulche-
riam Augustam: *frustra quorundam episcoporum profertur
consensus, cui tot annorum series negauit effectum.* Nam
quòd concessus honor Constantinopolitano Episco-
po fuerit traditus, id non arguit in ceteris quòque re-
bus primas ei concessisse Episcopos Alexandrinum,

& Antiochenum. eodem enim pacto Hierosolymitanus, qui Metropolitæ Cæsariensi suberat, in sessione præponebatur.

Mucronem non minus aduersus te vertunt, quæ profers verba Ammiani Marcellini ex lib. 15. nam excipienda risu est tua illa expositio, qua dicis, dignitatem tantummodo indicari atq; auctoritatem Romani Pontificis non in Episcopos alios, verum inter Episcopos. Scribit Ammianus de vehementi studio ab Imp. Constantio adhibito, uti sententia in D. Athanasium ab Episcoporum conuentu lata confirmaretur auctoritate Romani Pontificis, ijsq; verbis utitur. *Hunc per subscriptionem abijcere Sede Sacerdotali paria ceteris sentiens iubente Principe Liberius monitus, perseveranter renitebatur; nec visum hominem, nec auditum damnare, nefas ultimum sapè exclamans, aperte scilicet recalcitrans Imperatoris arbitrio. Id enim ille Athanasio semper infestus licet sciret, impletum tamen auctoritate qua potiuntur aeternæ Urbis Episcopi, firmari desiderio nitebatur ardenti.* Si de Athanasij condemnatione agebatur, an non Liberij Pontificis poscebatur auctoritas in Episcopum, cumque primum (se excepto) inter omnes Episcopos? Insuper quis sanæ mentis credat, tanto conatu id quæsiuisse Imperatorem, ut nescio quæ dignitas splendorve sententiæ accederet ceterorum Episcoporum? At dices, ex Ammiani mente, *sciebat impletum*, hoc est Athanasium esse iam legitime damnatum. Ut demus hoc, non tamen efficies, quominus intelligamus, maius saltem robur ex Romani Episco-

Episcopi auctoritate ei rei quæsitum. Id fit quotidie, quum impetratum ab Episcopo aliquo priuilegium, & si per se validum, petimus, vt auctoritate quoq; Apostolica fulciatur. Tuam itaq; interpretationem abnuuit Marcellinus, ac sanè quod aiebat Dominus de Iudæis, fore vt olim à Reginâ Austri iudicentur, id de te quoq; existimari par est; vt scilicet in extremâ criminum ac vitæ cuiusq; discussione obiecturus tibi sit ethnicus homo, rectius se de summo Pontifice sensisse, reum te peragens etiam apud iustissimum iudicem de obliquâ tuâ eius loci explicatione.

Igitur Romani Pontificis auctoritas non inter Episcopos tantum, sed & in Episcopos: quoniam is Episcopus est Episcoporum, vt Arnobio dicitur ad Psal. 130. & ipsos Romanos Episcopos in edictis, quæ vniuersæ Ecclesiæ proponebant, ita inscribi solitos, *Pontifex Maximus Episcopus Episcoporum*, liquet ex Tertulliano lib. de pud. idque ijs temporibus, quibus (vt tu censes) sanctior erat Ecclesia. Nimirum vni Petro, in cuius postea locum Romani Episcopi successerunt, Pastoris nomen tributum, scitè animaduertit Arnobius loco supra laudato: nullus (sic ille loquitur) *Apostolorum Pastoris nomen accepit; solus enim Dominus Iesus-Christus dicebat, Ego sum Pastor bonus, & iterum, Me, inquit, sequuntur oues meæ. Hoc ergò nomen sanctum, & ipsius nominis potestatem post resurrectionem suam Petro penitenti concessit, & ter negatus negatori suo hanc, quam solus habuit, tribuit potestatem.* Nam et si communicatum id nomen ceteris

quóque Episcopis, si ad summam Romani potestatem respicias, ij ouium etiam loco habendi. Ac sanè quùm Christus Petro dicebat: *pasce agnos meos, pasce oues meas*, sub ouium symbolo Episcopos, sub agnorum reliquos fideles videtur comprehendisse. Nam Episcopi Patres censentur Christianæ plebis, quemadmodum sunt oues agnorum Matres. Quamobrem sic D. Bernardus Eugenium alloquebatur: *Sunt quidem & alij cali ianitores, & gregum Pastores, sed tu tanto gloriosius quantò differentius utrumq; præ ceteris nomen hereditasti. Habent illi sibi assignatos greges, singuli singulos, tibi uniuersi crediti sunt, unus; nec modò ouium, sed & Pastorum tu unus omnium Pastor. Vnde id probem, quæris? Ex verbo Domini. Cui enim non dico Episcoporum, sed & Apostolorum sic absoluit, sic indiscrete tota commissæ sunt oues? si me amas Petre, pasce oues meas; quas? illius, vel illius populos ciuitatis, aut regionis, aut cerè regni? Oves meas, inquit: cui non planum, non designasse aliquas, sed assignasse omnes? Iam tuos Gallos D. Bernardo itidem Gallo fidem magis quàm tibi habituros existimo, quem sciunt sanctissimum fuisse virum: quem quū Deus tot signis, & miraculis illustrauerit, carum ipsi fuisse apparet. quī autem carius Deo esse poterat, si à rectâ, & Catholicâ credendi viâ aberrasset? Quod attingit ad verba, quæ in medium adducis ex historiâ Seueri Sulpicii, locus erit aliquid dicendi ad cap. 3.*

Pergis verò demonstrare, Episcoporum Sedes ad ciuitatum, in quibus sitæ erant, dignitates, atque præminentias se se conformasse. Quod non omnino ne-

gandum iam supra diximus, & colligitur ex epistolâ Iulij Papæ ad Orientales. Sed nec omni ex parte fatendum docuit luculenter Berterius, quem non compilo. Impetrauerat olim Eustathius Beryti Episcopus in conuentu quodam Episcoporum Constantinopoli habito, vti ad Metropoleos honorem Vrbs illa eueheretur, sex illi ciuitates Phœniciæ primæ subijciens: idq; rescripto Imperatoris firmandū curauerat, consensum quoq; extorquēs à Photio Tyrensi Metropolitâ. Photio postmodum eâ de re conquerente in Chalcedonenſi Concilio, ἡ ἀγία συνόδος εἶπε. Ὁ δὲ κανὼν τῶν πραγμάτων μὴ δὲν ἰσχύει· οἱ κανόνες τῶν πατέρων κρατεῖταισθαι, Sancta Synodus dixit, aduersus canones pragmatica nihil valebit. *Regula patrum teneant.* In eam sententiam demum itum est, vt Tyrensi Metropolitæ ius esset ordinandi in vniuersis suæ prouinciæ vrbibus: at Beryti Episcopus ex Imperiali pragmaticâ nihil amplius sibi vindicaret, quàm reliqui eiusdem prouinciæ Episcopi. Sic propè definitum in eodem Concilio Act. 13. de Episcopo Nicææ, quæ Vrbs Metropoleos honore Principis priuilegio decorata fuerat, vt scilicet honore contentus non ordinationes, non aliud quid ad Metropolitæ ius pertinens sibi arrogaret, sed ipsi Nicomediensi Metropolitæ subesset ad exemplum aliorum Bithiniæ Episcoporum.

Tu verò hac in re Anonyme parum tibi videris constare; modò enim morem illum laudas, ac Romanis Pontificibus irasceris, quòd secus interdum statuerint: modò indignaris, quod Episcopi sæcularem fastum,

imitarentur. At(inquies)ſæcularem typum ſectandum laudo, typhum damno atque abominor. Quasi verò non ambitionis arguendus ſit Episcopos, qui ciuitatem, in qua ſedem habet, ad Metropoleos honorem recen-ter euectam à Principe videns, ipſe quoq; à ſuo ſe Me-tropolitano ſubducere atque alijs Episcopis imponi quærat. Indaganda eſt cauſa, cur optimum factu ve-tus cenſuerit Eccleſia, vt ordo Episcoporum cum ciui-libus formis conueniret: hoc eſt, vt ij Episcopos maio-ri potirentur dignitate, qui in maioribus ciuitatibus conſtituti eſſent: ac propterea Metropolitæ Episcopis ſuæ prouinciæ, Exarchi, ſeu Patriarchæ Metropolita-nis ſuæ Diœceſeos præſicerentur. Cauſa nimirum ea fuit, quia ad principes ciuitates, vbi tribunalia Magiſtratum erant, conſuebant homines alijs ex vrbibus, & prouincijs, quos benignitas Eccleſiaſtici regiminis nolebat maiori incommodo affici, vt aliam petere vr-bem cogerentur, ſiqua de re conueniendus fuerat Ar-chiepiſcopos, aut Patriarch. Id innuit nonus canon Antiochenæ Synodi, qui ſic habet: τὸς καθ' ἐνάτω ἐπὶρχίαν ὁπιſκόπος εἶδεναι χρὴ, ἢ εἰ τῇ μητροπόλει παρεſτώτα ὁπιſκόπος, καὶ πλὴν Φροντίδα αἰαδέχεσθαι πάσης τῇ ἐπὶρχίας, ἀλλὰ τὸ εἰ τῇ μητροπόλει πανταχόθεν ſυντεχέειν πάντας τὸς τὰ παρὰ γὰματα ἔχοντας. ὅταν ἔδοξε καὶ τῇ τιμῇ παρεγγείας αὐτὸν, μηδὲν τὶ παρὰ τῇ περὶ τὸν τὸς λοιπὸν ὁπιſκόπος ἀνθ' αὐτῶ, καὶ πὺν δὲ χαῖον κρατήσονται τῶν πατέρων ἡμῶν κανὼνα, Episcopos, qui ſunt in vnaquaſue prouinciâ, ſcire oportet, Episcopum, qui Metropoli præſt, curam totius prouinciæ ſuſcipere: eo

quòd in Metropolim vndequaque concurrunt omnes, qui negotia habent. Itaque placuit, cum quoque honore precedere, reliquos autem Episcopos nihil magni momenti sine ipso agere, ex nostrorum patrum antiquo Canone, qui in usu est. Id præterea percommodum fuit ipsis Ecclesiarum præfectis, qui persepè ad improbos coërcendos sæcularium Magistratuum ope indigent. Iure itaque is ordo seruatus iam inde ab initio in Ecclesiasticâ politia, nèque temere postea immutatus, quamuis prouinciarum forma inuerteretur ad Principis arbitrium; ne scilicet dissensiones inter Episcopos excitarentur. Quæ statuta eâ in re sunt à summis Pontificibus Innocentio, Leone, Gelasio, & canone 12. conc. Chalcedonensis, tu ipse profers. qui sanè canon disertè statuit, vt simplex quidam honos Episcopo accedat eius ciuitatis, quæ in Metropoli ab Imperatore euecta est: suum tamen ius veræ Metropoli seruari iubet. *σὺν μὲν ὁ νόμος τῆς ἐκκλησίας μὴ ἐξέσθαι τῶν οἰκείων δικαίων.* Sed nunquid refragatur hic canon canonì decimo septimo, qui tanquam fundus est tuæ sententiæ? minimè id quidem: etenim eo loci de nouis Vrbibus agitur, hoc est de vicis, aut pagis, qui aucti ciuitatum priuilegio à Principe donantur: quibus æquum est, vt & sui præficiantur Episcopi, ijsq; ex vicis adiacentibus paræciam sibi constituent atq; hac ratione *τῶν πολιτικών, καὶ δημοσίων τύποις καὶ τῶν ἐκκλησιαστικῶν παροικιῶν ἢ τάξιν ἀναλυθῆναι.* Ita rectè canonem illum interpretatur Zonaras, qui etiam inuitam adduci Ecclesiam, vt ciuiles formas

sequatur: sic enim loquitur: μονονυχὶ τὸ τοῦ πατέρων λεγόντων, ὅτι ἐπειδὴ τῇ βασιλικῇ ἐξουσίᾳ αὐτοῖσι τὴν ἐκκλησίαν ἔδωκεν, οὐκ ἔστιν ὅπως τῇ βασιλείᾳ ἐν τοῖς ἀποστολικῇ καὶ ἐκκλησιαστικῇ πράξει, perinde quasi hoc dixerint patres: quoniam Imperatoriae scilicet potestati repugnare non possumus, quæ ab Imperatoribus hoc in genere præscripta fuerint, ea sequatur quoque Ecclesiastica ordinatio. Hæc de Urbibus, quæ recens excitabantur. Quid de ijs, quibus Urbis priuilegia Princeps adimebat? Tenax sui ordinis Ecclesia non id facillè sequebatur. Exemplum habes de Vrbe Constantiâ apud Nicephorum lib. 10. cap. 4. & quemadmodum urbium formas immutari, sic veteres Prouinciarum terminos refigi ægrè patiebantur præfides Ecclesiastici. Interdum tamen Principum placitis matris more indulgentis sese accommodauit Ecclesia. Exemplum ex te nonnulla, plura ex Berterio, ex alijs alia petenda Quapropter Zonaras de 12. illo canone Chalcedonen si loquens, καὶ οὗτος δὲ ὁ καινὸς ἐφύλαττεται πινὲς γὰρ ἐπισκοπαὶ καὶ ἐν ἡμῶν βασιλικῶν παραγγέλματι εἰς ὑμῶν αἰήχουσαν μητρὸς ὅλως, Sed huius quoque auctoritas canonis obfiscuit. Nonnullæ etenim Episcopales Ecclesiæ nostris quoque temporibus ex Imperatorum edictis ad Metropolitianarum honorem sunt erectæ.

Sed à diuerticulo in viam: si verum esset, quod ais, ex Urbis dignitate prærogatiuam Romanæ Ecclesiæ deriuatam esse, fatendum videretur, D. Petrum non à Christo domino, sed ab Vrbe Româ priuilegio illo decoratum fuisse, quo Princeps Apostolorum, Episco-

porumq; omnium dictus est. Id quàm sit ridiculum, tu ipse, sat scio, fateberis. Quùm se Petrus constitutum à Christo videret ceterorum caput, in Vrbe, quæ caput erat vrbiũ, sedem sibi esse figendam iure censuit, diuinitus etiam (vt grauissimi sunt testes) admonitus; *ut lux verisatis* (verbis vtor S. Leonis) *quæ in omnium gentium reuelabatur salutem, efficacius se ab ipso capite per totum mundi corpus effunderet.* Nèque tamen clàm me est, Vrbis etiam præstantiæ rationem haberi solitam. Sed si quando non sola, primo saltem loco spectabatur ipsa Apostolica Sedes. Itaque diuus Augustinus de Romanâ Ecclesiâ loquens epistolâ 162. *in qua* (inquit) *semper Apostolica Cathedra viguit Principatus.* vides eum non Vrbis, sed Cathedræ principatum respicere, ex merito nimirum (quod aiebat Valentinianus Imper.) S. Petri, cui Apostolatus principatum Christus dedit. Atque hinc suum hausit primatum Romana Ecclesia, *ad quam* (vt ait Ireneus l. 3. adu. hæres. cap. 8.) *propter potentio rem principalitatem necesse est omnem conuenire Ecclesiam.* Proinde quacunq; in Vrbe suam Petrus cathedram stabiliuisset, ea nihilominus ceterarum Ecclesiarum caput esset. Innoc. Pontif. epi. 18. de Ecclesiâ Antiochenâ loquens, *Vrbis Romæ sedi non cederet, nisi quod illa per transiũm meruit, ista apud se susceptum consummatumq; gauderet.* Ac sanè quemadmodum Vrbis dignitati derogatum nolumus, ita quùm de Romanâ Ecclesiâ agitur, potior haberi debet ratio Apostolicæ Sedis. Vides Imperatorem in Nouellâ illâ vtrumq;

coniunxisse, quemadmodum, & Athanasius fecit ep. ad solit. καὶ ἔχ' ὅτι ἀποτολικὸς ἐστὶ θρόνος, ἡ δ' ἀθήνη, καὶ ὅτι μὴ ἑπολις ἡ Ῥώμη ἢ Ῥωμαίαις ἐστὶν ὑποκαθημένη, nullā reuerentiā ducti, quod sedes illa Apostolica esset, vel quod Roma Metropolis esset Romanæ ditionis. Et Galla Placidia Augusta in epistolâ ad Theodosium Imper. ἐν τῇ συνείδει τῆς ἀποτολικῆς θρόνου ἡ δίκη τοῦ ἀπεμνησθέντος, ἐν ᾧ παρῶντες ἐκείνους, ὅτε ἐρεοῦντο χρεῖς ἀξιώσεως ὑποδείξασθαι, πλεονεκτήσασθαι ἐκείνην δολοφονίαν. ὅποτε παρέπεμψε ἡμᾶς ταύτῃ τῇ μεγίστῃ πόλει, ἥ τις δέσπονα πασῶν ὑπερῆρχ' ἡ γὰρ, ἐν πᾶσι τὸ σέβας τοῦ ἀφ' οὐρανοῦ.

Ad concilium Apostolicæ Sedis iudicium transmittatur, in qua nimirum primus ille, qui caelestes clauēs dignus fuit accipere, principatum Episcopatus ordinauit. Quando decet nos huic maxime ciuitati, quæ domina omnium est terrarum, in omnibus reuerentiam conseruare. Porro quam tu primatus causam vnicam obrudis, nec Orientales Episcopi ingetere olim sunt ausi, à recto licet aliàs deriuantes, ac Romanæ Sedi parum æqui. Fatebantur enim in suâ epistolâ, vt est apud Sozomenum lib. 3. cap. 7. φέρειν μὲν πᾶσι φιλετιμίαις πλεονεκτημάτων ἐκκλησιῶν ὡς ἀποστολῶν φροντισήμων, καὶ ὑποδείξας μὴ ἑπολιν εἶναι ἀρχὴν γερουσιῶν. Ecclesiam Romanam primas apud omnes ferre, vt potest, quæ Apostolorum scola, & pietatis Metropolis iam ab initio fuisset. Nam tamen multa εἰρωνικῶς scripta ijs in litteris essent, excidit tamen vel incogitantibus persæpè veritas, Deo faciente, qui & ex ore Caiphæ aliud mente euoluentis verissimum de salutari Christi internecone vaticinium. eliquit.

Itaque

Itaque falsum est, Ecclesiæ Romanæ primatum ex Urbis dignitate fluxisse. Multò verò longiùs à veritate aberrat, quod ais, Episcopi Urbis auctoritatem ad Præfecti Urbani se iurisdictionem conformasse, ut quemadmodum à ceteris ordinarijs iudicibus, quà Romanum Imperium erat (ut tu quidem existimas) appellabatur ad eundem Præfectum, ita Romanus Episcopus appellationem sibi ex omnibus prouincijs, & diocessibus assereret. Qua in re fateor, me vim non assequi magnæ tuæ dialectices. Ità enim colligere videris: iure olim prouocatum ex toto orbe Romano ad Præfectum Urbis: ergo iniuriâ Episcopus Romanus, qui typum eiusdem Præfecti sequi debebat, parilem sibi auctoritatem vindicauit. Nimirum, ais, iurisdictione Præfecti constitutionibus Principum fulta: at prærogatiua huiusmodi Romani Episcopi à Cōcilijs improbata. Igitur vera non erit tua illa sententia tanto verborum apparatu ingesta: *ad Urbium, & in ijs Præfectorum maiestatem conformata quòque Episcoporum auctoritas.* At auctoritatem hanc ad *ἐκκλησιαστικήν* refers, quam existimas non ad iudiciariam potestatem pertinere, sed ad umbratilem quandam Maiestatem, qua inter alios Episcopos Romanus eminebat, nihil in illos potestatis habens. Num igitur à nullis Episcopis ad Romanum appellabatur? Ab ijs fateris, qui intra Suburbicarias regiones Ecclesias haberent. Quid ita? quia, inquis, ijs finibus comprehendebatur Præfecti Urbis iurisdictione, ad cuius similitudinem æquum visum fuit & Diocessin

Romanæ Ecclesiæ constituere. Iam (vt omittam, fateri te, & alias prouincias fuisse, vnde appellationes deferrentur ad Præfectum Vrbi) cur quo tempore plenissima erat ex tuâ sententiâ Præfecti auctoritas, non eadem quoque fuit Romani Episcopi? Dixisses saltem, vt tibi constares, olim quidem licuisse ad Romanum Episcopum appellare ex omnibus prouincijs, quemadmodum & ad Præfectum Vrbi licebat: sed huius imminutam iurisdictionem ex Principum constitutionibus, imminutionem quóque secum traxisse Pontificiæ auctoritatis, idque comprobatum postea à Concilijs. Verùm falsissima sunt hæc omnia. Non enim componendus est cum Præfecto Vrbi Episcopus Romanus, ad quem tanquam ad summum Ecclesiæ Principem semper ab Episcopis, & Metropolitibus, à Patriarchis prouocare fas fuit, quemadmodum Imperator qui Princeps erat Romani Imperij, à cunctis Magistratibus appellabatur, vt proinde multò, quàm tua, sit aprior comparatio, quam ingerit Vualafrius Strabo de Reb. Eccles. cap. 31. sic loquens: *comparetur Papa Romanus Augustis & Cesaribus: Patriarchæ verò Patricijs, qui primi post Cæsares in imperijs fuisse videntur.*

Te verò non pudit, impudentem Arrianorum arrogantiam in tuæ assertionis robur aduocare ex lib. 3. Sozomeni, cap. 7. quid enim mirum, contumaces fuisse in Christi Vicarium, qui de ipsius Christi diuinitate adeò prauè sentirent? Caue tu, ne suspicionem iniicias, in utròque te cum ijs consentire. Quanquam al-

terutrum satis est ad perditionem.

Quòd Mileuitani, & Carthaginienſis Concilij decreta obtrudiſ, nihil agiſ. Non eſt profectò, cur Patres illos Africanos erroris damnemus: quanquàm Concilia, quæ Pontificis Romani auctoritate deſtituuntur, cui in Petro datum eſt à Deo, vt fratres confirmet, quid ni labi poſſunt? Noſti, quid acciderit Africano Concilio de baptizandis hæreticis. Sed verò aio, quoniam recepta ſolidataq; apparèt auctoritate Sedis Apoſtolicæ, mentem eorum te non percepiffe. Non videtur ijs Concilijs inhiberi prouocatio ad Sedem Apoſtolicam, ſed conuolatio ad tranſmarina iudicia. Néque enim vnā Romam Africani tranſ mare conſtituebant. Itaque non adeò eſt abſurda, vt quibuſdam videtur, Gratiani illa exceptio: *nifi fortè Romanam Sedem appellauerint*, quam ſubdidit Canon 22. Mileuitani Concilij, 2. quæ. 6. ſiquidem notum eſt, pronos eo tempore fuiſſe præſbyteros, aliòſque Clericos ad conſugiendum ad alienas, & longinquas prouincias. Quod & ipſum Romani Pontifices improbabant. Audi verba Innocentij primi ad Viétriciū Epiſcopum: *Si quæ cauſa vel contentiones inter Clericos tam ſuperioris ordinis, quam etiam inferioris fuerint exorta, vt ſecundum Synodum Nicenā congregatiſ eiſdem prouinciæ Epiſcopiſ iurgium terminetur: nec alicubi liceat (ſine præiudicio tamen Romanæ Eccleſiæ, cui in omnibuſ cauſiſ debet reuerentia cuſtodiri) relictis hiſ Sacerdotibuſ, qui in eādē prouinciā Dei Eccleſiam nuſu diuino gubernant, ad alias conuolare prouincias.* Quod

si quis forte præsumpserit, & ab officio Cleri submōtus, & iniuriarum reus ab omnibus iudicetur. Id igitur esse videtur, quod Mileuitanum Concilium, & Carthaginienſe voluerunt. Sed nec, ſi contendas, ijs locis transmarinarum partium nomine Romanam ſolū intelligi Eccleſiam, cuinſces tamen eius auctoritatem labefactare fuiſſe tentatum. Quid enim ſtatutum eſt, quod hoc quōque tempore non permittat Romanus Pontifex? ut ſcilicet poſt Episcopale iudicium, Metropolitanus, ſeu Primas adeatur; nam eā tempeſtate maiores tantū cauſas adiudicabat ſibi Romana Sedes. Innocentius Pontifex eādem epistolā ad Viſtriciū: *ſi autem maiores cauſe in medio fuerint deuolutæ ad Sedem Apoſtolicam, ſicut Synodus ſtatuit & vetus conſuetudo exigit poſt iudicium Episcopale referantur.* Inductum eſt poſteā bono totius Eccleſiæ (quod uſus ipſe patefecit) ut quælibet cauſæ poſt Episcopalia iudicia omiſſis quōque Metropolitanis ad Sedem Apoſtolicam deferri poſſint, quo iure nunc utimur. Quòd verò ais, in Carthaginiēſi Concilio inhibita fuiſſe transmarina iudicia nullā ſuppoſitiij, (verba tua ſunt) *quo ius idtum aſſerebatur, canonis Nicaeni ratione habitā*: dupliciter peccas; nam definitio illa Concilij nihil Canoni reſragatur à Legatis Pontificijs allato. Canon ipſe de Episcopis loquitur Romanam Sedem appellantiſ; at Concilium Carthaginiēſe velut etiam Mileuitanum, de preſbyteris, alijsq; inferioris Ordinis Clericis. Ideò à Legatis ipſis, qui Concilio intererant, repugnatum nequaquam eſt, propterea

quod nullâ in re laxam videbant Apostolicæ Sedis auctoritatem. *Quum* (ait Hincmarus Remensis) *sicut Africæ provincie Canones manifeste demonstrant, à quibus non licet prouocare, ita Sardicenses canones patenter ostendant, appellatio Episcopi ad sedem Apostolicam, quando, ubi, pro quibus fieri, & qualiter exequi debeat.* Præterea modestè parum supposititium vocas eum canonem. Nunquid enim ignoras tu, qui Iurisconsultum proferis, ex errore nominis vitium non creari? Nicænum vocarunt, quod Sardicense dicendum fuerat, cuius esse canonem in ordine septimum, inficiari non potes. Quis verò nescit, Sardicense Concilium æquè ac Nicænum fuisse œcumenicum, nec minoris propterea in Ecclesiâ auctoritatis? Ceterum, cur Nicænum pro Sardicensi citaretur, ut & Innocentium Papam fecisse constat, epist. ad Viçtr. cap. 3. & Leonem epist. ad Theodosium Aug. Ea fuisse causa videtur, quod habebatur Sardicense Concilium tanquam pars quædam atque appendix Nicæni, quum Arrianorum reliquæ (ut dicitur in Synodo Chacedonenfi act. 16.) oppugnata in eo essent, quo pacto & pseudosynodus Trullana vnà cum sexta synodo Constantinopolitana coniuncta & confusa à Græcis est, quamvis multis post annis habita; quia, ut ait Zonaras, œcumenicam illam & legitimam expleuisse quodammodo videbatur. Huc accedit, quod codices apud Ecclesias seruabantur, in quibus canones omnes seiuncti ab actis vniuersalium Conciliorum descripti erant, ut eos faciliè ad manus haberent. Pri-

mam sedem occupabant viginti canones Nicænæ synodi præfixo etiam nomine: quòd id Concilium nescio quam dignitatis prærogatiuam habere semper visum est. Ceteris, qui subiecerant, nomen apponere non perinde curarunt. Hinc factum, ut sub nomine, quod præfixum apparebat, laudarentur omnes. Fuere propterea qui multò plures numerarent canones Nicænæ synodi, quàm re verà essent. Id coniici potest ex ijs, quæ legimus in opusculo Hincmari Remensis Archiepiscopi aduersus Episcopum Laudunensem, cuius verba cap. 21. hæc sunt: *Sed & actio duodecima Chalcedonensis Concilij, in qua scriptum habetur: Regula nonagesima quinta de vacante Episcopo; & paulò post Leontius ex eodem codice legit regulam XCVI. de his qui ad Episcopatum vocati, euitant, quas regulas connumeratis à capite XX. capitulis Nicæni Concilij, si quis per singula consequentia Concilia ex ordine numerauerit, in Antiocheno Concilio loca præfatorum numerorum tenere inueniet.* Sed codex, quem hîc designat Hincmarus, is fuisse videtur, quo utebantur Ecclesiæ Orientales, quem etiam postea auctum nuper edidit Iustellus. In codice verò Ecclesiæ Romanæ Nicænis capitulis Sardicenses subnexus erant. Quod ex eodem Hincmaro colligitur in opusculo de Diuortio Lotharij Regis, & Tetbergæ Reginæ: *legite* (inquit) *in Sardicensi Concilio, quod Zosimus Papa per Faustinum Episcopum Carthaginensi synodo ex superscriptione Nicæni dixerit Concilij, &c.* Hoc pacto decuit te loqui, si bonâ fide agere voluisses: non supposititium

appellare canonem illum à Pontificijs Legatis adductum. Quem quùm inter viginti capitula Nicænæ synodi non reperirent Africani Episcopi, eâ de re amplius quærendum censuerunt. Norant siquidem servantissimam esse Romanam Ecclesiam veterum legitimumque canonum, & fugere solitam sæcularem fastum, quem tamen verebantur posse paulatim irrepere, saltem in usu potestatis ac iurisdictionis, veluti cum apparitoribus Magistratuum, quos adhibere iam cæperat Philippus Apostolicæ Sedis Legatus, vti elicitur ex epistolâ D. Augustini ad Cælestinum Pont. Interim non, quemadmodum tu falsò asseris, contrarium decreuerunt, sed præstiterunt se obsequentes Apostolicis mandatis, donec diligentius Nicæna statuta explorarentur. Ὅρκεται τοίνυν ἡ ἐν Αφρικῇ συνόδος, πρὸς ἀρχήσασα μᾶλλον τῇ κρίσει Ζωσίμου. Compertum est igitur, Africanam Synodum iudicio Zosimi potius obtemperasse; prolatum est in secundo Concilio Nicæno. Euolue etiam synodicam eorundem Afrorum epistolam ad Bonifacium Papam, in qua hæc inter cætera reperies: quod donec fiat, hæc, quæ in commonitorio supradictò nobis allegata sunt, de appellationibus Episcoporum ad Romanæ Ecclesiæ sacerdotem, & de Clericorum causis apud suarum Provinciæ Episcopos terminandis, nos usque ad probationem servaturos esse profite-mur. Et servarunt utique, quemadmodum & ante-actis temporibus fecerant, quod ostendit pluribus Baronius in Annalibus ad annum .419. quæ hîc adscribere non præstat, ne multus sim. Ac sanè apparet, post

dubitationes exortas de canone illo à Legatis allato, edoctos tandem fuisse, è Sardicensi Concilio esse desumptum; nam Ferrandus Diaconus Carthaginienſis, qui extremo illo sæculo scripsit, meminit in suo Breuiario eiusdem canonis sub titulo Sardicensis Concilij. Mirum profectò videri potest, cur deperditum aliquandiu fuerit apud Africanos eius Concilij exemplum; quum non tantum Gratus illorum primas cum triginta Africanis Episcopis eidem interfuerit, sed honorificam quoque eius fecerit mentionem in primo Carthaginienſi Concilio cap. 5. Quamobrem quum perspicua sint, quæ decreuit Sardicensis Synodus capite tertio, quarto, & septimo, de appellationibus ad Romanos Episcopos, non ipsi quidquam sibi noui vsurparunt, sed dicendum magis esset, temerè conatos fuisse Patres Africanos statuta conuellere œcumenici Concilij, aut si eo tempore illa ignorarunt, id decreuisse, quod nullo pacto sit probandum. Verum (vt dixi) improbanda potius tua est interpretatio, qui mentem illorum neutiquam percepisti.

Innuis præterea profanum sæcularémque typhum obiectum Hadriano II. Pontifici à Carolo Caluo Francorum Rege, quòd ille Transalpinas appellationes sibi vsurparet. Qua in re imponere fortasse potuisses ijs, qui oculis non vtuntur. Etenim qui Caroli epistolam legere queunt, perspicuè colligunt, non tam illum de appellationibus conqueri, quàm de illatis sibi contumelijs, sic enim interpretabatur, quod præceperat Pontifex

Pontifex, vti Hincmarus Laudunensis Episcopus, de cuius causâ agebatur, Regis fretus potentiâ ad limina Apostolorum commearet, vnaq; accusator idoneus, qui nullâ posset auctoritate legitimâ respui. Tamen si Rex culpam potius reijcit in scriptorem epistolæ Pontificiæ, ac demum pollicetur, vbi per bellorum occupationes licuisset, Romam se iturum ad accusationem aduersus Hincmarum prosequendam. Hæc proferre in medium libuit, quò tibi in fide adhibendâ cautus sit lector. Nam alioqui Caroli Regis dictum, quid Pontificiæ auctoritati officiat? Verum tu hominum quorundam rusticanorum more agis, qui amisso fractòve gladiolo, quem habere secum consueuerunt, ligneum inferunt vaginæ, proq; ferreo supponunt, ne vacua vitium ducat: vbi enim deficiunt tibi canones aliæve legitimæ probationes, ad leges sæcularium Principum confugis, ne inanis omnino videaris. Sic extremo hoc capite Cõstitutiones nonnullas laudas Iustiniæ, Leonis, Constantini Imperatorum: in quibus examinandis nolo diutius tempus conterere. An ignoras, quarum sint virium huiusmodi leges in rebus Ecclesiasticis? Si tu nescis, ab ijs discendum tibi est, qui docere te possunt. Ego interim non id ago.

Quòd verò caueri ais canone sexto Concilij œcumenici Cõstantinopolitani, ne à diœceseos synodis, atq; à Patriarchis appellare liceat: aut falleris, aut fallis. Statuitur eo canone, vt Ecclesiasticus ordo in causis Episcoporum seruetur, nimirum vt causa prius agatur apud Episco-

pos Prouinciæ, deinde apud maiorem illius diœceseos Synodum; non autem post primum iudicium œcumenica Synodus perturbetur, *ποῦτος ἀπὸ μὲν τοῦ ἱεροῦ συνοδικῶς ἐπισκοπῶντος*; siquidem totius diœceseos synodus negligi videtur, quùm nullâ eius ratione habitâ ad maiora iudicia itur. Nullum de summo Pontifice illic verbum, satis enim fuit illis patribus, quod vetus consuetudo, & Concilium Sardicense de eo decreuerat. Ceterùm quis in Ecclesia iudiciorum seruaretur ordo, ex multis discere poteras, præ ceteris ex Hincmaro vestræ Remorum Archiepiscopo. Sic enim scribit in dissertatione Lotharij, & Tetbergæ: *sacris manifestatur canonibus, curam esse totius Prouinciæ penes Archiepiscopum, vel primatem, qui Coëpiscoporum debet nosse iudicia, de quibus necessaria fuerit reclamatio: & in quibus negotium expetierit, debet electos iudices designare. Quibus omnibus demonstratur, quia synodus comprouincialium dijudicationes, siuè diffensiones vel probet, vel corrigat: ut in Africanâ synodo demonstratur, quæ nihil de Hipponensi Concilio statuit emendandum. Apostolica verò Sedes, & comprouincialium, & generalium, retractet, refricet, vel confirmet iudicia, sicut epistola Leonis, atq; Gelasij, ceterorumq; Romanorum Pontificum, & Sardicensis synodus euidenter ostendunt.*

CAPVT SECVNDVM.

SEXTVM CANONEM NICÆNVN

videri mutilum. Tres Patriarchæ primis Ecclesiæ temporibus Explicatus nonus canon Concilij Chalcedonensis. Vnde prerogatiua trium veterum Patriarcharum. Excussus canon sextus Nicænæ Synodi. Quî conferantur Romano Pontifici Episcopi, Archiepiscopi, Patriarchæ. Quantum antistarent Romani Pontifices Patriarchis Alexandrinis. Nihil officere l. i. C. de summa Trin. &c. Nec locum Athanasij de Syn. Locus Socratis emendatus. In rebus fidei Papa errare nequit. Defensus, & declaratus Nicephorus. Mens canonis in codice Ecclesiæ Africane. Vniuersalis appellari solitus Romæ Episcopus. D. Gregorij humilitas. Socratis locus perperam ab Anonymo allatus.

SOLEMNE est sectarijs, quæ illustria sunt & perspicua, dissimulare : ea perquirere, quibus siquid lucis inest, creperum est, atque ambiguum, Vespertilionum more, qui solem lucis fontem die fugiunt, faculas noctu aucupantur. Sunt in manibus Concilia, sunt veteres patres, est vnanimis iam inde ab ortu Christianæ

Reip. consensio, è quibus omnibus elicere nullo negotio Anonyme potes, quæ semper fuerit Romani Pontificis in Ecclesiâ potestas. Tu tamen, vt illam, quam amplissimam offendis, in arctum conijcias, *χρὺς*ια consecraris; & veluti dedigneris in ijs exercere vim ingenij, quæ aperta sunt, ad canonem sextum Concilij Nicæni te subducis, quem tuam esse Spartam perinde constituis, quasi varijs interpretationibus frustra exagitatus tuam præcipuè operam desiderare videatur, tibi vni scilicet datum est, vt rein acu tangas. At quicquid conatus fueris, non propterea id conficies, quod perperam tibi persuades. Mihi sanè haud prorsus diuersa mens in eo canone explicando: verùm longè alius finis, alia collectio.

Lapsus te enormiter esse docuimus superiore capite, dum existimas, Episcopales ditiones ad sæculares præfecturas fuisse omnino conformatas. Id vt fortasse in nonnullis processerit: in eâ quæ Romani Episcopi propria erat, admitti nullo pacto potest. Itaque nihil te iuuat Nicænæ Synodi canon, dum sic loquitur: τὰ δὲ χαῖα ἔσθ' ἀρχαίτω, τὰ δὲ Αἰγύπτῳ καὶ Λιβύῃ καὶ Πενταπόλει, ὡς τὸ δὲ Αλεξανδρείᾳ ὁπίσθ' οἱ πρῶτοι τῶν ἐκκλησιῶν, ἐπεδὴ καὶ τὰ ἐν τῇ Ρώμῃ ὁπίσθ' οἱ τῶν σεμνῶν ἐστίν. ὁμοίως δὲ καὶ τῇ Πιὶνιόχῳ, καὶ ἐν ταῖς ἄλλαις ἐπαρχίαις τὰ παρθεῖα σώζεσθαι ταῖς ἐκκλησίαις. Néque tuam abnuo Latinam versionem, quæ sic habet: *Antiqui mores obtineant, qui sunt in Aegypto, & Libya, & Pentapoli: ut Alexandrinus Episcopus horum omnium habeat pote-*

statem, quoniam illa est Romano etiam Episcopo consuetudo. Similiter autem & in Antiochiâ, & in alijs Prouincijs priuilegia seruentur Ecclesijs. Videtur in hoc canone post verba illa τὰ πρεσβεῖα σώζεσθαι τοὺς ἐκκλησίαις, deesse, τὴν μὴ ἐπὶ λείαν. Necessse enim fuit apertius enuntiari, quibus Ecclesijs in vnaquaq; prouinciâ primæ partes dandæ essent. Itaque in codice Ecclesiæ Romanæ ea canonis particula ita concepta erat: & in ceteris prouincijs primatus habeant Ecclesiæ ciuitatum ampliorum: quemadmodum videre est ex allegatione Paschasini Legati Pontificij in Concilio Chalcedonensi. In codice verò Africanæ Ecclesiæ sic legebatur: & in ceteris prouincijs priuilegia propria reseruentur Metropolitanis Ecclesijs. Nisi quis contendat, ideo simpliciter dictū, Ecclesijs seruanda esse priuilegia, quia & aliæ Ecclesiæ præter Metropolitanas, quibusdam more veteri fruebantur priuilegijs, veluti Hierosolymitana, cuius Episcopus suo Metropolitano in confessus honore præeminebat.

Posthæc, vt canonis sensum in tuam sententiam veluti obtorto collo trahas, nonnulla inculcas magno quodam verborum choragio. Doces siquidem, tres fuisse Episcoporum gradus: ē quibus, qui simplici Episcoporum nomine censebantur, ciuitatibus, & parœcijs præfuisse: qui Metropolitani dicebantur, solidas rexisse prouincias, in quibus plures ciuitates, plures Episcopi: qui Exarchi, seu Patriarchæ audiebant, integras sub se diœceses habuisse ἐξάρχοντες δὲ ἐπίσκοποι (inquit

Theodorus Balsamo) ἡ πολλὰς ἐκκλησίας ἔχουσα ἐν ἑαυτῇ,
est verò diœcesis, quæ multas in se comprehendit prouincias,
 ac multos propterea Metropolitanos. Obseruas se-
 cundo loco, cuilibet seu Prouinciæ seu diœcesi suam
 fuisse Metropolim. Enarras tertio, quæ forent Ægy-
 ptiacæ Diœceseos prouinciæ. Hæc, quæ tu fusè, quùm
 ab alijs iamdudum procusa fuerint, suadere tibi po-
 terant, labori vt parceres. At ambitiosæ ostentatio-
 ni indulgere maluisti, vt quasdam etiam eruditiuncu-
 las inspergeres, quas te Berterius magnâ ex parte do-
 cuit.

Ceterùm, quòd eos appellas ridiculos, qui canone
 hoc Nicæno tres illos Patriarchas, Romanum, Alexan-
 drinum, Antiochenum constitutos arbitrantur, non
 est cur tibi repugnem. Constat enim suam debere
 originem antiquiori instituto atque adeo ipsis Eccle-
 siæ cunabulis. Aio tamen non alios eo tempore fuis-
 se Patriarchas, seu malis Exarchos. Quamquàm, vt
 verum fatear, ægrè mihi persuadeo, quenquam Pa-
 triarcharum fuisse vnquàm Exarchi nomine vocitatũ.
 Néque ex ijs verbis, καὶ ἐν ταῖς ἄλλαις ἐκκλησίαις, elici aliud
 posse videtur, quàm ad similitudinem duorum Exar-
 chorum Alexandrini, & Antiocheni sua quoq; priui-
 legia seruanda esse Metropolitanis, tametsi sub Patriar-
 chis essent: néque enim eo tempore vlli erant ἀρχιεπί-
 σκοποι, veluti de Archiepiscopo Cypri iudicatum postea
 fuit in Concilio Chalcedonensi. Quòd si ad minorum
 etiam Episcoporum priuilegia traducendus est canon,

fatis liquet, in hoc non cadere appellationes illas. Néque obijcias ex Socrate, Metropolitæ quoddam Patriarcharum aliquando nomine cohonestatos: quis enim ignorat, honorificas huiusmodi appellationes temere fuisse usurpatas? Bituricensis Episcopus Patriarcha nuncupatur à Nicolao Papâ, can. conquestus 9. quæst. 3. Magdeburgensis à Benedicto VI. epist. ad Episcopos German. Lugdunensis à Gregorio Tironensi, & Concilio Matisconensi secundo. Adhæsit id nomen Metropolitæ Aquiliensi, & post ipsum Castellano seu Veneto, atque adhuc retinent. Sic interdum etiam minores Episcopi summi Sacerdotes, summiq; Pontifices sunt dicti, titulo Romanis Episcopis præ cæteris congruenti. Non te fugit, Episcopum Carthaginensem plures sub se habuisse prouincias: nunquam tamen reperies, Patriarchæ titulum sibi adsciuisse. Immo cum Metropolitæ Africani appellari cœpissent *Exarchi Sacerdotum*, vel *summi Sacerdotes*, vetitum id à Concilio Carthaginensi, statutumque, ut primæ tantum Cathedræ Episcopi dicerentur. Fuit, quum crederem Patres Concilij Chalcedonensis, quum ijs nominibus abuti nollent, Constantinopolitanum Episcopum, qui iam sibi ex pluribus prouincijs diœcesin conflauerat, & secundum locum post Romanum ex ipsorum quoque sententiâ assertum ibat, non tamen fuisse ausos Exarchum appellare. Sic enim loquuntur canone 9. *Εἰ δὲ πρὸς τὴν αὐτῆς ἐκκλησίας μη-
τροπολίτιν ἐπίσκοπος, ἢ κληρικὸς ἀμφισβητοῖν, κατὰ μὴ βαρύνει*

ἢ τὸν Ἐξάρχον τῆς διζικήσεως, ἢ τὴν τῆς βασιλευσῆος Κωνσταντινουπόλεως Δεγρον. *Sic cum ipsius prouincia Metropolitano, Episcopus, vel Clericus controuersiam habeat, diæceseos Exarchum adeat vel Regia Urbis Constantinopolis Sedem.* Eadem aut similia sunt in canone 17. hoc enim pacto canonem interpretabar, vt qui in diæcesi Alexandrinâ essent, Alexandrinum Exarchum : qui in Antiochenâ, Antiochenum : qui in Constantinopolitanâ, Sedem adirent Episcopi Constantinopolitani. Non enim mihi audiendus Hincmarus, existimans, ambitu Episcopi Cōstantinopolitani decreuisse synodum, vti posthabitis aliarum diæceseon Exarchis, adiri ipsius Sedes posset. Cur enim non repugnassent Legati Pontificij cerentes iurisdictionem perturbari aliorum Patriarcharum, quorum auctoritatem, dignitatemq; tam acriter tueri conati sunt aduersus canonem se absentibus decretum? Verum, si rectè habent verba illa canonis ἢ τὸν Ἐξάρχον, ἢ τὸν Δεγρον, adeundi alterutrum facultas in eâdem causâ dari videtur. Quamobrem existimo, Exarchi nomine nullum ibidem ex Patriarchis intelligi, sed minorem Patriarchâ Præsulem, Archiepiscopis verò digniorem, vt sentiunt Archidiaconus, & Io. de Turre Cremata ad canon. Si Clericus ii. quæ. i. quo sensu & multis alijs locis accipi debet, non Patriarcham (vt diximus) intelligi. *Primates* Latini vocant, qua voce vsi sunt, quum eundem canonem Latinè reddiderunt. Quin antiquiores Gratiani editiones non *Primates*, sed *Primates* habent, quod etsi à Græco

textu discrepat, innuit tamen τὸν ἑξάρχον in canone intelligi debere aliquem ex primatibus sub Patriarchâ Constantinopolitano constitutis, qui ad minimum tres erant, Cæsarensis, Ephesinus & Heracleensis. Iam enim subiecerant se Constantinopolitano Episcopo tres illæ diœceses Thracia, Asiana, & Pontica, quæ singulæ plures in se prouincias habebant, Thracia sex, Asiana decem, Pontica vñdecim, vt in Notitiâ Imperij videre est. De hisce primatibus sic loquitur Curo-palates, μητροπολίτης Καισαρείας Καππαδοκίας ὑπερτίμος τῶν ὑποτίμων, καὶ ἑξάρχος πάσης Ἀνατολῆς· ὁ Εφεσῶν, ὑπερτίμος, ἔξάρχος πάσης Ἀσίας· ὁ Ηρακλείας, πρεσβυτέρος τῶν ὑποτίμων, ἔξάρχος πάσης Θράκης, καὶ Μακεδονίας. *Metropolitanus Cæsarea Cappadocia honoratissimorum honoratissimus, & totius Orientis Exarchus; Metropolitanus Ephesi, honoratissimus, & totius Asiae Exarchus: Metropolitanus Heraclea honoratissimorum Antistes, totius Thraciae, ac Macedoniae Exarchus.* Ambitosius tamen appellatur Cæsariensis Antistes totius Orientis Exarchus, quùm Primas solùm esset Ponticæ diœceseos. Itaque canon Chalcedonensis de Patriarchatu solû Constantinopolitano loquitur, quod & innuit Nicolaus Pontifex in epistolâ ad Michaëlem Imperatorē Neq; id mirû, quùm & nonnulli præterea canones eiusdem Concilij ad Ecclesiam tantummodo Constantinopolitanam referri possint. Quin ex verbis Ætij Archidiaconi Constantinopolitani, Act. decimâ sextâ relatis, liquidò apparet, magnam illorum canonum partem ad eandem Ecclesiam pertinuisse.

Tres Episcopi, Romanus, Alexandrinus, Antiochenus dici Patriarchæ cæperunt, non tam quia solidas sub se haberent diœceses ex pluribus prouincijs constitutas, quàm quia tres illæ Sedes trium primarum Urbium ab ipso Apostolorum coryphæo D. Petro positæ fuerant. Atque ut Apostoli, & qui subsequuti sunt veteres Patres, in Ecclesiâ ordinandâ ad cælestia potius sese conformarunt, veluti ad Angelicas Hierarchias, ut D. Gregorius considerabat epist. 52. lib. 4. quàm ad sæculares Præfecturas, quod tu somniabas; ita nihil magis horrebant, quàm scissuras. Quamobrem diuiso quantumuis Romano imperio, vna eadêque remansit in toto orbe Ecclesia, *Episcopatus vnus* (ut D. Cyprianus aiebat) *cuius à singulis in solidum pars tenetur.* Quemadmodum vnus est Deus omnia complens. Symmachus Papa ad Eonium: *quùm ad Trinitatis instar, cui vna est, atque indiuidua potestas, vnum sit per diuersos Antistites Sacerdotium.* &c. Quin tribus illis maximarum ciuitatum Episcopatibus mysterium sanctissimæ Trinitatis (quà licebat) exprimere conati sunt. Ut enim Deus vnus est, tribus tamen personis distinctus: ita vna intelligebatur Petri Sedes tribus in ciuitatibus collocata. Audi D. Gregorium lib. 6. epist. 37. *Quùm multi sint Apostoli, pro ipso tamen principatu sola Apostolorum Principis Sedes in auctoritate conualuit, quæ in tribus locis vnus est.* Ipse enim sublimauit Sedem, in qua etiam quiescere, & præsentem vitam finire dignatus est. Ipse decorauit Sedem, in quam Euangelistam discipulum misit.

*Ipse firmavit Sedem, in qua septem annis quamvis discessurus sed-
dit. Quum ergo vnius atq; vna sit Sedes, cui ex auctoritate di-
uina tres nunc Episcopi praesident, quicquid de vobis boni audio,
mihi imputo. Hinc igitur fluxit trium Sedium praecipuus
honor: sed quò magis vnitas seruari posset, vni danda
erat exors quaedam (vt loquitur Hieronymus contra
Luciferianos) & ab omnibus eminens potestas. Vnde fa-
ctum, vt tam Antiochenus quàm Alexandrinus Episcopi
vnum verticem agnoscerent Romanum Pontifi-
cem, ad quem, & ab ipsis prouocarent Episcopi, Cleri-
ciq; , quum opus foret, & iidem ipsi à Concilijs ap-
pellarent; quemadmodum & ceterarum Ecclesiarum
Antistites semper fecerunt. Non est in obscuro quod
D. Athanasio accidit, quod D. Ioanni Chrysostomo,
alijsque. Hincmarus Remensis lib. aduers. Episc. Lau-
dunen. *Licet harum Ecclesiarum, Alexandrinae scilicet, &
Antiochena Praesules, B. Petri Sedes tenere se cognoscant, quòd
& Romani Pontifices attestantur: non tamen subditas easdem
Sedes Romanae Sedi denegant, nec ipsi Romano Pontifici sub-
di modo quolibet dedignantur. Eapropter Nicæni Patres
diœcesion terminos antiquitus positos solidare vo-
lentes, de speciali Romani Episcopi diœcesi nihil pro-
ferre sunt ausi, sed eius exemplum ὡς ἀπὸ τοῦ ἀρχαίου πρὸς
ceteris proposuerunt, ac si pluribus dixissent. Quo-
niam Romanus Episcopus in peculiari sua diœcesi veterem Ec-
clesiae morem seruat, vt ἐξ ὧς solus habeat (puta in crea-
tione Metropolitanorum, eorūque causis cognos-
cendis, in vocandâ vniuersali diœceseos synodo, alijsq;**

huiusmodi) *aequum est, ut idem quoque obseruetur in Alexandrina diœcesi: nimirum, ut eius Episcopus similem potestatem solus habeat in Ægypto, & Libya, & Pentapoli, quæ regiones antiquo itidem Ecclesiæ more in eius sunt diœcesi. Antiochena quoque Metropolis, ac ceterarum prouinciarum Ecclesiæ suis fruantur priuilegijs, quæ ex antiqua pariter consuetudine obtinent.* A te quoque alijs verbis proposita est canonis huius sententia, sed vter meliori fide id præstiterit, vestrum appello iudicium,

Fidem qui maximi facitis, & quos fides.

Habenda profectò fuit ratio particulæ illius ἐπὶ δὲ, quæ indicat, ideò censuisse Nicænos patres, tuenda esse priuilegia Patriarchis, & Metropolitanis antiquitus tradita, quia videbant ea præcipuè seruari in diœcesi Romanâ. Itaque Romanus Episcopus exemplo ceteris præit; neq; propterea colligendum tibi est, reliquos Episcopos ei per omnia similes esse: nam in quibusdam quis abnuat? Ad ordinem quod attinet, Episcopi omnes pares sunt. Quoad dignitatem, & regiminis rationem, plerique discrepant. Quùm ex veteri Ecclesiæ instituto singulis Vrbibus singuli Episcopi præfecti sint, eâ in re conferri vnusquisq; Episcopus Romano potest: tam enim Tiburtinus Episcopus Tiburi præest, quàm Romanus Romæ, quàm Parisiensis Parisijs. Si Metropoleôn iura inspicias, non tum poteris Parisiensem Romano comparare. Senonensem poteris, etenim tam is, quàm ille prouinciam habet, in qua plures ciuitates, plures Episcopi. Quod si integram diœcesim

consideres, non amplius Senonensem Romano Episcopo similem dixeris, quia vnicam tantum ille prouinciam habet, plures Romanus in suâ speciali diœcesi. Proinde maior Episcopus quærendus est, qui hac in parte illi æquetur. Erit is exempli gratiâ Alexandrinus, cui plures sunt Metropolitani in suâ diœcesi veluti Romano in suâ. At si summam spectes Romani Pontificis in Ecclesias omnes potestatem, iam reperies neminem, quem illi componas. Est enim ille Petri successor, cui vni Dominus suas oues pascendas commisit, quarum gregem non vnius Urbis septis, non vnius prouinciæ limitibus, non vnius diœceseos finibus concludi, sed per quascumq; terras, sol circumfertur, diffusum esse nosti. τῆς Πέτρῃ (inquit Chrysostomus ad cap. 21. Ioann.) τὴν πραιφεκτὴν τῆς τῆς οἰκουμένης πραιφεκτῶν ἐν Χρῆστῳ. Petro praefecturam ouium totius terrarum orbis tradit. Ex quibus perspicere iam licet, quænam iostipula Episcopo Alexadrino tribuenda est. Nam quæ pro tuâ sententiâ in medium affers, friuola esse fatebitur quilibet, quem intemperix non tenent. Vbi legimus in l. 1. C. de summa Trin. & fi. cath. Cunctos populos, quos clementia nostra regit temperamentum, in tali volumus religione versari, quam diuinum Petrum Apostolum tradidisse Romanis religio vsq; nunc ab ipso insinuata declarat: quamq; Pontificem Damasum sequi claret, & Petrum Alexandria Episcopum virum Apostolica sanctitatis, &c. Si Theodosius Imperator loco illorum verborum, Petrum Alexandria Episcopum, posuisset. Hieronymum Sacerdotem, an tu il-

lum reprehensioni censeret obnoxium? Non puto: nam Hieronymus æquè ac Petrus Alexandrinus catholicam religionem retinebat, tuebaturq; , sed nec minus vir dici poterat Apostolicæ sanctitatis. Haud reor tamen ausum te esse (quamquam homo sis confidentissimus) parem Damaso Hieronymum facere, qui nec Episcopus erat. Igitur nec Petrus Alexandrinus Romano Damaso ~~ioribus~~ penitus dici poterat. Néque id somniauit D. Hieronymus, quùm in epist. ad Marcum Presbyterum eius se fidei esse profitebatur, quam probari nouerat à Damaso Romano Pontifice, & Petro Episcopo Alexandrino. Si quis dixerit, te cum nullo ex orthodoxis Episcopis communicare, propterea quòd ij fidem illam retinent, quam Petrus Apostolus docuit, rectè is quidem loquetur, nec tamen censendus erit, pares propterea facere Episcopos omnes, quos tu etiam fateris alios alijs maiores: præstare siquidem Metropolitanos Episcopis, Patriarchas, & Primates ipsis Metropolitanis. Sic vides à Theodosio Imperatore in l. 3. Cod. Theod. de fide Cathol. complures nominari Episcopos in prouincijs Orientalibus integræ, ac spectatæ fidei, quibus qui communionem iungerentur, eos haberi Catholicos, & Ecclesijs præfici volebat. At quis sanus inde colliget, pari honore ac potestate Episcopos illos fuisse? Quùm etiam scribebat D. Augustinus lib. 2. contra Petilian. cap. 51. *Cathedra tibi quid fecit Romana Ecclesia, in qua Petrus sedit, & in qua hodie Anastasius sedet: vel Ecclesia Hierosolymitana, in*

qua Jacobus sedit, & in qua hodie Ioannes sedet; quibus nos in Catholicâ unitate connectimur, & à quibus vos nefario furore separatis? Noluit sanè vir sanctissimus, & prudens Romano æquare Episcopum Hierosolymitanum, quem sciebat Cæsariensi subesse, Cæsariensem Antiocheno. An etiam arbitraberis Cælestinum Romanum Pontificem præiudicium in se generasse, quùm in epistolâ ita alloquutus est Nestorium: aperte igitur hanc nostram esse scias sententiam, ut nisi de Christo Deo nostro ea prædices, quæ Romana, & Alexandrina, & uniuersalis Ecclesia tenet, &c. quæ propemodum verba, & in eiusdem Epistolis ad Cyrillum Alexandrinum, atque ad Ioannem Antiochenum Episcopum extant. Sanè verò cuiusque obuium est, post diuisum imperium nominati passim consueuissè Orientalem atque Occidentalem Ecclesias; tametsi vna esset, atque eadem Ecclesia, vnus supremus eius secundum Christû rector Romanus Pontifex. Porro quùm præcipuus censeretur inter Orientales Episcopus Alexandrinus, qui loco saltem Antiochenum vincebat, hiscè verbis non dubitauit uti D. Hier. Apol. 2. in Rufinum: *omittamus hæreticorum patrocinium, & nulla erit inter nos contentio. Eodem seruiore, quo Origenem ante laudauimus, nunc damnatum toto orbe damnemus. Iungamus dexterarum, animos copulemus, & duos Orientis & Occidentis ἑνωσόμεθα alacres sequamur.* Intelligit verò Anastasium Romanum Pontificem; & Theophilum Episcopum Alexandrinum. Idem Hieronymus in libro de scrip. Eccles. ita loquitur de Marcello Ancy-

rano Episcopo. Porro ille defendit se non esse eius dogmatis, cuius accusatur, sed communione Iulij, & Athanasij Romanæ & Alexandrinæ Urbis Pontificum se esse munitum. Atque ut agnoscas, quantum præstiterit Damasus Petro Alexandrino, reuocandum in memoriam tibi est, eundem Petrum è suâ sede proturbatum ad Damasum confugisse, cuius postea auctoritate suæ Ecclesiæ fuit restitutus. Rem enarrat Socrates lib. 4. cap. 30. ijs verbis. κατὰ δὲ τὸν χρόνον τῶτον, τῷ βασιλεῶς Οὐαλέντιος ἐκ τῆς Ἀντιοχείας αἰσχρορήσας, αἰετῶν-
νωτο οἱ πόμπαχὸς ἐλαυνόμενοι, καὶ μάλιστα οἱ ἐξ τῆς Ἀλεξανδρίας. Πέτρος τὸ ἐπὶ μελόντος ἀπὸ τῆς Ρώμης μὲν χαμμάτων Δαμάσου τῷ Ρώμης ἐπίσκοπῳ βεβαιώσας τὸ ὁμοῦσις (sic legendum, non Μωϋσίας, ut habet vulgata recensq; editio Coloniensis, quæ & interpreti imposuit vertenti Mosis) πῖσιν, καὶ τῷ Πέτρῳ κατέσασιν αἰσχρορήσας ἔν ὁ λαὸς, τὸν μὲν Ἀνέκιοι ἐξελαύνουσιν ἀντεισάγουσι δὲ τὸν Πέτρον; Per id tempus, simulatque Valens Imp. Antiochiâ decesserat; omnes, qui ubique persecutionis tempore iactabantur, & Alexandria potissimum, magnopere recreati fuerunt: propterea quod Petrus Româ eò reuersus erat cum Damasi Episcopi Romani litteris, quæ quidem & homousij fidem confirmabant, & Petri creationem; populus illis confusus expellit Lucium, Petrum autem in eius locum introducit. Dum autem Romæ Petrus commoraretur, Synodo interfuit, qua Apollinaris hæresis in Oriente exorta damnata est. Vnde factum, ut quanquā Damaso damnationem illam deferat D. Basilii epist. 74. ab utrôque tamen emanasse tradat Sozomenus lib.

6. cap. 25. atque ex eo potissimum suspicari possumus, permotum fuisse Theodosium, ut eum Damaso in sua illa constitutione coniungeret.

Quod profers ex Athanasio lib. de Synod. Paulum Samosatensem à duobus Dionysijs, Romano, & Alexandrino Episcopis condemnatum, frustra conaris æquam prærogatiuam Alexandrino tribuere. Mos erat eo tempore, ut primarum Urbium Episcopi iudicium quidem de hæreticis ferrent, à quibus suas ipsorum diœceses perturbari cernerent, sed præiudicium eâ in re sequuti Romani Pontificis. Id mouit eundem Dionysium Alexandrinum, ut certiores faceret Stephanum Episcopum Romanum de Sabellianâ sectâ, ut legere est apud Eusebium lib. 7. cap. 5. Meminisse potes, Pelagianam hæresim à multis damnatam, sed primum à Romanâ Sede in Iouiniano. S. Prosper lib. de Ingratis :

———— pestem subeuntem prima recidit

Sedes Roma Petri, quæ Pastoralis honoris

Facta caput mundo, &c. —

qua de re videndus est D. Augustinus lib. 2. retract. cap. 20. Idem in alijs præstitum: sed & quum sectarios multarent prauâ ac iam damnatâ opinione infectos, significare id consueuerat Romano Pōtifici. Itaque obiurgauit Leo Flavianum Episcopum Constantinopolitanum, perinde atque id neglexisset in causâ Eurychetis: *Miramur (inquit) fraternitatem tuam, quicquid illud scandalifuit, nobis silere potuisse, & non potius procurasse, ut*

primitus nos insinuatio magis tua relationis instrueret. &c. & in litteris ad Theodosium Imp. *Ad prædictum autem Episcopum dedi litteras, quibus mihi displicere cognosceret, quod ea quæ in tantâ causâ gesta fuerant, etiam nunc silentio reticeret, quum studere debuerit primitus nobis cuncta referare. Verè tamen suo non defuerat Flavianus officio, sed litteræ nondum ad Pontificis manus peruenerant. Quid enim vir sanctus veterem morem contempsisset? Eius moris meminit Cyrillus, quum Cælestinum Papam certum faceret de Nestorij hæresi, τα μαχα (inquit) τῷ ἐκκλησιῶν ἐστὶ πείρασσι ἀνακοινῶσαι τῇ σὴ ὁσιότητι. Longa Ecclesiarum consuetudo suadet ut [res eiusmodi] sanctitati tuæ communicentur. Quin ut planè perspicias, in fidei rebus ac religionis solitos fuisse Episcopos normam sumere à Sede Apostolicâ, verba perpende ipsius Cyrilli de Nestorio agentis ad eundem Cælestinum, quæ sic habent: ὁ πρὸς τὸν δὲ τῆς πρὸς αὐτὸν κοινωνίας ἐμβαλλομένης ἐκ τῆς μὲν παρρησίας, τὸν αὖτε αὐτὰ τῇ σὴ θεοσεβείᾳ ἀνακοινώσωμεθα. εἰς δὲ κατεξίωσιν τυπώσῃ τὸ δοκῶν, καὶ πρὸς τὸν ποτε χρεὶ κοινωνεῖν αὐτῷ, ἢ λοιπὸν ἀποπέμψῃ μὲν παρρησίας, ὅτι ταῦτα φροῖνεῖται, καὶ διδάσκειντι ὁδὸς κοινωνεῖ, non prius eius abijcere communionem ausi sumus, quàm hæc ipsa tua pietati indicaremus. Digneris propterea quid hîc sentias declarare, utrum communicare cum illo nos oporteat, an liberè eidem denunciare, nemini esse communicandum cum homine erroneam huiusmodi doctrinam fouente, ac prædicante. An non præerat Cyrillus Alexandrinæ Ecclesiæ, quæ utique prima erat inter Orientales? Cur ergo formam sibi præscribi poscit*

in causâ Nestorij, nisi quia optimè callebat, ad summum totius Ecclesiæ Præsidentem id spectare? Illi datum à Christo norat, vti fratres confirmaret, vt propterea hæretici nullo pacto sint habendi, quorum ea Sedes fidem non improbat, vbi certior de illâ sit facta. Id etiam palàm fit ex Gregorio Nazianzeno ep. 2. ad Cled. dùm loquitur de Apollinaristis, qui se in communionem susceptos asseriebant à Romano Episcopo, eiuſque diæceseos Synodo. ἡ μὲν οὖν διὰ τὸ ὅτι καὶ ὑπὸ τῆς δι-
πλῆς συνόδου διέδεχται φασίν, ὡς πωταίνουσι, ὅτι τῆς τοῦ ὁ-
ρθοῦ ἡσυχίας καὶ παρηγορίας, ὡς πᾶσιν βούλονται. Εἰ μὲν οὖν ἐδέχθησαν
ἢ ἡμεῖς ἢ ὁ ὁρθόδοξος παῖς Ἀπολλινάριος, ὅσοι οὖν τῆς τοῦ ὁρθοῦ ἡσυχίας
καὶ ἡμεῖς ἐπεξωμεθα, δίδωμι γὰρ ὅτι ὁ ὁρθόδοξος συνήκωσι. ἡ δὲ γὰρ
ἐδέχεται ἁπλῶς, εἰ τὸν τετυχήκει. Illud etiam indignitatis
accedit, quòd ab Occidentali Synodo sese (vt audio) susceptos
esse affirmant, à qua fuisse prius condemnatos, nemini est
obscurum. Quòd si vel nunc, vel ante suscepti sunt, qui cum
Apollinare sentiunt, hoc ostendant, & nos acquiescemus. Per-
spicuum enimerit, eos recte doctrinæ assentiri (nec enim ali-
ter se res habere potest) si hoc consequuti sunt. Simile quid
prolatum de Pelagio videmus à Patribus Concilij Car-
thaginienſis in Synodicâ epistolâ ad Innocentium Pa-
pam. Vide & 90. epist. D. Augustini. En tibi igi-
tur, quàm vera habita semper fuit sententia, in rebus
fidei statuendis non posse Papam à rectâ semitâ de-
flectere, sed quicquid ipse decreuerit, à reliquâ Eccle-
siâ tanquam regulam minimè aberrantem excipien-
dum esse. Quàm se esse infra Romanum Episcopum.

Alexandrinus cognosceret, ex eo quóque patere potest, quòd Cyrillus aiebat, meruisse quidem Nestorium Constantinopolitanum, vt anathemate feriretur quicúnque Mariã Deiparam negaret, quemadmodum infanus ille anathema ijs dixerat, qui Deiparam fatebantur: ἄλλ' ὅ (subdit) προοίκατε τὸ πρὸς αὐτὸν τέλος, ἵνα μὴ λέγουσιν οἱ ἄλλοι, ὅτι αἰσθόμενοι αὐτοὶ ὁ Ἀλεξανδρείας ἐπίσκοπος, ἢ τὴν σύνοδον ἢ Αἰγυπτιακὴν, verùm id hæcenus facere propterea nolui, ne sint qui dicant, Episcopum Alexandrinum, Ægyptiãve Synodum anathematis sententiam in ipsum [Nestorium] tulisse. Vide Concil. Ephes. par. 1. cap. 10. Nimirum id esse munus sciebat Romani Pontificis: à quo postea, quùm auctoritatem accepisset damnandi Nestorium, non amplius id exequi dubitauit, vti ex actis Concilij Ephesini constat. In cuius primâ parte cap. 26. extat eiusdem Epistola, quâ Nestorium damnat ex præscripto Romani Pontificis. In eodem Concilio, quùm vicariam operam Cælestini loco præberet Cyrillus, vt se honore auctum ostenderet, Pontificalibus ornamentis indutus præfedit, mitrâ præcipuè, quâ Romanus Pontifex vti consueuerat; quemadmodum meminere Theodorus Balsamo in notis ad Photij Nomocanonem, & Nicephorus historiarum lib. 14. cap. 34. qui addit, Alexandrinum Episcopum ex eo tempore Papæ cognomento decoratum, & iudicem etiam totius Orbis dictum. De Papæ præsertim appellatione non putat Baronius, alijq; assentiendum esse Nicephoro, quòd id nomen ceteris quóque Episcopis tribui so-

litum esset. Haud equidem reperio, speciosis huiusmodi nominibus Cyrillum ipsum usum esse: nec forsitan successores eius per aliquot annorum curricula. Non id tamen existimem confictum à Nicephoro, sed ex antiquioribus monumentis haustum, aut per manus traditum, neque Nicephori narrationem tam facilè renuendam censeo: nam quòd Papæ nomenclatura tribueretur passim Episcopis, verum id quidem erat apud Latinos; apud Græcos nunquam factum aio: quin & à Latinis ipsis, quùm simpliciter nullòque additamento appposito id nomen enuntiaretur, designabatur κατ' ὄνομα Romanus Antistes, cui postea tanquam propria appellatio adhæsit. Eâ significatione usurpatum non semel cerāimus in Toletano Concilio anno 400. necnon apud Prosperū, aliosq; quorū testimonijs supersedeo, rem omnibus exploratam esse autumans. Vtiq; fatetur Nicephorus, titulos illos accessisse Cyrillo, non aliam ob rem, quàm ob Vicarij munus ei paulisper à Papâ demandatum, inde ad successores manasse. Ac videmus sanè in inscriptione epigrammatis 16. lib. 3. Antholog. Hierosolymitanum Episcopum vocari Patriarcham, Alexandrinum verò Papam. Inscriptio sic habet. Σωφρονίου Πατριάρχου Ἱεροσολύμων, εἰς τὴν πόλιν Ἰωάννου Πάτριος Ἀλεξανδρείας. Id moris retinent Alexandrini Antistites ad hanc usque diem. Vidi nuper diploma Meletij Alexandrini Patriarchæ, eius, qui nunc in viuis est, Antecessoris, datum tercio Idus Iunias 1598. cum eâ superscriptione Μελέτιος ἐλέω θεῷ, Πάτρις, καὶ

Γαλαρίας ἡ μεγάλης πόλεως Ἀλεξανδρείας, καὶ κριτὴς ὁ οἰκν-
μένος.

Nunc exemplum addamus de Dionysio illo Alexandrino, quem tu parem statuis Romæ Episcopo, propterea quòd Samosatensis ab utroque fuerit damnatione affectus. An te clam est, Dionysium eundem accusatum olim, quod prauè sentiret de diuinis personis, causam suam egisse apud Romanum Pontificem? Id te docere poterit D. Athanasius lib. de sent. Dionysij, & faciliè hinc perspicies, nisi mentis cæcitate penitus laboras, parine fuerint auctoritate, an alter altero maior.

Adhuc tamen instas, & fatilibus argumentis tuæ hallucinationi (ne quid asperius dicam) indulges. Verba illa affers ex Codice Canonum Ecclesiæ Africanæ: *Placuit, ut de dissensione Romanæ atque Alexandrinæ Ecclesiæ ad sanctum Papam Innocentium scribatur, quòd utraque Ecclesia intra se pacem, quam præcepit Dominus, teneat.* Quasi qui Romanæ Ecclesiæ conciliare studeret Ecclesias Britannicas, quæ te schismate primùm, deinde hæreseos quòque crimine alienas fecerunt, dicendus esset, pares illas facere honore, ac primatu. Innocentius Romanus Pontifex iratus Theophilo Episcopo Alexandrino ob res iniquè gestas in Chrysostomum, ab eius communione abstinere, qua de re & idem Innocentius epist. 18. & Theodorus Diaconus apud Palladium in dialog. Africanj Patres paci Ecclesiæ studentes, quid aliud tum facere decreuerunt, nisi ab Inno-

centio petere, uti reciperet Theophilum in communionem? nunquid se utrique scripturos decreuerunt, an Innocentio solum? Huic utique cuius animus fle&endus erat, ut Theophilo ignosceret. Inde liquet, nequaquam illos æquiparari. Non id Africani Episcopi ne per somnium quidem cogitarunt, non ipse Theophilus. Tu maximus ille es post tot sæcula, qui nodum in scirpo inuenisti, & ausus es præterea cum perditis hominibus superbiæ insimulare Pontifices Romanos, nimirum quia suo funguntur officio, quia primatum suum tuentur. Quis à fastu longius abfuit, quàm D. Gregorius Papa, qui etiam *Vniuersalis* titulum renuebat, quo cæteros Episcopos Ioannem præsertim Constantinopolitanum suo ipsius exemplo animi demissionem doceret? Res est cuique obuia ex eiusdem epistolis, alijsque scriptoribus. Quanquam quis ignorat, càm appellatione insigniri solitos Pontifices Romanos? Hunc morem præter cetera aperiunt oblati libelli Concilio Chalcedonensi, cum ab Athanasio presbytero Alexandria, tum à Theodoro, & Ischirione Diaconis, nec non à Sophronio, qui nec Clericus erat. Singulæ eorum inscriptiones hoc, similive pacto conceptæ sunt: τῷ ἁγιωτάτῳ, καὶ θεοφιλεστάτῳ οἰκουμενικῷ ἐκκλησιάρχῃ, καὶ Πατριάρχῃ τῇ μεγάλῃς Ῥώμης Λέοντι, & τῇ ἁγίᾳ, καὶ οἰκουμενικῇ συνόδῳ. &c. Ut prorsus appareat solemne fuisse, tam Romanum Pontificem, quàm Synodum ipsam *Vniuersalem* appellare. Ille, inquam, Gregorius Christianâ humilitate maximè conspicuus

eam formulam *Seruus seruorum Dei*, in diplomatibus vsurpare frequenter cœpit, quam subsequuti Põtifices auidè arripuerũt, & mordicũs retinent. Eo tamen confidetiã processẽre audaculi quidam homines è vestrà sectã, vt dicerent formulam huiusmodi superbiam notam esse. vt iã minus mirer tuam impudetiã, quã debaccharis simili ratione in Romanam Sedem, ac tam egregio corollario caput hoc claudis. Affers siquidem verba quædam ex libro 7. cap. 11. historiæ Ecclesiast. Socratis, quibus ille aiebat Romanam Ecclesiam, vt & Alexandrinam, vltra Sacerdotij fines ad Magistratus formam fuisse iampridem prouectas. Quod legimus apud Socratem ὁ ἱερεὺς διωαγέλας, tu Latinè reddis, *ad sacularem principatum*, ac duos conaris dealbare parietes ex eadem fideiã; sed veriũs te ipsum fœdatum ibis. Videris primũ Socratis dictum ad tuam sententiam pertrahere, quã æquam dignitatem tribuis Ecclesiæ Romanæ, & Alexandrinæ. Quæ sanè argumentatio ridicula est: quis enim pares dignitate constitui censeat, qui aliquã in re vltra suos se fines proferre dicantur? Innuis deinde, quod suprà demonstrare conatus es, sæcularem typhum ab Episcopo Romano, quemadmodum & ab Alexandrino in Ecclesiam fuisse inductum. Sed planè nosse poteras, non loqui illic Socratem de sollicitudine Romani Pontificis in omnes diœceses. Queritur enim, quòd is Pontifex Nouatianis Ecclesias abstulisset, quas Romæ habebant. Vrebat nimirum hominem, quòd male habitii essent suæ fidei socij (etenim obscurum

obscurum esse nemini autumo ex Nicephoro, alijsq; fuisse Socratem Nouatianæ sectæ addictum) ac non id à Pontificis auctoritate, sed à potestate sæculari profectum maluisset: solemnī hæreticorum more, qui nulum penes Ecclesiasticos Præsides tribunal esse vellent. Tibi verò lepidō viro *elegans admodum hic Socratis locus* dicitur, ne Nouatiani inuiderent Arrianis, quorum arrogantiam prauamque mentem tibi probari, supra ostendimus; scilicet (vt sorices faciunt) tuo te indicio prodīs; tuāque (aut fallor) sententia esset, vti Ecclesia permetteret, hæreticorum sordes inter Catholicorum puras animas versari. Quòd Pontificum vigilantia id prohibeat, agrè tibi est: quemadmodum Samaritanis fuit, quòd Christus malos Dæmonas è corporibus obsessis, è regionibus ipsorum in immundas vetitalesque eo tempore animantes exigeret.

CAPVT TERTIVM.

RVFINI OBSCVRITAS, ET LI-

centia. Eius locus de Ecclesijs Suburbicarijs explicatus, & emendatus. Urbicus Episcopus, Urbici Magistratus, alia id genus. Schismatici variè relegabantur. Italia specialiter dicta. Non id ante Constantinum. Patefactum apud Socratem mendum, ingestæque correctio. Eusebius declaratur. Mediolanum quomodo Metropolis Italiae. Episcopi Mediolanensis, & Aquileiensis à Romano ordinari soliti. Primates in diocesi Episcopi Romani. Canonici Cont. Taurinensis lux data. De Priscillianistis expensa Sulpitij verba. Gratianus notatus. Amplitudo provinciae Archiepiscopi Mediolanensis. Venetiarum provincia. Venetiarum ciuitas. Littera ad Rom. Pontificem data, & ad eius diocesanos Episcopos. Natalis Pontificum.



ENVINAM te attulisse firmasseq; mentem Nicæni canonis sexti asseris, quia in exemplum vocari peculiarem Episcopi Romani diocesim docuisti: an non id docuit prior Berterius, alijq;? Atq; vt schismaticos Græcos omittam, qui canones interpretati sunt, an non eadem est interpretatio Hincmari Remensis Archiepis-

copi in sextâ epistolâ ad suæ prouinciæ Episcopos? Qui quidem Hincmarus octingentesimo circiter ab hinc anno inter viuos erat. Quis verò negat, propriam fuisse Romano Episcopo diœcesim? Fatentur hoc Catholici; sed non id colligunt, quod hæretici, eius potestatem hosce fines siue latos, siue angustos haudquaquàm egressam. Eius opinionis vanitatem suprâ patefecimus, sed & mox aliquid dicendum erit. Nunc examinandum, nùm ea fuerit Romani Patriarchæ diœcesis, quam tu stetisse dicis intra lapidem centesimum, hoc est, non exiuisse angustias Suburbicariarum Regionum. Tuæ sententiæ fundum statuis Rufinum, qui canonem Sextum Nicæni Concilij, compendiosis, suisque hoc est obscuris verbis refert. Eam mox conuallare niteris coniecturis quibusdam adeò leuiculis, vt distari tanquàm tenuissimæ plumæ queant. Verba Rufini ex libro 2. hystoriæ Ecclesiast. ea sunt: *Uti apud Alexandriam, & in Vrbe Romanâ vetusta consuetudo seruetur, vt vel ille Ægypti, vel hic Suburbicariarum Ecclesiarum sollicitudinem gerat. Quanquam non ego Rufini auctoritatem in hac parte omni exceptione maiorem dixerim, vt tu facis, minimè tamen illorum accedo sententiæ, qui aut consultum mendacium illi tribuunt, aut hallucinationem. Cur enim lapsus in re eo tempore apertissimâ? Aut quæ frons homini fuisset vt aduersus perspicuam veritatem deridiculo esse veller? Si pro verbis illis Suburbicariarum Ecclesiarum, scriptum esset Suburbicariarum Regionum, vel Ec-*

clesiarum, quæ in Suburbicarijs Regionibus sunt, nihil me remoraretur, quominus cum illis sentirem. Nunc iniquior Rufino esse abnuo, quàm meretur. Meretur autem, ut ipsum suo more tenebricosâ loquutione vsum dicam. An non id illi vitio vertit D. Hieronymus? Ego (inquit Apolog. 1.) scripta tua relegens, quanquàm interdum non intelligam quid loquaris, & Heraclitum me legere putem; tamen nō doleo, nec me pœnitet tarditatis, id enim in legendo patior, quod tu pateris in scribendo. Ac ne longius abeamus, quàm tibi elegans per tuam fidem is loquendi modus videtur, ubi pronomen ille enuntiatur nullo prius posito nomine, quod referat, cuiusq; vices id pronomen gerat? Qui enim sunt ille, & ille apud Rufinum, quum Alexandriam tantum, Urbemque Romam nominasset? An dices non ægrè intelligi earum Urbium Episcopos? Non id inficior. Sed verò aio, hominem (poeticè nescio, an ænigmatice) secus certè loquutum esse, atque loqui oportuit. Quod ideò notandum duxi, quia tu sermonis in eo elegantiam, & proprietatem laudare non dubitas. Sed ut ad vocem, qua de controuersia est, redeamus, procliue mihi fuit diuinare, nil aliud esse Rufino *Ecclesias Suburbicarias*, quàm *Ecclesias quæ sub Urbico Episcopo sunt*. Iam te non fugit, *Urbicum* Episcopum dictum esse à Paulino epist. 1. Romanum Pontificem. Sed & Paulino antiquior Optatus Afer *Zephyrinum Urbicum* appellat lib. 1. Qui & Romæ Episcopus & Romanus origine fuerat. Sic Confessores, & Clericos *Urbicos* no-

minat D. Cyprianus epist. 40. Editionis Pamelianæ, Romanos intelligens. Urbicos Magistratus Suetonius August. cap. 46. Urbica negotia, Vlpianus l. 51. D. de administ. & peric. Urbicos Pistorum, & Urbica ministeria Paul. l. ult. de excusat. l. 4. §. si ita, de penu. legata. Quin & Honorius Imp. in rescripto ad Symmachum, Episcopatum Romanum *Urbanum Sacerdotium* vocat. Quid iuris Rufinus sibi sumpserit in vertendâ Eusebij historiâ, nemini est obscurum: siquidem minimè seruauit (vt aiebat Gelasius Cyzicenus lib. 1. Hist. Conc. Nicæni) καὶ τὰς πλεὺς ἀκολουθίας, καὶ πλεὺς τῆς ἀληθείας ἀρμόσιαν. An censeamus fuisse illum circumspēctiorem in reddendo Nicæno canone, quem paucis perstringere voluit? Diœcesim Episcopi Alexandrini, qua canon ipse comprehendit dixit Ægyptum, Lybiam, Pentapolim, Rufinus sat habuit indicare Ægypti voce generaliter acceptâ; quod scio & ab alijs factitatum. At Romanam diœcesim nouo atque eleganti (vt ipsi videbatur) vocabulo exprimere amauit. Nam quemadmodum *Suburbicarias Regiones* dici tu existimas, quæ ad Urbis, hoc est Romæ iurisdictionem, seu præfecturam præcipuè pertinebant; ita non ille se absurde loquuturum existimauit, si diœcesim Episcopi Romani, quantumuis latissimè pateret, *Suburbicarias Ecclesias* appellaret. Sunt igitur Rufino *Suburbicariæ Ecclesiæ*, quæ D. Hieronymo *Ecclesiæ Sedis Apostolicæ* dicuntur. Hoc enim modo appellat trium Patriarcharum diœceses in epist. ad Vigilantium: *Quid*

facient Orientis Ecclesiæ? Quid Ægypti, & Sedis Apostolicæ? Hanc ego interpretationem uti verissimam semper censui, ita mirabar non & alijs in mentem venisse. Verum comperi postea, fuisse olim à doctissimo Baronio allatam, eoque vehementius arridere mihi cœpit. Quum tu illam apud eundem legisti, quid ni corculum tibi perculit? At qui studiosè dissimulasti, quòd cernebas hac machinâ totam tuam ædificationem subuerti. Nolim etiam silentio coniecturam nostram transmittere, qualiscumque ea sit; videri scilicet Rufinum non *Suburbicarias*, sed *Suburbicas* Ecclesias scripsisse, quod confirmatur codice manu exarato Vaticanæ Bibliothecæ; in quo scriptum disertis verbis, *Suburbicarum Ecclesiarum*. Ut minus ineptè appellatas appareat *Suburbicas Ecclesias*, quæ sub Urbico Episcopo constitutæ essent. Quamuis Suburbicariæ Regionēs magis dicerentur, quia prope Urbem essent, quàm quia Urbano Præfecto subessent.

Verum tu, Anonyme, quia sententiam illam, quam Rufino assignis, titubare sentiebas, alias quoque coniecturas, tanquam subsidiarias copias, aduocas. Ac pro magno tibi est, quòd Valentinianus Imper. in l. 62. Cod. Theod. de Hæret. sanxerit, schismaticos Urbe Româ ad centesimum lapidem submouendos. Hinc enim colligis, velut etiam ex eo, quod testantur Optatus, & Hieronymus de Donatistis ex Africâ eiectis, eam fuisse schismaticorum pœnam, ut amandarentur extra diœceseo terminos eius Episcopi, à cuius se communionē ipsi segregassent. Num ignoras tu, qui lu-

risconsultum agis, non esse ab exemplis ius deriuandum? Accipe verò, quàm variè expelli soliti essent schismatici. Vrsicinus, qui aduersus Damasum Pontifex electus fuerat, quùm legitimæ Damasi electioni cedere detrectaret, in Galliam relegatus est: asseclæ verò Vrbe tantummodo remoti. Verba rescripti Imp. Valentiniani ad Prætextatum P. V. quod à Baronio ex antiquo Codice Vaticano recitatur ad annum Christi 368. ea sunt: *Vrsicini socijs, & ministris, quos præclsa sublimitas tua, propter quietem Urbis æterna de medio putauit esse tollendos, Româ tantum (cuius tranquillitati studemus) exceptâ, ubicumque voluerint, absque religionis iniuriâ (ut peregrinari potius quàm exulare videantur) proprio liceat iure versari.* At quoniam in Suburbij Ecclesiam congregabant, anno sequenti longius secedere iussi sunt, nimirum vltra vicesimum lapidem. Sic enim legere est in rescripto ad Olybrium Præfectum Urbis: *Tu quidem ut proximis litteris indicasti, enixissimo studio præstare voluisti, ut nulla in Vrbe Roma posset esse discordia, Christianorumque populus profunda in ocio securitate gauderet. Sed quantum Aginaiij clarissimi viri Vicaria Præfecturæ scripta testata sunt, adhuc aliquanto placata misceri delectat extramuraneisque conuentibus frequens strepitus excitatur, Olybri parens carissime Augustorum. Quamobrem egregia sublimitas tua ipsius auctoritate præceptionis, & patria præstet, & legi, ut populo dissentiens nulla intra vigesimum lapidem, vel religio ad coeundum possit esse, vel copia; ut si cessare non vult migret ut iussum est, insana collectio, &c.* Ac neansam,

accipias hanc lectionem sollicitandi, vt pro *viceſimum* reponas *centeſimum*, quemadmodum in Tacito feciſti; idem Auguſtus ad iplū Aginatium Vicarium eā de re ſcribens, ijs verbis uſus eſt: *iubemus, vt nullus intra viceſimum lapidem conuenſus habeatur.* Anno poſtmodum 371. facta eſt poteſtas Vrſicino in Italiam redeundi, dummodò abſtineret Vrbe, & Suburbicarijs Regionibus. Reſcriptum extat Impp. Valentiniani, Valentis, & Gratiani ad Ampelium P. V. in quo hæc inter cetera habentur: *Dudum Vrſicini inquietudine prouocati, fauentes concordie populi Chriſtiani, quieti etiam Urbis ſacraſſima prouidentes, vno interim loco intra Gallias dumtaxat perturbatorem tranquillitatis publicæ ſtatueramus iure cohiberi, ſcilicet ne applicatione morum late diſſenſionis incommodum ſpargeretur. Verū natura noſtra manſuetudine leuigati, ita memorato abſcedendi copiam dedimus, ne ad Urbem Romam, vel certè Suburbicarias Regiones pedem inferat.* &c. Idem ſtatutum de erroris conſortibus. Et in reſcripto ad Maximinum Vicarium Urbis: ex quo oritur, vt Vrſicino, quem propter quietem populi Chriſtiani, & debitam Religioni ac legibus diſciplinam vno interim loco morari intra Gallias iuſſeramus, diſcedendi copiam fecerimus ſub ea conditione, ne vagandi arbitrium præberemus, neve ad Urbem Romam, vel Regiones Suburbicarias valeat commanere. &c. & infra: ſic enim manſuetudinis noſtræ indulgentiam temperamus, ne occaſione præſtita vicinitate inquietorum ad aliquam forſan vociferationem religioſi populi ſtudia prouocemus. Ex poſtremis hiſce verbis perſpicuum

spicuum fit, ideo schismaticos longiùs abesse iussos, non vt extra diœcesim essent, sed ne vicinitate Urbem turbarent. Apparet post hæc, Vrsicinum Coloniae Agrippinae relegatum fuisse, Hisacem in Hispaniam amadatum, Claudianum in Africam: reliquos eiusdem partis schismaticos denuò vltra centesimum ab Urbe miliarium fuisse depulso, necnon ex earum ciuitatum finibus, quarum plebem vel Ecclesias, vel per se, vel per simile sui vulgus exercebant, ex Gratiani & Valentiniiani constitutione ad Aquilinum Vicarium ordinariarum, quam profert Baronius ex eodem Codice Vaticano ad annum 381. Vides, habitam fuisse rationem finium ciuitatis, non diœcescos? Verùm quid tibi melius obstruere os potest, quàm lex 35. Cod. Theod. de Episc. & Cler. in qua Impp. Arcadius & Honorius sic loquuntur: *Quicumque residentibus Sacerdotibus fuerit Episcopali loco detrusus, & nomine, si aliquid, vel contra custodiam, vel contra quietem publicam moliri fuerit deprehensus, rursusque Sacerdotium petere, à quo videtur expulsus, procul ab ea Urbe, quam infecit, secundum legem diuæ memoriæ Gratiani, centum millibus vitam agat, sit ab eorum cœlibus separatus, à quorum est societate discretus, &c.* Quid? Putasne vnquamquē Urbem, aut sui territorij, aut Episcopalis parœciæ terminos ad centesimum lapidem protulisse? Germanæ gerræ sunt hæc, in quibus pudet me, pigetque multum fuisse, nam vel me tacente vapulaturus fueras doctorum conuicio, tuorum quoque fautorum, ac gregalium.

Alio machinamento diœcesin Romani Episcopi aggredieris. Ais Italiam specialiter fuisse dictam, quæ prouincias omnes Italiæ continebat, exceptis Regionibus Suburbicarijs. Huius Italiæ speciatim sumptæ censet Mediolanum fuisse Metropolin, ideò nihil ad Romanum Episcopum pertinuisse: quin duobus hisce Episcopis, Romano nempe, & Mediolanensi æquam fuisse auctoritatem. Hac de re postea videbimus. Nunc quàm mirè sis hallucinatus in hac speciali Italiæ notione, præter ea, quæ superiore diatribâ dicta sunt, amplius demonstrandum est. Si quod asseueras, verum esset, fatendum sanè foret, Mediolanensi Episcopo subiactuissè Campaniam, Brutios, Apuliam, Calabriam, alias prouincias, quæ inter Suburbicarias non connumerantur; quod nemini unquam in mentem venit, ne dum ut ex ullis documentis elici id queat. Tu primus rem hæcenus inauditam patrefactum venis. Iam si te patronum adoptauerit Mediolanensis Ecclesia, propè erit, ut grandem suæ diœcesi accessionem faciat. Non vides miser, in quas te angustias conijcias? Non inficiandum est, partem quandam Italiæ propriam sibi appellationem Italiæ assumpsisse; sed ea fuit, cui Vicarius Italiæ sic dictus præerat. Huic parebant quatuor Consulares, Venetiæ nimirum, Itriæque, Æmilix, Flaminix, cum Pice-no annonario, & Liguriæ: & tres Præsides, Alpium Cottiarum, Rhætiæ primæ, Rhætiæ secundæ. Atque hæc erat Italia specialiter dicta. Quapropter videmus D. Athanasium Apologia 2. inter prouincias, quarum

Episcopi Concilio Sardicensi adfuerant, hasce enumerare, Italiam, Picenum, Thusciam, Campaniam, Calabriam, Apuliam, Brutios. Et in epistola ad solitarios: *πλείους δὲ ἢ ὅσων Ἐπίσκοποι ὑπό τε τῆς Ρώμης, καὶ τῆς Ἰταλίας πάσης, Καλαβρίας τε, καὶ Ἀπυλίας, καὶ Καμπανίας, &c.* Quem locum quùm & tu laudaueris, cur non animaduertisti, prouincias illas, quæ ex Suburbicarijs Regionibus non erāt, distinctè separari ab Italiâ angustius acceptâ? Ac sanè catalogus ipse Episcoporum Concilij Sardicensis, qui adhuc extat licet mutilus, hosce habet subscriptos: *Lucillus ab Italia de Verona: Fortunatianus ab Italia de Aquileia: Seuerus ab Italia de Rauenna: Vrsacius ab Italia de Brixia: Protasius ab Italia de Mediolano: Stercorius ab Apulia de Canusio: Maximus à Thuscia de Luca.* Sic in catalogo Episcoporum, qui synodo Arelatensi interfuerunt, hosce reperio: *ex prouincia Campania ciuitate Capuana Protus Episcopus: ex Prouincia Apulia ciuitate Arpiuentium Pardus Episcopus: ex prouincia Italiae ciuitate Mediolanensi Protasius Episcopus.*

Illud porrò in memoriam reuocandum, quòd superiore dissertatione monuimus, specialem hanc Italiae appellationem vsurpatam non fuisse ante Vicarium Italiae constitutum; quod sub Constantini Magni imperio contigit, quùm nimirum quatuor Præfecti Prætorio sint creati. Ideò spectare hūc nequit, quod tradit Euseb. lib. 7. cap. 24. Hist. Eccl. Imperatorem Aureli-
num, vbi cognouisset, Paulum Episcopum Antioche-
num Synodi sententiā ab Episcopatu eiectum renuere

è domo exire, quæ propria erat eius Ecclesiæ, iussisse, ut id obtineret, quod Romanus Episcopus, eiusque Synodus decreuissent. Sic enim capienda sunt verba illa: οἱ καὶ τῆς Ἰταλίας, καὶ πλεὺς Ρωμῶν πόλιν ἐπίσκοποι. &c. Licet enim vniuersus Occidens specialis esset diœcesis Romani Pontificis, ut mox dicemus, crebrius tamen ex Episcopis solùm Italiæ Synodus congregabatur, ne remotiorum partium Antistites molestiâ afficerentur.

Eam ob causam putant quidam, Episcopum Italiæ se Liberium appellasse in epistolâ ad Orientales Episcopos apud Socratem lib. 4. cap. 11. Verùm aliter ego sentio, laténsque ibidem vlcus deprehendisse me profiteor. Adeo enim est insolens ea loquendi formula, ut excepto hoc vno Socratis loco nusquam alibi eam reperias. Tolerabilius videretur, si alius quispiam Liberium Italiæ Episcopum nominasset. Ipsum hac se præter morem appellatione insigniuisse, nemo sanus existimauerit: quùm Romani Pontifices ne se Rōmæ quidem Episcopos dicere consueuissent, sed Episcopos simpliciter: *Julius Episcopus: Liberius Episcopus: Damasus Episcopus, &c.* Aio itaque aut Socratem ipsum oscitanter Latina Græcè reddidisse, aut peccasse librarium. Procliuius est ut credam, epigraphen Latinæ Epistolæ sic fuisse conceptam: *Liberius Episcopus Italiæ atque Occidentis Episcopi. &c.* Socrates non animaduersâ distinctione hoc puto transtulit: Λιβέριος ἐπίσκοπος Ἰταλίας, καὶ οἱ καὶ πλεὺς δύναν ἐπίσκοποι, &c. Quòd si quis in librarium reijcere culpam malit, quùm ita fortasse scriptum à So-

crate esset: Λιβέριος ἑπισκοπός, οἳ τε Ἰταλίας, καὶ οἱ ἄλλοι πλεὶς δύναντες ἑπισκοποῖ, perfacile suspicari licet, librarium, dum hæc ex dictantis ore exciperet, similitudine soni deceptum vocular illas οἳ τε omisisse, quasi geminatio esset priorum syllabarum Ἰταλίας. Inde codicum deprauatio etiam in Nicephori historiâ, qui ea omnia ex Socrate exscripsit. Neminem fore puto adeo aut hebetis, aut pertinacis ingenij, qui alterutri ex hisce coniecturis non sit assensurus, si animaduernerit in libello, quem Legati Orientales Liberio dederant, ut est apud eundem Socratem, extare verba illa: πρὸς πλεὺς ἡγεμόνιστά σου, καὶ πρὸς τὰς Ἰταλίας τε καὶ δυτικὰς ἑπισκοπὰς ἡράματα κομιζόμεν, ad bonitatem tuam, atque ad omnes Italos Occidentalesque Episcopos litteras afferimus. Nec minus in ipsâ Liberij epistolâ hæc legi: πρὸς τε πλεὺς ἐμὴν ἐκκλησίαν, καὶ τῶν ἐν Ἰταλίᾳ, καὶ δυτικῶν πρὸς τῶν, &c. ex sententiâ tenuitatis meæ, Italorumque atque Occidentalium omnium. Proinde quocumque tandem modo scripserit Socrates, satis apparet vocem Italix non Liberio, sed alijs Episcopis aptandam esse. Neque est, cur tu mysterium subesse aliquod suspiceris in verbis Eusebij, siue Aureliani, quòd Episcopo Urbis Romæ præponantur Episcopi Italix. Etenim vel pueri te docebunt, non abhorere hanc loquendi formam ab eo, quod aiebat Poëta:

Troas relliquias Danaûm, atq; immitis Achilli.

aut quod in Euangelio legimus: *dicite discipulis, & Petro*, qui utriusque primus erat discipulorum: atque ita nominatur à Matthæo Apostolo, quamvis nec ætate

alios superaret, nec ceteris prior ad Apostolatum fuisset vocatus. Igitur Aurelianus Imperator causam illam Episcopis Italiæ demandans, Romanum speciatim nominavit tanquam eorum caput. Atque ita interpretatur Zonaras in præfatione ad Synodū Antiochenā. *ὅς (inquit) οἱ τῆς σωίδος παρὲς τὸν βασιλέα Αὐρηλιανὸν τὰ πρὸς τὸν αἰέφερον καὶ ὃς τὰς τῆς Ρωμαίων ἐκκλησίας ἐπισκοπῶν καὶ τοῖς κατ' αὐτὸν ἀρχιερεῶσι ἐκέλευσε τὰ κατὰ τὴν Παύλου ἐπισκέψασθαι. καὶ εἰ δις ἡμεῖς καθήρηται, ἐκδιώξαι αὐτὸν τῆς τῶν χριστιανῶν ἐκκλησίας. ὃ καὶ γένηται, ὡς ὁ τῷ Παμφίλῳ Εὐσέβιος ἱστορεῖ,* Itaque patres Synodi de eo ad Aurelianium Imperatorem retulerunt. Ille verò Romanæ Ecclesiæ Episcopo, eiusque Antistitibus iussit de Paulo inquirere, & si iuste depositus esset, eum ex Christianorum Ecclesia expellere; quod etiam factum est, uti scribit Eusebius Pamphili.

Itaque Italiæ specialiter sumptæ, quæ sub Vicariō Italiæ erat, Mediolanum Metropolis dicebatur. Quod intelligendum est de sæculari iurisdictione, non de Ecclesiasticâ: neque enim aut Rauennæ, aut Aquileiæ Episcopi subiecti erant Mediolanensi. Neque vllum in Italiâ Episcopum reperies præter Romanum, qui Metropolitanos sub se haberet. Sed ratione habitâ magnitudinis Urbis illius, quàm celebrat Procopius lib. 2. de bello Gotrico, alijque; in qua & Imperatores ut plurimum commorabantur, & Vicarius ipse Italiæ residebat, caput Italiæ restrictius acceptæ, & Metropolis dicebatur. Ceteroquin Liguriæ caput censenda potius fuerat: idcircoque eius prouinciæ Thesaurus, &

Gynæcium Mediolani erat, vt colligitur ex Notitiâ Imperij, in quâ, *præpositus Thesaurorum Mediolanensium Liguria: & Procurator Gynacij Mediolanensis Liguria.* Duo illa officia, & Aquileia, Venetiæ caput habebat. Eadē Notitiâ: *præpositus Thesaurorum per Italiā Aquileia, & procurator Gynacij Aquileiensis Venetia inferioris.* Et tametsi fuisset Mediolanū Metropolis illarum prouinciarum, non ideo tamen necessariō consequebatur, earum omnium curam Ecclesiasticam pertinuisse ad Episcopum Mediolanensem. Neq; enim conueniebant in omnibus sæculares Magistratus, atque Ecclesiastici, vt superiori capite abundē docuimus. Mediolanensis, & Aquileiensis Ecclesia pari quodammodo passu ambulabant. Itaq; mos quodam tempore inualuit, vt earum se Episcopi inuicem ordinarent, c. pudenda, 24. q. 1. Non tamen id absque Romani Pontificis consensu, nempe (vt ibidem dicitur) quūm *pro longinquitate, vel difficultate itineris, ab Apostolico onerosum illi fuerat ordinari.* Igitur munus erat Apostolici, hoc est Romani Episcopi, ordinandi Metropolitæ in suâ speciali diœcesi (scilicet in toto Occidente) sicut & aliorum Patriarcharum in suâ. Verūm ob itinerum difficultatem, ac locorum interualla, præstantiori cuidam ex Metropolitanis vices suas tradens ceteris eum præficere consueuerat, quem & Primatis nomine insignibat, vt in Gallijs, & Hispanijs, alijsq; longinquis prouincijs factum legimus. Non tamen vt rebus omnibus Metropolitanos ipsdem Primatibus subijceret, quemadmodum ipsis Patriarchis sub-

sunt; sed *saluis priuilegijs* (vt aiebat Hormilda Pontifex ad S. Remigium Remorum Episcopum), *quæ Metro-*
politans decreuit antiquitas. Idem ad Salustum Hispan-
 lensem Episcopum: *Vices itaque nostras per Baticam Lu-*
sitaniamque provincias, saluis priuilegijs, quæ Metropolita-
nis decreuit antiquitas, præsentî tibi auctoritate committimus.
Ecce. Leo primus Anastasio Thessalonicensi Episco-
 po: sicut præcessores mei præcessoribus tuis; ita etiam ego di-
 lectioni tuæ, priorum sequutus exemplum, vices mei modera-
 minis delegavi, vt curam quam vniuersis Ecclesijs principali-
 ter ex diuina institutione debemus, imitator nostræ mansue-
 tudinis, effectus adiuuare, & longinquis ab Apostolica Sede
 prouincijs præsentiam quodâmodo nostræ visitationis impende-
 res. & infra; igitur secundum sanctorum patrum canones spiritu
 Dei conditos, & totius mundi reuerentia consecratos, Metro-
 politanos singularum prouinciarum Episcopos, quibus ex dele-
 gatione nostra fraternitatis tuæ cura pratenditur, ius traditæ
 sibi antiquitatis dignitatis intemeratum habere decernimus. Hu-
 iusmodi priuilegio videtur interdum fuisse decoratus
 Antistes Mediolanensis, quamuis non vsurpatâ Pri-
 matis appellatione: præsertim verò ex quo Ecclesiæ illi
 præfuit D. Ambr. Quamobrem & is Sirmiū perrexit ad
 creandum Metropolitam, vt in eius vitâ tradit Pauli-
 nus. Quod non ex propriæ Sedis auctoritate fecisse
 credendus est, vt existimauit Berterius, sed ex Roma-
 ni Pontificis delegatione. Neque enim aut Mediola-
 nensis, aut alius quispiam Metropoli plures sub se
 habebat prouincias. Ex eo intelligimus, in causâ Priscil-
 lianistarum

lianistarum delegatas à Romano Pontifice suas vices Præfuli Mediolanensi: quod pluribus demonstrat Baronius tomo 5. Annalium. Huc spectant, quæ traduntur in actis Concilij Toletani, & Taurinensis: ac quòd scriptum est in quinto canone eiusdem Taurinensis Concilij: *siquis ab eius (Fœlicis) communione se voluerit sequestrare, in nostræ sanctæ pacis consortium suscipiatur, iuxta litteras venerabilis memoriæ Ambrosij, vel Romanæ Ecclesiæ Sacerdotis dudum latas*: non intelligendum est, habitam fuisse rationem litterarum tam Ambrosij quàm Romani Pontificis, ut alterutri parendum, Concilium illud sibi constituisset. Sed particula, *vel*, declarandi vim eo loci obtinet, perinde quasi dixissent: *iuxta litteras Ambrosij, vel (ut verius dicamus) Romanæ Ecclesiæ Sacerdotis*, cuius nimirum nomine litteras Ambrosius scripserat, eius illâ in re vices sustinens. Nam quæ alioquin auctoritas Archiepiscopo Mediolanensi, ut ab eius præscripto discedendum neutiquam putarent Gallicani Patres, atque Hispanici? Id actum, ubi S. Ambrosius sequutus est Damasi præiudicium: quâ de re ita Seuerus Sulpicius lib. 2. sac. hist. *Priscillianista, ubi Romam peruenire, Damaso se purgare cupientes, ne in conspectum quidem eius admissi sunt: Regressi Mediolanum, æquæ aduersantem sibi Ambrosium reppererunt. Quod ait, æquæ aduersantem, intelligit, neque in conspectum Ambrosij admissos. Id tradit in Chronicis Idatius Lemicensis Episcopus, qui illâ etate vivebat, Priscillianus declinans in hæresim Gnosticorum, per Episcopos, quos sibi in*

eâdem prauitate collegerat, Abula Episcopus ordinatur. Qui aliquot Episcoporum Concilij interdictus, Italiam petiit, & Roman, vbi ne ad conspectum quidem sanctorum Episcoporum Damasi & Ambrosij receptus, cū his, cum quibus iuerat, redit ad Gallias. Is videtur mos fuisse hæreticis, vt quum Romæ impetrare nihil possent, Mediolanum pergerent, in amplissimam scilicet ciuitatem, vbi Imperatoris sedes erat; vt si eius Episcopo imponere quoquo modo potuissent, Principis quoque præsidium sibi compararent. Id fecisse legimus Iouinianum cum socijs: verum admonita à Siricio Papa Mediolanensis Ecclesia, eisdem damnauit, & expulit. Quod subdit Sulpicius de iisdem Priscillianistis: tum vertere consilia, vt qui à duobus Episcopis, quorum eâ tempestate summa auctoritas erat, non illuserant, largiendo, & ambiendo ab Imperatore cupita extorquerent. Quamquam dici possit, scriptorem hunc minus propriè loquutum, potius tamen censendum est, non de Pontificia potestate, quo ad Ambrosium pertinet, id extulisse: sed summæ auctoritatis Episcopum illum nominasse ob vitæ sanctitatem, ob doctrinæ, atque eloquentiæ præstantiam, ob eam, quâ plurimum valebat, gratiam, cū apud Damasum ipsum, tum apud Imperatorem. Vt enim Damasus dignitate præstabat, ita quorundam splendore virtutum magis coruscabat Ambrosius. Quò etiam referendum est quod legitur apud Paulinum, Reginam Marcomannorum Ambrosij famâ commotam, Christianisq; sacris initiatam, non ab Ecclesiarum capite Romano Pō-

tifice, sed ab ipso Ambrosio fidei formulam petijisse: eūdem quoq; voluisse inuicere; adeò virtutum eius famam late spargebatur. Animaduertendum etiam quod ait Sulpicius, EA TEMPESTATE, quibus verbis summam illam auctoritatem Ambrosio accommodat, non alijs pro tempore Mediolanensibus Episcopis: Quod de Damaso, & Romanis Præsulibus dici nequit. Non absimile est, quod de Rhetitio Augustodunensi Episcopo protulit D. Augustinus lib. 1. contra Iulianum Pelag. cap. 3. *Rhetitium ab Augustoduno Episcopum magnæ fuisse auctoritatis in Ecclesia tempore Episcopatus sui, gesta illa Ecclesiastica nobis indicant, quando in Vrbe Romana Melchiade Apostolicæ Sedis Episcopo sedente cum alijs iudex interfuit, Donatumque damnauit.* Itaque magnæ auctoritatis Ambrosius, non tam suæ Ecclesiæ prærogatiuâ, quàm virtutum, & doctrinæ merito. *Esi enim (vt aiebat S. Leo epist. 62.) diuersa nonnunquam sunt merita Præfulum, tamen iura permanent Sedium.* Nihil est igitur, cur tu, Anonyme, Mediolanensem Ecclesiam Apostolicæ Sedi conferas. Nam quòd tempora quòque ad tuam sententiam fulciendam leuiter tangis, quibus ruptâ sacramenti reuerentiâ subduxere se Mediolanenses Episcopi à Pontificis auctoritate, more tuo facis, vt qui Romano Pontifici infestus, Arrianis, ac Nouatianis patrocinium accommodasti, schismaticis quòque fauere videaris. Cæterùm Ambrosius ipse arguet te mentientem, qui quùm scripserit in Orat. in Satyrum: *percunctatus Episcopum est, si cum Epif-*

copis Catholicis, hoc est si cum Romana Ecclesia conuenirer, utique innuit, quænam Ecclesia ceterarum vertex censenda est, ut quæ cum illa non conueniat, catholica haberi nequeat. Cur enim non Mediolanensi potius Ecclesiæ id iuris tribuat? Quia nimirum inter membra suo capiti subiecta eam esse probè callebat, & Metropolitani se quidem norat, sed ex ijs, qui in speciali Romani Patriarchæ diocæsi sub eo constituti erant. Hoc ex ipsius epistolâ 78. facillè elicies. In Synodo Capuanâ anno Christi 389. delegata fuit Theophilo Episcopo Alexandrino causa inter Euagrium, & Flavianum, qui eodem tempore Ecclesiæ Antiochenæ electi erant Episcopi. Igitur Ambrosius Theophilum monet, uti suæ sententiæ auctoritatem adhibeat Pontificis Maximi. Verba epistolæ illa sunt inter cetera: sanè referendum arbitramur ad sanctum fratrem nostrum Romanæ Sacerdotem Ecclesiæ: quoniam præsumimus ea te iudicaturum, quæ etiam illi displicere nequeant. Ita enim erit consultum sententiæ, ita pacis, & quietis securitas, si id vestro statuatur Concilio, quod communioni nostræ dissensionem non afferat. Ut nos quoque accepta vestrorum serie statutorum, quum id gestum esse cognouerimus, quod Ecclesia Romana haud dubiè comprobauerit, lati fructum huiusmodi examinis adipiscamur. Quàm infeliciter actum cum Ecclesiâ Mediolanensi, quòd tu càm tempestate natus non sis; siquidem persuadere Ambrosio poteras, scriberet Theophilo, uti ad se referret, non ad Romanum Pontificem de controuersia illâ Antioche-

nâ: eadem enim iura sibi competere. Vide, quas nugagas; & cuius præter ea momenti censendum sit, quod innuis, à Patribus Africanis præter Romanum Pontificem consultum olim fuisse Simplicium Mediolanensem, de infantibus, quos Donatistæ baptizabant. quid ni enim sententiam exquirerent viri sapientissimi, magniq; in Ecclesiâ nominis? an non & hoc licuisset, etsi nō fuisset Episcopus? Sed non inficias imus, ex Metropolitanis Romanæ diœceseos præcipuū esse habitū Mediolanensem. Obseruat Gratianus in suo Decreto dist. 17. cap. ult. in subscriptione duorum Romanæ diœceseos Conciliorum sub Symmacho, Episcopum Mediolanensem præponi Rauennati; hincque colligitur eius sedis prærogatiuam. Addere poterat & tertium: nam in quintâ Synodo sub Symmacho post ipsum Papam Metropolitanani, qui tunc adérant, hoc ordine subscripti reperiuntur: *Calius Laurentius Episcopus sanctæ Mediolanensis Ecclesiæ: Petrus Episcopus Catholice Rauennatis sanctæ Ecclesiæ: Eulalius Episcopus Ecclesiæ Syracusanae.* Verùm non oportuit Gratianum hisce exemplis esse contentum ad regulam statuendam de dignitate Mediolanensis Ecclesiæ; etenim suspicari possumus, prælatum eo tempore Laurentium, quòd antiquior esset ceteris Metropolitanis. Nam in Patriarchalibus tantùm sedibus nulla habebatur ratio antiquioris Antistitis, sed suum cuiq; ius seruabatur, prout antiquitùs inductum fuerat. Inter Metropolitans verò sicut & inter Episcopos, antiquitas electionis at-

tendebatur. Itaque in alijs Synodis alios Archiepiscopos Mediolanensi prælatos videmus. In Romano Concilio, quod celebratum est præfidente Iulio Papa, Metropolitæ hoc ordine describuntur: *Benedictus Aquileiensis: Rufus Carthaginensis: Agapitus Râuennas: Iulius Mediolanensis.* In Concilio Aquileiensi sub Damaso, primo loco supra ceteros sedit *Valerianus Aquileiensis*, secundo *Ambrosius Mediolanensis.* In Concilio quodâ sub Sergio secundo, prior nominatur ab Anastasio Bibliothecario, *Gregorius Archiepiscopus Ecclesie Râuennensis*, deinde *Angelbertus Archiepiscopus Ecclesie Mediolanensis.* Constat profectò peramplam fuisse Mediolanensis Archiepiscopi prouinciam, utpote quæ protenderetur per Liguriam, Æmiliam, Venetiam, aliâq; regiones. Quod elicitur ex epistolâ 82. Diui Ambrosij ad Ecclesiam Vercellensem: *Confligor* (inquit) *dolore, quia Ecclesia Domini, quæ est in vobis, Sacerdotem adhuc non habet; ac sola nunc ex omnibus Liguria, atque Æmilie, Venetiarumque, vel ceteris finitimis Italiae partibus, huiusmodi eget officio, quod ex eâ aliæ sibi Ecclesia petere solebant. Et quod verecundius est, mihi adscribitur vestra intentio, quæ affert impedimentum. Nam quum sint in vobis dissensiones, quomodo possumus aliquid aut nos decernere, aut vos eligere? Scio fuisse, qui hanc epistolam suspectam haberet, quòd Venetias nominet. Verum, ut rectè monuit doctissimus Card. Bellarminus in libro de Scriptor. Ecclesiasticis, non Vrbs Venetiarum co loci intelligitur, sed Prouincia, quæ in superiorem,*

& inferiorem diuidebatur, ideo plurium numero appellari consueuerat. Paulus Vuarnefridus Diaconus lib. 2. hist. Longobar. *Veneria enim non solum in paucis insulis, quas nunc Venetias dicimus, constat; sed eius terminus à Pannoniæ finibus usque Adduam fluuium protelatur. Probatur hoc Annalibus libris in quibus Pergamus ciuitas esse legitur Venetiarum: nam & de lacu Benaco in historijs ita legimus: Benacus lacus Venetiarum, &c.* Vetus lapis Neapoli: M. MÆCIO. MEMMIO. FVRIO. BALBVRIO. CÆCILIANO. PLACIDO. C. V. PONTIFICI. MAIORI. AVGVRI. PVBLICO. P. R. QVIRITIVM. QVINDECIM. VIRO. SACRIS. FACIVNDIS. CORRECTORI. VENETIARVM. ET. HISTRIÆ. &c. Scribit etiam Anastasius Bibliothecarius in vitâ Hadriani; *Carolus Francorum Regem inter ceteras prouincias tradidisse Pontifici maximo vniuersum Exarchatum Rauennatum, sicut antiquitus erat, atque prouincias Venetiarum & Histriam, &c.* quæ propè verba legere quoque est apud Leonem Episcopum Hostiensem lib. 1. chron. Casin. cap. 9. dum loquitur de concessione à Pipino Rege filijsque Pontifici factâ. Atque hinc nomen suum plurium numero adepta est nobilissima Venetiarum ciuitas, quòd ex vtrâque Venetiâ, tam inferiore quàm superiore confluerint populi ad eam condendam, præsertim ex Patauio, Aquileiâ, & Altino. Porro non eo pacto loquutus fuisset Ambrosius, nisi Episcopos habuisset sibi subiectos ex omnibus illis Prouincijs.

Suberat illi ex Venetiâ Episcopus Veronensis, quod colligitur ex eius ep. 64. & 65. ex Æmiliâ Faentinus, quod in Ambrosij vita Paulinus innuit: Forocorneliensis, quod patet ex eiusdem Ambrosij epistolâ 44. Bononiensis, quod præter Paulinum ex pluribus Ambrosij locis elicitur, & fatetur Sigonius in libro de Episcopis Bononiensibus. Porro in epistolâ Eusebij Mediolanensis Episcopi ad Leonem primum Papam subscriptos videmus inter suffraganeos Episcopos Regiensem, Placentinum, Taurinatem, Iporiensem, Augustanum, Curientem primæ Rhetix. Eâ de causâ videbatur Mediolanensis Antistes inter Italos Metropolitanos Romano Patriarchæ subiectos primas quodammodo tenere. At Io. Candidus in commentarijs Aquileiensibus lib. 4. Epistolam recitat Leonis Papæ Octavi ad Rodoaldum Patriarcham Aquileiensem, quâ statuit, vt inter omnes Italicas Ecclesiarum Sedes, prima sit post Romanam Aquileiensis, asserens idem priuilegium à Petro Apostolo S. Hermagoræ Aquileiensi Episcopo fuisse concessum. At si vniuersam diocesim respiciamus, id potius tribuendum videtur Carthaginensi Metropolitæ. Leo novus epist. 3. *Noueris ergo procul dubio, quia post Romanum Pontificem primus Archiepiscopus, & totius Africa Metropolitanus est Carthaginensis Episcopus.* Nisi quis ad Africanas solum regiones hæc referre velit. Videmus profectò in Synodo sub Iulio habitâ Carthaginensem descriptum post Aquileiensem. Constat tamen sub Cle-

mente

mente secundo ortum fuisse dissidium de cessione inter tres illos Metropolitans Aquileientem, Rauennatem, Mediolanensem: ac pro Rauennate pronunciatum fertur, qua de re Sigonius lib. 8. de Regno Italiae, & Hieronymus Rubeus in Hiltor. Rauennate.

Compertum iam nobis est, eos qui à Romano Pontifice aliquid petebant, alijs quoq; Episcopis eius dioceseos scribere consueuisse, quos nimirum sciebant in consilium ab ipso adhiberi solitos. Iulius Papa in epistola ad Eusebianos apud Athanasium Apol. 2. ὅτι εἰ καὶ μέγιστος ἐχθρὰ, ἀλλ' οὐκ ἐμὴ μὲν ἐστὶν αὐτῇ ἡ γνώμη, ἀλλὰ τὸ πάντων τῶν καὶ τῶν Ἰταλίας καὶ τῶν ἐν ταῖς τοῖς μέρεσιν ἐπισχέπων. *Tametsi solus sum qui scripsi, non mea tamen solius sententia est, sed omnium fialorum, omniumq; his in regionibus Episcoporum.* Ideo D. Basilius quo tempore malè audiebat apud Pontificem maximum, ad quosdam Occidentales Episcopos litteras dedit, quibus litteris conciliare illos cum ipsorum capite sibi studebat. In ijs hæc leguntur præter cætera: Ἐπεὶ κεφαλὴν ἑαυτοῦ τῆς καθολικῆς ἐκκλησίας λογίζεσθε, καὶ δύναται ἡ κεφαλὴ εἰπεῖν τοῖς ποσὶ, χρεῖας ἡμῶν οὐκ ἔχω. Ἐπεὶ δὲ ἐν ἄλλῃ ταύτῃ τῇ ἐκκλησιαστικῇ μελῶν ἑαυτοῦ τιθεσθε, καὶ δύνασθε λέγειν τοῖς ἐν ταῷ αὐτοῦ σώματι ταπεινοῖς ἡμῶν, το χρεῖας ἡμῶν οὐκ ἔχομεν. *Sive caput vos ipsos vniuersalis Ecclesiæ reputatis, non potest pedibus dicere caput, nō est mihi opus vobis. Sive in reliquijs vos Ecclesiasticorum membrorum ordinem locatis, non potestis nobis dicere, qui in eodem vobiscum corpore cōstituti sumus, non estis nobis necessarij.* Videtur caput appellare Ecclesiæ Occidentalis Episcopos, quatenus diocesim

efficiebant Romani Pontificis. Singulos autem considerans inter cætera Ecclesiæ membra collocat. Erant qui præter ipsum Pontificem præcipuis tantum eius Metropolitanis scriberent; quemadmodum fecisse D. Io. Chrysostomum legimus apud Palladium in dialog. Siquidem certiores reddidit de suâ ab Episcopatu extrusione tum Innocentium Papam, tum Venerium Mediolanensem, & Chromatium Aquileiensem Episcopos. Porro legati ex Concilio Lampfaceno Orientalium Arianorum, ubi Romæ fidei professionem coram Liberio edidissent iuxta præscriptum Nicenæ Synodi, idem præstiterunt (ut scribit Socrates) in totâ ferè diocæsi Romanâ, atq; eius rei litteras secum tulerunt ab Episcopis Italiæ, Siciliæ, Galliæ, atq; Africæ. Nimirum ut si quid noui postea emerisset, haberent eisdem Episcopos testes, atq; adiutores apud summum Pontificem. Ac tum quidem præcepit Liberius suis litteris (quarum meminit D. Basilus Epist. 54.) ut ij, qui eiekti suis è sedibus fuerant, in easdem restituerentur, quæ res euentum sortita est. At tu putas ne Anonymæ, aut Mediolanensem Episcopum, aut alium ex ijs, quos legati conuenerant, id sibi iuris sumpsisse? aut si ausi hoc essent, reperisse, qui sibi parerent? non iam hoc dixeris, aut cogitaueris, si quid solidæ, si quid sanæ mentis tibi est. Eutyches etiam Constantinopolitanus presbyter, & archimandrita, de controuersia fidei Constantinopoli exortâ non tantum scripsit ad summum Pontificem, quem etiam dicebat se appellasse,

verum & ad alios Italos Episcopos. Quid tamen ij rescripserunt? audi Petrum Episcopum Rauennatem: *In omnibus autem hortamur te pater honorabilis, ut his, quæ à Beatissimo Papa Romana Ciuitatis scripta sunt, obedienter attendas, quoniam beatus Petrus, qui in propria sede & viuit, & præsidet, præstat quærentibus fidei veritatem. Nos enim pro studio pacis, & fidei, extra consensum Romanæ ciuitatis Episcopi causas fidei audire non possumus. Quod fieri antiquitus consueuerat cum Episcopis Romanæ diœceleos, præsertim cum Italis, quos sæpius Romanus Pontifex arcessebat ad deliberandum de totius Christianæ Reipublicæ negotijs, hodieq; fit cum Cardinalibus, hoc est cum sex Episcopis Papæ adstantibus, & cum primoribus Presbyteris ac Diaconis Romanæ Ecclesiæ, quorum ipse Pontifex consilio vtitur. Cõpertum facillè habere potes, Gallorum Regem aliõsque Principes, quum legatos suos Romam mittunt, non ad Pontificem solùm dare litteras, sed & ad Cardinales. Hi enim successerunt Pontificis consiliarij in locum Episcoporum Occidentis. Atque hic ipse dies, quò hæc scribo, (quo etiam Natalis celebratur creationis summi optimiq; Pontificis Pauli V. coacto Cardinalium senatu non tantum ad sacra solemniter faciendâ, sed & vt gratulationis officio de more fungantur,) in mentem reuocat, fieri hæc olim consueuisse ab Episcopis, qui eâ de causa Romam conueniebant. Sixtus Pontifex in epistolâ ad Cyrillum Episcopum Alexandrinum anno Christi 433. *Ad beatum Apostolum Petrum**

fraternitas uniuersa conuenit : ecce auditorium congruens, auditoribus conueniens audiendis. Habuerunt cœpiscopi nostri illum gratulationis testem, quem habemus honoris exordium. Sancta namq; & venerabili Synodo, quam Natalis mihi dies fauente domino congregarat, quia sic credendum est, ipse praesedit &c. & in Epistolâ ad Io. Episcopum Antiochenum : audiuit uniuersa fraternitas, quæ ad Natalis mei conuenerat diem, qualiter bono humani generis Apostolica sedis me praeside gratulentur, &c. Hilarius Papa in Epistolâ ad Episcopos Tarraconensis prouinciæ : lectis ergo in conuentu fratrum, quos Natalis mei festiuitas congregarat litteris vestris &c. Ea festiuitas inter tolemnia connumerabatur, veluti illa indicant, quæ profert Anastasius Bibliothecarius in vitâ Hadriani primi : Denique eius beatitudo fecit & farum maiorem in eadem beati Petri Ecclesia in typum crucis, qui pendet ante presbyterium, habentem candelas mille trecentas, & septuaginta. Et constituit ut quatuor vicibus in anno ipsum farum accenderent, id est in Natiuitate Domini, in Pascha, in Natali Apostolorum, & in Natali Pontificis.

CAPVT QVARTVM.

ALIA INTERPRETATIO NICÆ-
ni Canonis sexti. Anonymus in explicandis verbis Conc.
Chalcedonensis fallitur, & fallit. De particula Et. Ex
Nicano Canone id minimè elici, quod Anonymus putat.
Quadruplici ratione consideratus Rom. Pontifex. De more
antiquo. Maiorem fuisse Episcopi Alexandrini diœcesim,
quàm Præfècturam Augustalem. Pentapolis à Præfèctu-
râ Ægypti separata. Qua in re præfides Ecclesiæ cum
secularibus conuenirent. Vetus Ecclesiæ conuetudo quan-
ti facienda. Emaculatus Concilij Ephesini insignis locus:
Siciliæ provincia in diœcesi Romanâ.



*V*Æ mea sit de sexto Canone Concilij Ni-
 cæni sententia, iam exposui. Ea neq; à Ru-
 fino dilcrepat, neq; à te; si Rufinum rectè
 capias: si te doceri linas, quænam fuerit pe-
 culiaris Romani Patriarchæ diœcesis. Dabit tamen be-
 neuolus lector hanc mihi veniam, ut & aliam interpre-
 tationem, quæ dudû adolefcenti venit in mentem mihi,
 apponam. Ait Canon: *Antiqui mores, obtineant, qui*
sunt in Ægypto, & Libyâ, & Pentapoli, ut Alexandrinus
Episcopus horum omnium habeat potestatem, nam ea quoq; est
Romano Episcopo consuetudo. Putabam ego hoc fermè vo-

luisse Nicænos patres: *Id seruetur in vniuersa Alexandrina diœcesi, quod ex antiqua consuetudine inductum est, nam & ipsi Romano Episcopo mos est id probare, quod ex vetere usu in Ecclesia inualuit.* Perinde atq; voluisset Concilium in eo Canone sanciendo normam sibi ex eo proponere, quod Romanus Pontifex consueuisset. Exploratum enim ijs Patribus erat, Romanam Ecclesiam seruantissimam esse veterum institutorum. D. Leo epist. 79. ad Dioscorum Episcopum Alexandrinum, dum loquitur de presbyterorum ordinatione missarumq; celebratione in solemnibus festiuitatibus: *Studiosè ergo dilectionem tuam, & familiariter admonemus, ut quod nostra consuetudini ex forma paternæ traditionis insedit, tua quoq; cura non negligat, ac per omnia nobis & fide & actibus congruamus.* Neq; mirum, si veteris consuetudinis exemplum desumendum proponeretur ex Romanâ Ecclesiâ, etenim, ut aiebat Rufinus in expositione symboli, *in Ecclesia Urbis Romanæ neq; hæresis vlla sumpsit exordium, & mos ibi seruatur antiquus.* Sed & hodie quanto studio antiquas traditiones asserit? qua de re bellum acrius geritur cum sectarijs? Neque nouum est, ut Synodi ea sibi statuenda proponerent, quæ probari norant à Pontifice maximo. Patres Ephesini Concilij an non professi sunt, sententiam se esse sequutos, & regulam à Cœlestino Papâ præscriptam in damnando Nestorio? τὸν πύριον (aiebat inter cætera Firmus Cæsareæ Cappadociæ Episcopus) ἐξ ἐπιβάσταριον, κατονικῶς καὶ ἀποστολικῶς αὐτῶν καὶ τῶν ἁγίων, *formam illam excursions mandauimus Cano-*

nicum, Apostolicumq; iudicium in illum proferentes. Non ab-
 similia videre est in Concilio Chalcedonensi, aliisque.
 Atq; hac quidem ratione interpretabar olim Nicænum
 canonem, quum (vt verum fatear) acquiescere non om-
 nino possem doctissimorum hominum opinioni, exi-
 stimantium, ideò à Concilio id fuisse statutum de po-
 testate Alexandrini Episcopi, quia consueuisset Roma-
 nus Pontifex regimen eidem permittere illarum pro-
 uinciarum. Verum assensum postea facile præbui in-
 terpretationi, quam superiori capite firmaui: agi nimi-
 rum eo canone de modis Patriarchatum, ac proinde
 de speciali diœcesi Romanâ; quum præsertim viderem,
 non alio pacto intellexisse Patres secundæ Synodi Ni-
 cænæ, qui Canone 17. sic loquuntur: *sancta & vniuersa-
 lis Nicæna prima Synodus antiquam consuetudinem iubet
 seruari per Ægyptum, & provincias, quæ ab ipsa sunt, ita
 ut horum omnium Alexandrinus Episcopus habeat potesta-
 tem, dicens quia & in Romanorum ciuitate huiusmodi mos
 præualuit, &c.*

Renuistu Romanorum Præsulum quantumuis fan-
 titate per illustrium, ipsiusque Paschasini Episcopi
 testimonium in Chalcedonensi Concilio tanquam
 de domo, & de sinu proprio prolatum, dum sextum
 canonem Nicænum recitaret cum eo (vt ais) addita-
 mento, *Ecclesia Romana semper habuit primatum*, quia
 nimirum erat Paschasinus Pontificis Romani Legatus.
 Addis etiam impudentissimè, à Concilio repudiatum
palam, & aperte. Quid nunc igitur verba profers huiusce

repudiationis? Quibus iudicij vsus est, atque oculorum, secus procul dubio videtur ex interlocutione iudicum, qui in eo Concilio erant. Eorum verba sic habent: ἐκ τῆς πεπραγμένων, καὶ ἐκ τῆς ἐκάστης κατὰ τίπως συννοήσαντες, καὶ τῶν πρῶτων μὲν παλαιότερα, καὶ τῶν ὀψιγενέτων πρῶτα, καὶ τὰς κατόπιν τῶν τῆς προεσφύδης Ρώμης θεοφιλεστάτων ἀρχιεπισκοπῶν φυλαττέσθαι, ex his, quæ gesta sunt, & ab unoquoque deposita, perpendimus, ante omnia quidem primatum præcipuumque honorem secundum canones antiquæ Romæ Dei amantissimo Archiepiscopo conservari, &c. Apparet igitur habitam fuisse rationem eorum verborum, quibus ex Nicænâ Synodo primatus Romanæ Sedis insinuat. Quæ quidem verba non dubito quin ex actis ipsis Nicæni Concilij fuerint desumpta, eo videlicet loci, ubi causa excussa fuerat Meletij Lycopolitani Episcopi, quæ ansam fortasse dedit firmandi vetera Ecclesiarum priuilegia. Alienum verò, atque absconum est, quod addis: *mos hic & alibi Baronio in Concilijs prolata pro probatis statim siue palam, siue tacite, interpretandi. Qua certè Baronij lege nulla non iam hæresis Concilij nixa deprehenditur.* Nam quum hæreses in Concilijs proferuntur, iam non silent Patres, sed unanimi calculo damnant, idque apertis verbis, & magnis interdum clamoribus. At particula illa de primatu Romanæ Ecclesiæ à legato Pontificio laudata, quamvis iudicum assensum interlocutione præstitum non habuisset, dum neminem reperisset aduersantem, an non sat comprobata silentio censetur? *sed ab uniuerſa Synodo (inquis) nulla istius προαγωγῆς ratio*

tione habitâ Constantinopolitani Episcopi priuilegia nihilominus confirmata fuere. non ita est, mi homo. non illâ *περὶ αὐτῆς* (quemadmodum tu appellas) nitebantur legati Pontificij ad ea improbanda, quæ se inconsultis atque absentibus decreta fuisse acceperant, sed aliis potius verbis Nicæni Canonis, quibus statuitur, vt vetera Ecclesiarum priuilegia seruentur, quod violatum ibant Calchedonenses Patres. Fac igitur particulam illam abesse, quæ adeò te excruciat, num ideo iniuria non fiebat Nicænæ sententiæ? Tu si agere bona fide nesses, ac ni ad veritatis lumen cæcutires, fatereris vtique, Patres illos nihil huiusmodi sensisse, quod tu sentis de Primatu Romani Pontificis; nec, tametsi non acquieuerunt legatis contra nitentibus, fuisse tamen illos veritos, quin opus foret eâ in re ipsius Pontificis assensione, quam se se impetraturos tandem sperabant. Excute synodalem illorum epistolam, & manum dabis, ni pertinax in tuum caput esse mauis. Vbi enim Leonem Papam certiore de iis fecissent, quæ in Concilio gesta erant ad fidem spectantia, mox subdunt de priuilegio Constantinopolitanæ Ecclesiæ decreto, quò se necessariò perductos asserunt, vt quieti consulere prouinciarum Asianæ, Ponticæ, & Thraciæ, quarum Metropolis ex longo iam tempore consueuerat Episcopus Constantinopolitanus ordinare; obsequentes etiam Imperatoribus, Senatui, atque vniuersæ Vrbi. *παισιμαίον* (addunt) *ὡς τῆς ἀποστολικῆς παρ' ὑμῖν κρατύσης ἀκτίνος, καὶ ὅτι τὸ ἐν Κωνσταντινῇ πόλει ἐκκλησίαν, σπουδῆς κηδύ-*

ἡμεῖς, πολλάκις ἑωτέω ἠπλώσατε, ἀλλ' τὸ ἀφ' ὅτου ἡμεῖς
 χεῖν ὑμῖν τιλὸν ἢ οἰκείων ἀγαθῶν πρὸς τοὺς γνησίους μεταδόναι,
 nobis persuadentes, quòd emicante apud vos Apostolico ra-
 dio, illo ipso ex sollicitudinis vestrae more Constantinopolita-
 nam Ecclesiam saepe pertingitis, etenim bonorum vestrorum
 participes ubertim facere domesticos, ac propinquos vestros
 consuevistis. exculant praeterea, quia legatis morem non
 gessissent: οἱ γὰρ τὸν τόπον τῆς ὑμετέρας ἀγιότητος ἐπέχοντες
 οἰκῶντες ἐπίσκοποι Πασχαῖνος καὶ Λακλιώσιος, καὶ ὁ σιὸν αἰετὶς
 θεοφιλέστατος πρεσβύτερος Βονιφάσιος, τοῖς οὕτω τυπωθεῖσι σφο-
 δρῶς ἀντιπεῖν ἐπιτρέψιστον, πρῶτως ἀπὸ τῆς ὑμετέρας ἀρετῆς
 καὶ τοῦ ὅτι καλὸν πατριᾶς κατάρθωμα, qui enim locum
 vestrae sanctitatis obtinent sanctissimi Episcopi Paschasinus,
 & Lucențius, & qui cum eis est Dei amantissimus presbyter
 Bonifacius, his ita constitutis vehementer resistere tentaue-
 runt, volentes procul dubio à vestra providentia & hoc bo-
 num inchoari, ut sicut fidei, sic bonae ordinationis vobis de-
 putetur effectus. Non ibo per singula, ne legentium
 abutar patientiâ. epistola illa Synodalis illustri loco
 est posita. qui totam percurrere non grauebitur, ha-
 bebunt unde etiam magis arguat inuerecundiam, qua
 pronunciare ausus es, testimonium illud à legatis
 Pontificiis allatum de falso fuisse conuictum. Non
 potuere tamen ij Patres, non Imperatorum auctoritas
 Pontificem permouere, ut calculum adiceret eorum
 decreto: quippe veteres consuetudines conuelli, & Ni-
 canos Canones labefactari, pati non poterat. Quin
 se demum vinci passi sunt, cum Imperator Marcia-

nus, tum ipse Anatolius episcopus. Rem Gelasius Papa enarrat in Epistolâ ad Dardanos iis verbis : *si sibi de Imperatoris præsencia blandiuntur, & inde putant Constantinopolitanæ Ciuitatis Episcopi potiore fieri posse personam, audiant Marcianum eiusdem Principem Ciuitatis, posteaquam pro augmento Urbis, ipsius Sacerdotij intercessor accedens obtinere nihil potuit, sanctæ memoriæ Papam Leonem summis laudibus prosequutum, quod Canonum regulas violari nulla fuerit ratione perpeffus. audiant Anatolium eiusdem sedis Antistitem, clerum potius Constantinopolitanum, quàm se tentasse talia confitentem, atque in Apostolici præfatis totum dicentem possum potestate.* Postea tamen Constantinopolitani Antistites Imperatorum auctoritate, ac potentiâ freti omnem mouerunt lapidem, vt honorem illum suæ sedi adipiscerentur. iraque & impensè cauerunt, ne ab eâ possessione, in quam se intruserant, deciderent, & postmodum Callinicus Canonem 36 eâ de re fieri curauit in pseudosynodo Trullanâ. Sentiebant enim, malè fultam illam prærogatiuam, cui Romani Pontificis consensus decisset, quem serò tandem extorserunt.

Sed quid est, quod tu acutissimus Grammaticorum disputas de particula E T ? intorques $\lambda\epsilon\pi\tau\acute{o}\nu$ illud KAI in Romanum Pontificem tanquam telum, quod auerti scilicet ægrè possit. Ex Concilij Nicæni ratiocinatione iis verbis prolatâ $\epsilon\pi\iota\sigma\tau\acute{o}\rho\epsilon\upsilon\varsigma\ \kappa\alpha\iota\ \pi\acute{\alpha}\varsigma\ \epsilon\iota\varsigma\ \tau\eta\ \rho\acute{o}\mu\eta\ \epsilon\pi\iota\sigma\kappa\omicron\upsilon\pi\omicron\varsigma$, redigi ais in ordinem Romanum Episcopum, atque ad parem cum alijs deduci potestatem. Mirum

sanè mysterium aperis, cuius penetralia tibi vni patebant: profanum vulgus procul arcebatur. Atqui ego (quoniam necesse mihi est tecum *λεωτολογειν*) didiceram particulam ET, quùm idem significat quod ET I AM, aut QVOQVE, *superlativam* dici à Diomede, vinq; habere quodammodo amplificandi. proinde quum ait Christus: *quodcunque ligaueris super terram, erit ligatum ET in calis*, illud significari putabam, ut sacerdotale iudicium diuinâ sententiâ ratum fieret. At tua isthæc noua doctrina, humanis diuina haudquam præstare demonstrat, sed cælum ipsum interram detrahit ingenti vi minutæ vocolæ: quod non datum diis Homericis incassum laborantibus aureâ catenâ Iouem deducere. Enim verò (si te audimus) efficere homines possunt, ne misericordiâ, & benignitate Deus potior censeatur, quia aiebat Christus Luc. 6. *estote misericordes sicut ET pater vester misericors est*. Sed neque præstantiâ illâ suâ numeris omnibus absolutâ antestabit, quia Matth. 5. scriptum est: *estote ergo vos perfecti, sicut ET pater vester celestis perfectus est*: Neque excellentiori quadam ratione intelligenda erit diuinarum personarum vnitas, quàm sit Christianorum, si quidem ita Christus Deum patrem alloquebatur Ioan. 17. *Et ego claritatem, quam tu dedisti mihi, dedi eis, ut sint vnum, sicut ET nos vnum sumus*. Vide quibus ineptiiste inuoluis: ac sanè nisi intelligis in Euangelicis istis locis tanquam exemplum proponi Deum, quem homines imitentur, quoad eius fieri potest, non

ut ad diuinam præstantiam omnino assequendam villo
pacto aspirent, ad affines, & propinquos mittendus es.
Simili propè modo, quùm in Nicæno canone Romani
Episcopi consuetudo in suâ peculiari Diœcesi cæteris
imitanda proponitur, non ille ideo cogitur in ordi-
nem, aut esse definit totius Ecclesiæ præses. Ut propter-
eà rectissimè dixerit Berterius, *nihil de summâ hic aucto-
ritate, totiusque Ecclesiæ procuratione detrahi.* quem tu ta-
men irrides, tertium Catonem de cælo elapsum appel-
lans, homo risu non magis, quàm miseratione dignus.
Censes, rem illi fuisse incognitam, quæ Canoni san-
ciendo caulam dedit. Ea fuisse videtur, quia Meletius
Lycopolitanus Episcopus in Diœcesi Alexandrinâ
Episcopos ordinauerat: cognouit synodus iniuriam
factam Alexandrino Episcopo: antiqua ipsius iura fir-
mauit per vniuersam Diœcesim, sicut & ceterarum Ec-
clesiarum, exemplo proposito Episcopi Romani; quia
nimirum antiquum regimen tuebatur Romanus in pe-
culiari suâ Diœcesi, nec (quamuis amplissima foret)
turbari à quoquam sua iura sinebat. Cur inde conse-
quatur, quod tu contendis, ego sanè non video. Rem
alio exemplo clariorem faciamus. Finge à Tyrensi Me-
tropolitano clericum fuisse ordinatum Tarsensis pro-
uinciæ, siue etiam Episcopum: coactâ Synodo Antio-
chenæ Diœceseos, & causâ cognitâ, decretum in hæc
verba conceptum esse: *Vetus mos obtineat, ut Tarsensis
Episcopus in vniuersa sua Prouincia potestatem habeat, nam
& Antiocheno Episcopo ille mos est. idem seruetur in Edeffe.*

na, *Apamiensi, alijsque*. Iam vides, non esse isthæc dissimilia à canone Nicæno. quæro de te igitur, si ita, vti finximus, hæc vsu venissent, nûm exemplum allatum Antiocheni Episcopi eidem officeret, quominus præter regimen peculiaris suæ provinciæ, potestatem haberet in vniuersa suâ diœcesi? quominus constitutus intelligeretur supra Metropolitanos Tarsensem, Tyrensem, Edessenum, ceteros? Non tu hoc dixeris, si quid tibi mentis. Cur ergò in te simili adeo iniquus es Pontifici Maximo, vt quo te Deus ingenio donauit, id apertis erroribus implicari sinas, tèque deridendum præbeas cum exultationis notâ, & quod magis est, cum æternæ salutis iactura?

Non piget de integro inculcare, quod supra monui, quadruplici ratione considerari posse Pontificem Maximum, siue tamquam Episcopum, qui suam urbem habeat, Romam nimirum, cui non alius præest Episcopus: siue tamquam Archiepiscopum, qui propriam obtineat provinciam, cuius Episcopos recensitos vides in Codice Prouinciali: siue vt Patriarcham, cui propria sit diœcesis, in qua plures Metropolitæ, veluti Antiocheno in sua, Alexandrino in sua: siue tamquam Papam, summumque rei Christianæ Antistitem, qui supra ipsos Patriarchas à Deo sit constitutus, ideoque *Patriarcharum Episcopus* à Cassiodoro dicitur lib. 9. var. epist. 15. cuius auctoritas nullis coërceatur limitibus. Proinde si Episcopis lex detur, vt suis in Vrbibus, & parœcijs cletum regant, quemadmodum

regi vident à Romano Episcopo in sua Vrbe; si Archiepiscopis, vt in moderandis suis prouinciis exemplar sibi proponant Romanum Archiepiscopum: si Patriarchis, vt Romanum Patriarcham sequantur in tuendis suarum diœceson iuribus, non ideò efficietur, quin sit Romanus & inter Episcopos Archiepiscopus, & inter Archiepiscopos Patriarcha, & inter Patriarchas supremus omnium Pontifex, & vniuersæ Ecclesiæ moderator. Ea propter vbi Hincmarus Remensis Metropoli specialē Romani Patriarchæ diœcesim nominat, procurationem ei quoque vniuersæ Ecclesiæ datam esse non obscurè pronunciat. Integrum locum ex sextâ eius Epistolâ est operæ hic adscribere, quia tu studiosè detruncatum attulisti initio secundæ Dissertationis. *Et quia (inquit) sancta Romana Ecclesia, cui sollicitudo omnium Ecclesiarum in B. Petro principē Apostolorum est commissā, plures Metropolitanos in speciali suâ Diœcesi habet, sicut S. Leo apud Anastasium Thessalonicensem Episcopum monstrat. similiter & Alexandrina Ecclesia in suâ Diœcesi. Sed & Antiochena sedes nonnullos Metropolitanos in sua Diœcesi habet, &c.* Non est igitur, cur aut tu existimes, Canonem Nicænum quicquam officere supremæ Romani Pontificis in Ecclesiis omnes auctoritati, aut timeant alij, ne detrahatur quicquam de summâ illâ procuratione, quum specialis Diœcesis in exemplum adducitur. Id enim est quod aiebat Nicolaus I. in epistolâ ad Michaëlem Imperat. *Si instituta Nicenæ Synodi diligenter inspiciantur, inuenie-*

tur profectò, quia Romana Ecclesia nullum eadem Synodus consulit incrementum: sed potius ex eius forma, quod Alexandrina Ecclesiæ tribueret, particulariter sumpsit exemplum.

Finem huic capiti imponebam, sed tu veluti apprehensa lacinia me retrahis, ut ne intractum præteream, quod differis de MORE ANTIQVO. Si mos antiquus tuebatur Diœcesim Alexandrinam, ergo & Romanam, quæ in exemplum affertur. ita habet tuum argumentum. possem ego vitiosam collectionem notare, sed non lubet in leuioribus hisce tricis hærere. Id tibi igitur do non inuitus. quid inde consequitur? Hoc Canonè clarè distinguuntur Diœceses, Alexandrina, & Antiochena à Romanâ clarè distinguuntur. iam perge. *MODVS* proinde, & amplitudo consueta, seu solitæ Diœceseos Episcopi Alexandrini hoc canone firmatur, exemplo à *MODO* Romana Diœceseos petito. hîc etiam liberalem me experieris. omnia largior. Modi, & limites earum Diœceseon alter cum Urbana, alter cum Ægyptiaca Præfectura conueniebant. hoc verò pernego. De Romana Diœcesi res est perspicua. atque ut multis iam demonstraui, pluribus tamen infrâ euincendum superest. De Alexandrina nunc videamus. Nicænus Canon tres illas prouincias, Ægyptum, Libyam, & Pentapolim diserte tribuit Episcopo Alexandrino, quas innuit ex antiquo tempore fuisse illi subditas. Ideo Patres eiusdem Concilij in Epistola ad Ecclesiam Alexandrinam apud Gelasium Cyzicenum, & Theodorum

doriturum lib. 1. cap. 9. hoc pacto scribunt. ἡ Ἀλεξανδρεῖα ἐκκλησία καὶ πῆς καὶ Αἰγυπτῶν, Λιβύων καὶ Πενταπόλεως ἀδελφοῖς, *Alexandrina Ecclesia, & dilectis fratribus Aegyptum, Libyam, & Pentapolim incolentibus.* Ergo Pentapolis subiacebat id temporis Episcopo Alexandrino. Videndum an & Præfecto Augustali? & quidem non paret. Præfecturæ limites designasse Theodorus videtur lib. 1. cap. 2. iis verbis. Ἀλεξανδρεῖα πόλις ὅτι μάλιστα καὶ πολλὰ ἄθροπος, οὐκ Αἰγυπτίων μόνον, ἀλλὰ καὶ Θεβαίων, καὶ Λιβύων καὶ πρὸς Αἰγυπτῶν τελευτήσας πεπεσσυμένη. *Alexandria urbs est amplissima, & populi multitudine referta, nec Aegypti solùm, verùm etiam Thebaidis, & Libya, quæ Aegypto adiacent, principatum obtinens.* Hic Aegyptus angustius accipitur, pro ea scilicet parte, quæ Delta dicebatur, & à quibusdam Aegyptus inferior, nam superior Aegyptus Thebais erat. comprehendebanturque ab utraque duæ illæ regiones, quæ Augustamnica, & Arcadia postea dictæ sunt. Quamobrem in Nicæno Canone sub Aegypti nomine, tam inferior, quam superior, hoc est tam Delta, quàm Thebais intelliguntur. Sed & in re Ecclesiastica disiunctim interdum positæ sunt. apud Athanasium Apologiam secundam Synodus Diocæseos Alexandrinæ ita indigetatur. ἡ ἀρχαὶ σινωδος ἡ ἐν Ἀλεξανδρείᾳ σινωχρεῖστα, ὅπου τε τῆς Αἰγυπτῶν, καὶ Θεβαίδος, καὶ Λιβύης, καὶ Πενταπόλεως. *Sancta Synodus Alexandriae congregata ex Aegypto, Thebaide, Libya & Pentapoli.* Sed plerumque Aegypti nomen utramque complectitur. Idcirco epistola Zenonis Imperatoris ad Diocesium

Alexandrinā, quam Euagrius recitat lib. 3. cap. 14 sic inscripta legitur τοῖς καὶ Ἀλεξανδρείᾳ, καὶ Αἴγυπτον, καὶ Λιβύην, καὶ Πενταπόλιν, ὁμοῦ μετὰ τοῖς ἐπισκοπικοῖς καὶ κληρικαῖς, καὶ μοναχοῖς, καὶ λαϊκοῖς. Reuerendissimis Alexandria Ægypti, Libyæ, & Pentapolis Episcopis, Clericis, Monachis, & laicis. Pertinuissc & Thebaidem Episcopo Alexandrino dubium non est. nosti quæ accidere Melerio Episcopo Lycopolitano in prouinciâ Thebaide, qui à Petro Alexandrino abdicatus Episcopatu fuit, qua de re Socrates lib. 1. ca. 3. Theodorus lib. 1. cap. 11. & Epiphanius Hæresi 68. qui hæc habet inter cætera. τίπο γὰρ ἐστὶν ὅτι τὸν ἐν τῇ Ἀλεξανδρείᾳ Ἀρχιεπίσκοπον πάσης τε Αἰγύπτου, καὶ Θηβαίδος, Μαριαύτου τε καὶ Λιβύης Ἀμμωνιακῆς, Μαριαυτίδος τε καὶ Πενταπόλεως, ἔχει τὴν ἐκκλησιαστικὴν διοίκησιν. Hic enim mos obtinet, ut Alexandria Archiepiscopus totius Ægypti, ac Thebaidos, Maræotæque ac Libyæ Ammoniacæ, Maræotidisque & Pentapolis Ecclesiasticam habeat administrationem. quibus ex verbis à Berterio primùm. mox & à te laudatis palàm fit, latiùs se protendissc Patriarchalem illam Diœcesim, quod & significare videtur catalogus Episcoporum, qui Nicæna decreta Ecclesiæ miserunt sibi subiectis. Extat apud Gelasium Cyzicenum lib. 2. vbi de Alexandrino Patriarchâ hæc leguntur. Ἀλεξάνδρος Ἀλεξανδρείας, σὺν Ἀθανασίῳ τότε Ἀρχιδιάκονῳ ὅτι, ταῖς κατ' Αἴγυπτον πάσῃ, καὶ Λιβύην, καὶ Πενταπόλιν, καὶ τὰ ὁμοῦ μετὰ τοῖς, ἕως ἥντινός τῆς Ἰνδίας ἐπέχουσιν. Alexander Alexandrie, cum Athanasio tunc Archidiacono, Ecclesius per totam Ægyptum, Libyam, & Pentapolin, & regiones finitimas.

usque ad Indię provincias. Fuisse igitur olim provincias sub Episcopo Alexandrino quæ ad Præfectum Augustalem non spectabant, negandum non est: nam ut omnem quæ præferre possem de Æthiopia, aliisque regionibus, sat mihi fuerit de Pentapoli verba facere, quæ & ipsa Præfecturæ demum accessit, credo post diuisionem Imperij à Constantino factam. Ammianus Marcellinus lib. 22. *Tres provincias Ægyptus fertur habuisse temporibus priscis, Ægyptum ipsam, & Thebaidem, & Libyam: quibus duas adiecit posterius, ab Ægypto Augustaminicam, & Pentapolim à Libya sicciore disparatam.* Negotium tibi exhibuit (sat scio) locus hic Ammiani, quum supra eum laudasti capite secundo, sed leuiter à Canone Nicæno discrepare aiebas. Itane? careat Præfectura, an augeatur integrâ magnâque Prouinciâ, leuis tibi momenti res est. Quid ni sit, quum tu pro tuo arbitratu provincias, & Diœceses alijs adimas, alijs tribuas, adeoque exiguam portionem ei concedas, cui summa credita est rei Christianæ? Libya, quæ Præfecturæ subiecta, & Ægypto erat contermina, Marcotis Plinio dicitur. altera verò Libya, cui finitima Pentapolis, seu Cyrenaïca regio, Ammoniaca erat, quæ sicciore à Marcellino nuncupatur. Nec verò mirum non fuisse Cyrenaïcam sub Præfecturâ ante Constantinum: nam Augustus Præfecto tribuit Ægyptum tantummodò à se in prouinciam redactam. Cyrenaïca, seu Pentapolis, & arida Libya antiquioribus temporibus in iura concesserant populi Romani ex libera;

litate Ptolomei, & Apionis. quod tradunt Florus in Epitome Liuianâ lib. 70. Rufus Festus in breuiario, Eutropius lib. 6. Ammianus extremo libro 22. Fuisseque ipsam Cyrenaicam Cretæ in administratione coniunctam, innuit Strabo lib. 16. id etiam indicat vetus inscriptio Pisauri.

C. LVXILLIO. C. F. POMPT.

SABINO EGNATIO

PROCVLO. C. R. CVR. RER.

PVBLICARVM. PISAVR. ET FANEST.

LEG. LEG. X. GEM. GORDIAN

CVR. REG. TRANSPAD. CVR

VIAR. ET. PRÆF. ALIMENT

CLODIÆ. ET. COHERENT

LEG. PROV. ACHAIÆ. PRÆT.

ÆDIL. CERIALI. QVÆST.

PR. PR. PROV. CRETÆ. CYR.

TRIB. LATICL. LEG. IIII. FLAV.

PATRONO COLONIARVM

PISAVR. ET FANEST.

& alia in agro Reatino:

SEX. TADIVS SEX. F. VOL. LVSIVS. NEPOS

P A V L I N V S

PRO. COS. SORTIVS. PROV. CRET. CYR. &c.

Atque ut clarius innotescat, Cyrenaicam regionem, seu Pentapolim non pertinuisse olim ad Præfectum Augustalem, inspicere prouinciarum diuisionem ab Augusto factam, apud Dionem lib. 53. nec non apud

Strabonem ipsum. In ea reperies, Cretam, & Cyrenaicam Libyam Senatui referuatas, ipsi verò Augusto Ægyptum. itaque iis prouinciis Senatus Magistratum dabat: Augustus Ægypto Præfectum ex ordine equestri. Hæc si rectè perpenderis, non video, quid tibi subterfugij sit, quominus fatearis, Dioccesim Alexandrini Episcopi conformem haudquaquam fuisse Præfecturæ Augustali, sed ampliorem multò. At quæres, vnde eius amplitudinis origo? id te quoque docere non reculabo. Tradit D. Athanasius in Synopsi Marcum Euangelistam primum Alexandriæ Episcopum non per Ægyptum solùm, sed & per Libyam, & Pentapolim Euangelium disseminasse. hac veluti victoriæ partas sibi illas prouincias ad successores Episcopos transmisit. Neq; absimili ratione Romana Diocesis ex Occidentalibus prouinciis constituta fuit, quàm sit manifestum (vt ait Innocentius Papa in Epistola ad Decentium Episcopum Eugubinum) *in omnem Italiam, Gallias, Hispaniam, Africam, atque Siciliam, Insulasque interiacentes nullum instituisse Ecclesias, nisi quos venerabilis Apostolus Petrus, aut eius successores constituerunt sacerdotes.* Frustra itaque Romanam Dioccesim respondere aiebas limitibus Præfecturæ Urbanæ, quam opinionem supra reiecimus. Tu tamen hæc quoque verba effutire non dubitasti: *Tantum abest, Episcopus Urbis Romæ aliarum Ecclesiarum sibi curam iure tum vindicauerit, vel vindicare potuerit, vt contra Suburbicariarum Diocesis solo more antiquo, & quidem in Præfecturæ Urbicariæ exem-*

plo tueri posset: non igitur lege, multò minus decreto, aut ordinatione diuina. Non equidem ignoro, Morem antiquum, de quo in Canone fit mentio, Hincmaro quoque cum esse visum, qui ad ciuiliū Magistratuum similitudinem in Ecclesiâ receptus esset; nec tamen, vt omnino Ecclesiastici cum ciuilibus conuenirent, præferrim in Diœcesôn modis. At nosti eundem Hincmarum pronunciasse, Romano Pontifici sollicitudinem competere omnium Ecclesiarum: apertè quoque innuere, Gallicanas Ecclesias in speciali eius esse Diœcesi. quæ siue amplissima fuisset (vt re vera erat) tunc angusta, obesse nihil poterat summa eius procurationi totius Ecclesiasticæ Reip. Diuersa igitur erat Diœcesôn ratio, sed administratores Ecclesiastici in eo cum ciuilibus conuenire videbantur. vt quemadmodum in sæculari politia singulis Urbibus præpositi iis suberant, qui prouincias regebant: ipsi prouinciarum Rectores Diœcesôn præfectis, ita Episcopi Metropolitæ, Metropolitæ Patriarchis parerent, sed directi omnes ad vnum Principem, Romanum Pontificem. Id explicat egregiè D. Leo Epist. 84. *Et si ordo (inquit) generalis est omnibus Sacerdotibus, non tamen communis est dignitas omnibus: quia & inter beatissimos Apostolos in similitudine honoris fuit quædam discretio potestatis; & quum omnium par esset electio, uni tamen datum est, vt ceteris præemineret. de qua forma Episcoporum quoque est orta distinctio, & magna ordinatione prouisum est, ne omnes sibi omnia vindicarent, sed essent in singulis prouincijs*

singuli, quorum inter fratres haberetur prima sententia; & rursus quidam in maioribus Urbibus constituti sollicitudinem susciperent ampliore, per quos ad unam Petri sedem universalis Ecclesiæ cura conflueret, & nihil unquam à suo capite dissideret. Huiusmodi igitur dispositio moribus Ecclesiæ recepta, ab ipsis Apostolis fluxisse credenda est nam (ut ait D. Augustinus lib. 4. de bapt. quod universa tenet Ecclesia, nec Conciliis institutum, sed semper retentum est, non nisi Apostolica auctoritate traditum rectissime creditur. Huiusmodi moribus eandem vim inesse quæ Conciliorum decretis, non obscure significat idem Augustinus epist. 119 Quid ergo est, quod tu blateras, more antiquo, non igitur lege, multo minus decreto, aut ordinatione divina? annon, vel ipsi norunt iurisprudentiæ candidati, tam seruandas esse consuetudines, quàm leges? porro ille ipse antiquus mos, cuius mentio in Nicæno Canone, lex vocatur à Patribus Concilij Constantinopolitani in Epistola Synodica ad Damasum Papam, quæ extat quoque apud Theodorum lib. 5. cap. 9 *Ἐπεὶ δὲ τῶν οἰκονομῶν τῶν καὶ μέεος ἐν ταῖς ἐκκλησίαις Παλαιό. τε, ὡς ἴτε, θεσμοὶς κέχρικε, καὶ τῶν ἀγίων ἐν Νικαίᾳ Πατρίων ἐβρε.* De administrationibus, quæ sunt cuiusque Ecclesiæ propriæ, cum vetus (uti noscitur) lex est, tum sanctorum Patrum in Nicæno Concilio deussio. Non equidem sum nescius, videri nonnullis esse interd. in τῶν θεσμῶν, quod apud Latinos institutum. verum si quis locos scriptorum trutinaverit facile deprehendet, nescio quid augustius huic vocabulo inesse, quàm τῶν νόμων, quam

tamen vocem vsurpauit Theodoritus lib. 2. cap. 4. veterem consuetudinem designans, qua Episcopi per vniuersum orbem constituti, vbi quis appellasset, iudicabantur à Romano Pontifice Eius hæc verba sunt de Iulio Papa Eusebianos Romam vocante. ὁ δὲ πρὸς τὴν ἐκκλησίαν ἐπὶ μὲν νόμος, καὶ αὖτε καταλαβεῖν πρὸς Ρώμην ἐκέλευσε, καὶ τὸν ἡγῶν Ἀθανάσιον εἰ. ὃ δὲ κλέω ἐκαλεσε, ille Ecclesie legem (seu consuetudinem) sequutus, & eos iussit Romam venire, & diuinum Athanasium, quò pro se in iudicio ipse responderet, vocauit. Promiscuus earum vocum vsus tam pro lege, quàm pro consuetudine perspicuè indicat, antiquas consuetudines, & rationi consonas eandem vim habere, quàm leges. Sed apertius Socrates lib. 2. cap. 3. ex Epistola Iulij Pontificis Canonem appellat veterem Ecclesie morem, quo generalia Concilia fieri prohibebantur absque consensu Romani Pontificis. τὸ ἐκκλησιαστικόν, inquit, κανὼν καὶ νόμος, μὴ δεῖν ἄλλῃ γὰρ μὲν τὸ ἐπισκόπου Ρώμης κανονίζει τὰς ἐκκλησίας. Statuente Ecclesiastico canone, nefas esse præter Episcopi Romani sententiam iura condi ab Ecclesiis. Vide & Nicephorum lib. 9. ca. 5. tanti enim faciendæ erant huiusmodi consuetudines, quanti Canones ipsi, vt pote quæ iam inde ab Apostolorum instituto in Ecclesia inualuerant, quemadmodum fatetur Iuuenalis Hierosolymitanus Antistes de Episcoporum causis etiam maiorum sedum à Romano Pontifice cognosci solitis. Operæ est integrum locum exhibere ex parte 2. Act. 4. Concilij Ephesini, vt insigne mendum inde eximamus.

Ἰουδαίος ἐπίσκοπος Ἱεροσολύμων εἶπεν. ἐγὼ μὲν Ἰωάνην τὸν
 ἀρχιεπίσκοπον Ἀντιοχείας διθυράμβου τιμῇ ἀγίας, καὶ με-
 γάλῃ, καὶ οἰκουμένηκῃ σπουδῇ τιμῶμεν, διότι εἰς ἀποστολῆαν
 αὐτοῦ ἐπαρρησίαν αὐτὸς δραμεῖν, καὶ πρὸς ἀποστολικὸν θρόνον σπου-
 δάζοντα ἡμῖν τῇ μεγάλῃ Ρώμῃ, καὶ τῇ ἀποστολικῇ τῇ Ἱεροσο-
 λύμων ἀγίας τῇ καὶ ἐκκλησίᾳ, ὑπακούσαι καὶ τιμῆσαι. καὶ ὅ
 μάλιστα ἐξ αὐτῶν αὐτὸν αὐτῶν Ἀντιοχείαν θρόνον ἐξ ἀποστολικῆς ἀκα-
 τοιχίας, καὶ παρὰδοτικῆς ἰσχύος, καὶ καὶ αὐτὸς διδάσκειν.
 Quod de Hierosolymitana Ecclesia hic dicitur, du-
 bium non est, pertinere ad Romanam. tantum enim
 abest ut Hierosolymorum Ecclesia quicquam iuris ha-
 beret in Antiochenam, ut potius sub Metropolitana
 Cæsariensi esset, ipse verò Cæsariensis Episcopus An-
 tiocheno pareret. Res cuique nota argumentis non
 eget. Sciolus ille, qui Concilij locum interpolauit, ex
 eo lapsus videtur, quòd legerat, conatum esse eundem
 Iuuenalem ius sibi prouinciæ Palestinæ vindicare in
 ipsa Ephesina Synodo. Meminit eius rei Leo Pontifex
 epist. 62. In Ephesina (inquit) Synodo, quæ impium Nesto-
 rium cum illo dogmate suo perculit, Iuuenalis Episcopus ad ob-
 tinendum Palestinæ prouinciæ principatum credidit se posse
 sufficere, & insolentes ausus per commentitia scripta firmare.
 quod sanctæ memoriæ Cyrillus Alexandrinus Episcopus me-
 ritò perhorrescens scriptis suis mihi, quid prædicta cupiditas
 ausa sit, indicauit, & sollicita prece multum poposcit, ut nul-
 lus illicitis conatibus præbeatur assensus. Sed aliud porro
 est iura turbare Cæsariensis prouinciæ in Antioche-
 na Diœcesi positæ, aliud Patriarcham ipsum Antio-

chenum subijcere, nam verba illa proferre, quemadmodum nunc leguntur, quid aliud fuerat Iuuenali, quàm se impudentissimè deridendum præbere in re ad eò nota? Itaque è verbis illis *καὶ τὰς ἀποστολικὰς τῆς Ἱερουσαλῶν*, &c. expungenda est omnino vox illa *Ἱερουσαλῶν*, quæ fortasse, aut ex ora paginæ, aut ex interlineari spacio (ineptissimum dubio procul glossema) in conceptum irrepsit. Sed & membri (vt sic dicam) luxatio sananda est. Si quidem ea verba, *ὡς εἰς ἀπολογία τῆς ἐπαγομένης αὐτῆς δραμεῖν* alieno loco posita videntur, retrahendâque post illa: *τῆς μεγάλης Πάσης*. Vt sententia sine offendiculo currat, quæ Latinè reddita ea erit: *Juuenalis Hierosolymorum Episcopus dixit: oportebat quidem Joannem Reuerendissimum Antiochia Episcopum considerata sancta hac & magna, atque uniuersali Synodo, & confidente nobiscum Apostolica sede Magnæ Romæ, confestim accurrere, vt de iis se purgaret, quæ ipsi obiciuntur; nec non Apostolico sanctæ Dei Ecclesiæ obedientiam deferre, atque honorem, apud quem maximè mos est ex Apostolico ordine, & traditione, vt ipsa sedes Antiochena dirigatur, & apud eundem iudicetur*. Miror id non animaduersum à correctoribus postremæ editionis Romanæ, qui moneri tamen poterant ab antiquis versionibus Latinis. Porro *Apostolicum* simpliciter nominari solitum Episcopum Romanum, notius est, quàm vt exemplis demonstrari sit necesse.

In extremo hoc capite vbi confecisse aliquid de *Mediolano* tibi videris, in *Siciliam* transfretas, quam

itidem negas sub Episcopatu Romano vnquam fuisse. Ne quidem (ais) longè post; quàm teste Balsamone supposita fuerit Patriarchæ Constantinopolitano. Id contigisse censes, ex quò prouocationes à Sicilia Iudicibus delegatæ à Iustiniano fuère Quæstori in Vrbe Constantinopolitana. At nulli ne Patriarchæ subiectus fuit ante Iustinianum Syracusanus Episcopus Siciliae Metropolita? Quidni id aperis? an satis tibi est aërem voce verberare? docuit me certè Nicolai Pontificis Epistola ad Michaëlem Imp. & Metropolitam illum ad Romanum Patriarcham semper spectasse, & longè post Iustiniani tempora Constantinopolitanos Patriarchas iura inuasisse Ecclesiarum Sicularum. Locus in ea Epistola ille est. *Inter ista, & superius dicta, volumus, ut consecratio Syracusano Archiepiscopo, nostra à sede impendatur, ut traditio ab Apostolis instituta nullatenus vestris temporibus violetur.* Videnda est etiam extrema Epistola quarta Leonis primi, qua Siculis Episcopis præcipiebatur, ut terni quotannis ad Concilium Romam commearent.

CAPVT QVINTVM.

DIOECESIOS DIGNITAS QVI

centenda. In vniuersa Italia tres antiquitus *Metropolitæ*. Vox *Dioeceseos* in Synodo *Arelatensi*. *Romanæ Ecclesiæ* potestas calitus data. *Romani Episcopi* propria *Dioecesis*. D. *Hieronymus* cur dictus presbyter *Romanæ Ecclesiæ*. *Hilarij Arelatensis Metropolitæ* audacia fracta à summo Pont. Magnus *Episcoporum* numerus sub *Romano* antistite. In *Suburbicarijs* regionibus nulli *Metropolitæ*. *Rauennæ Episcopus* à *Romano* ordinatus. Concilia plura *Occidentalia* cur non dicantur *Occumenica*. A *Romano Pontifice* legati *Episcopi* è sua *Dioecesi*. Ex ipso canone *Nicano* elici, *Romanam Diocesim* maiorem fuisse *Alexandrinam*. *Ethnicorum mendacia*. *Sectariorum petulantia*. *Isaiæ* locus de dignitate, & diuitiis *Ecclesiæ*.



I qui sunt, Anonyme, qui te vel latentem norint, qui benè tibi cupiant, vellent iidem tuæ existimationi consulentes, hoc capite abstinuisses, nam vt in cæteris oscitationes obtrudere potes, in hoc videris consulto consilio ineptire. Iure optimo considerabant *Bellarminus*, alique, absurdum videri, si tam exigua *Dioecesis Romano Episcopo* tribu-

ta fuisset, ea nimirum, quam tu comprehensam putas Suburbicariis regionibus. Cur enim data esset amplior Alexandrino, qui secundum locum inter Patriarchas tenebat? cur Antiocheno, qui tertium? Inculandos ais tu mores antiquos, è quibus ea distributio manauit, inculandam Episcoporum Romanorum socordiam, qui iura sui Episcopatus prodidissent. Bilem profectò vnà cies & risum, qui censeas, tam extra se fuisse priscos illos Ecclesiæ Patres, vt quem primum inter Patriarchas statuebant, tam angustam eidem administrationem assignarent. Aut Romanos ipsos antistites, qui omnium Ecclesiarum iura mordicus tuebantur, sua segniter neglexisse. At commodum te corrigis bina ratione innisus. Primum ais, non alios fuisse terminos Vrbanae Præfecturæ, ideò Episcopalem Dioccesim egredi illos non potuisse. Quàm malè consuluit D. Petrus suis successoribus, quùm Roma Antiochiam mutauit, & satis exiguam Dioccesim præ Antiochena iis reliquit? Sed non ille forsitan in futura tempora cogitatione penetrauit: siquidem latius patebat ea tempestate (vt tu quidem censes) Præfecti Vrbani Iurisdictio. Nec præfagiit, oriturum aliquando Anonymum immensæ virum auctoritatis, qui imminuta postea Præfectura egressum Episcopo interdiceret extra eos limites. Præclare potius actum cum Roma; quod non & ipse Episcopatus ei sit ademptus, ex quo nomen euauit Præfecturæ Vrbanae. Ne mireris Anonyme, hoc pacto me loqui: quid enim quæras nisi lu-

sum tuis istis assertionibus? Iam dictum est à nobis, quanti sit facienda tua ista, quam usque ad odiosum fastidium inculcas, sententia de Diœcesi Episcopi Romani Suburbicariis regionibus inclusa; verum tu illam adeò deperis, non amas solùm, vt eâ vnâ te ipsum exosculeris.

Doces secundo loco, amplissimis Diœcesibus Ægypti, & Orientis, si non amplitudinem, at claritatem Romanæ Diœceseos posse opponi, quia sita esset in illustri Italiæ parte: *in qua* (inquis) *Roma ipsa totius orbis caput, arx, & vertex, & Imperij sedes, domicilium, matérque*

Prima vrbes inter, diuûm domus, aurea Roma.

Gratulor Vrbi, quòd eius tandem sis misertus, ac non tam ex lateritia marmoream, quàm ex *casulis*, ad quas illam initio tui operis redegeras, auream prorsus efficias. Sed nunquid loci situs auctoritatem Diœceseon commendat? non situs, inquis, sed subiectorum dignitas. At quorum dignitatem intelligis? non ne Episcoporum? nonne Metropolitaram? hi enim Patriarchis subiecti (*suffraganeos* leni vocabulo appellare Ecclesia consuevit) quo plures sunt, & magnarum seu Ciuitatum, seu prouinciarum, eo ampliorem, illustrioremque, efficiunt Diœcesim. At tu, si Deo placet, dum solas regiones Suburbicarias Romano Patriarchæ assignas per paucos Episcopos, nullum autem Metropolitam ei tribuis, an hæc tibi nominanda Diœcesis videtur? Diœcesim intelligo, quæ Patriarcharum erat ex

pluribus prouinciis coagmentata. Singulis prouinciis singuli Archiepiscopi, seu Metropolitæ more Ecclesiastico tribuuntur: nec cum ciuilibus diuisionibus conueniunt; nam interdum è pluribus ciuilibus vna Ecclesiastica prouincia efficiebatur. Multas habebat prouincias Italia, paucos Metropolitæ. Præter Romanum Pontificem, qui peculiarem quoque habebat prouinciam, cuius Episcopos suffraganeos videre est in Codice prouinciali, etsi ad minorem numerum reductos, quàm prius fuerant, tres inuenio tantùm Metropolitæ in vniuersa Italia Constantinianis temporibus, & per aliquot postea ætates, Mediolanensem, Aquileiensem, Rauennatem, quod & à Sigonio animaduersum scio. Spoletinus Episcopus, quem tu superiorem diatriba Metropolitanum statuebas Piceni Suburbicarij, id honoris nunquàm sibi arrogauit: quòdque non à veteri Ecclesiæ consuetudine, non à Pontifice Maximo accepit, id abs te vltro oblatum reiecit, nolens Archipontificem te agnoscere, qualem te ipse facere videris. Porro quòd Ireneus lib. 3. cap. 3. maximam vocat Ecclesiam Romanam, quòd Orientales Episcopi apud Sozomenum suas Ecclesias à Romanis vinci fatentur *μεγαλ. ἢ πλεον.* quòd patres primi Concilij Arelatensis anno Christi 316. Syluestro Papæ scribentes iis verbis vsi sunt: *qui maiores Dioceses tenes*, quid tu hic reponis? respexisse illos dicis ad Urbis auctoritatem, & dignitatem. Miror equidem, à viro non vulgari ingenij isthæc effluxisse; vt quod tu non facis,

cogar ego rubore pro te suffundi. Atque in hisce immorari, quæ silentio digna sunt, & contemptu, quid aliud sit, nisi bonas horas perdere? Per Diœceses in Synodali Epistola Concilij Arelatensis nominatas non intelligi ais plurium prouinciarum administrationes. Id ferri non ægrè potest, nam si hac notione Diœcesis appellatio id temporis fuisset in vſu, non plurium fortasse numero patres Arelatenses, sed singulari enuntiassent *maiorē Diœcesim*. Erat enim vnica, latissimè quamuis se diffundens specialis Romani Episcopi Diœcesis, quanquam vniuersa hæc Diœcesis plures etiam comprehendebat Diœceses, quæ nimirum sub Primatibus erant Romano Patriarchæ subiectis. Qua de causa Ioannes VIII. Bulgariam suam Diœcesim vocauit, hoc est vnā ē Diœcesibus sibi subiectis. Sic enim loquitur in Epistola ad Photium Patriarcham Constantinopolitanum: *ita et nos Diœcesim nostram Bulgariam, &c. summa nobis celeritate restitui volumus.* Et rursus: *ab inuasionē Bulgaria nostra Diœcesis se omnino compescant.* Quibus locis quamuis Diœcesim Græci verterunt ἐκκλησία, illa tamen verba eiusdem epistolæ: *de cetero omnem ordinationem Ecclesiasticam ab Ecclesia Constantinopolitana præsulibus in eadem Diœcesi Bulgaria auctoritate Apostolica amputamus.* Sic Græcè reddita leguntur. τῷ λοιποῦ δὲ πᾶσι ἐκκλησιαστικῶ χειροτονίαι τῆς Κωνσταντινουπόλεως ἐπεστέλλων ἐν τῇ αὐτῇ διοίκησει τῆς Βουλγαρίας ἀποστολικῇ ἀποκοπῇ αὐθεντία. Magnitudinem igitur, & multitudinem prouinciarum, quæ Romanæ Ecclesiæ

Ecclesiæ specialiter suberant, intellexit Arelarenſis Synodus, ſi locus mendo vacat. nam & Cicero, & Strabo Diœceſeon nomen ad designandas prouincias, earumve adminiſtrationes, uſurpaſſe videntur. Plures ergò Romana Diœceſis, magnasque Prouincias habebat: ex quibus ſi conſueuiſſet ipſe Pontifex legiones, & exercitus comparare ad gerenda bella, ad populos ſubigendos, non abſurdum fortasſe videretur, quod tu ridiculè ſcribis, oppreſſa Collegarum libertate ad Imperium, quod nunc obtinet, euectum eſſe. An exercitu inſtructus erat Agapetus Papa, quùm Anthimum Conſtantinopoli ab Episcopatu depoſuit, & Menam ſuis manibus ordinauit minitantiſque licet Auguſtiſ? qua de re Zonaras in vita Iuſtiniani, & Liberatus in Breuiario cap. 21. An legionum vi coëgit Ioannes Pontifex Epiphanium item Conſtantinopolitanum Episcopum in ipſa Byzantina Eccleſia humiliori ſede conſidere, quùm Thronum ſibi ipſe excelsiorem poni iuſſiſſet, vt ſui loci dignitatem tueretur? quod refert Nicephorus lib. 17. cap. 9. Ni digitus Dei ſit hîc, ineptiſſimos prædicas, & mirè ſocordes per totum terrarum orbem Episcopos, qui nulla vi compulſi exui ſe libertate paſſi eſſent. Sed re vera fortiſſima ſemper fuit Romana Eccleſia, non utique humanis viribus, ſed cæleſti præſidio, vt quæ Chriſtianæ rei à Deo exercituum præſecta fuerit. Itaque Irenæus veſtras Apoſtolorum penè *οὐκ ἔχοις* ipſius Romanæ Eccleſiæ non iam ſimplicem honoris *καὶ ἐδίδας* (vt tu facis) ſed

potentiorē principalitatem prædicat: nūo de Irenæi loco legas velim, quæ peracute Barclaius dixerit in eleganti sua parænesi lib. 1. cap. 10. Quam potens ea sit *principalitas*, profani non cognoscunt: cognoscunt ij, qui Deo acquiescere non detrectant. Ridebat impius Imper. Iulianus vel Euangelistarum imperitiam, qui scriberent, Matthæum duabus oculis illectum relictis omnibus Christo adhæsisse, vel hominum simplicitatem, qui tam facile vocantem Dominum sequerentur. ignorabat nimirum perditus homo diuinæ vim maiestatis, quemadmodum monuit D. Hieronymus. Simili modo laborant sectarij, qui aut ignorant, aut ignorare se fingunt vim, ac maiestatem sedis Apostolicæ, non splendorem veritatis hauriunt, non calorem sentiunt cælestis ignis cæci homines & frigidi. At Catholici Episcopi obsequij falces, ac reuerentiæ, volentes submittrunt Romano Pontifici, cui gregem vniuersum à Christo creditum, minimè dubitant, seque vocatos *in partem sollicitudinis non in plenitudinem potestatis*. Cui vni datam facultatem probè sciunt, fratres roborandi, vt si longius ab ipso abeant, imbecillos se, ac languidos sentiant. Ad quem iam inde ab ipso nascentis Ecclesiæ exordio, causæ delatæ omnium Diœceseon, appellationes interpositæ. Qui vbi res exegit, Episcopos, aliósque Antistites quâ honore, & ministerio priuauit, quâ priuatos suas in sedes restituit, neque id in Romana tantùm Diœcesi, sed quacunque se diffundit Christiana Respublica. Cuius auctoritate

opus semper habuere generalia Concilia, vt valida forent. Hæc Romani Pontificis potentia est diuinitus tradita, quam qui refugiunt, non libertatem adipiscuntur, sed licentiæ fræna laxant. Et quanquam ius eidem Pontifici esset, suam vbiuis locorum exercendi auctoritatem, propriam tamen habebat Patriarchalem Diœcesim, & propriam in Diœcesi prouinciam, & propriam in prouincia urbem. Neque Diœcesis illa vniuersus orbis erat, vt tu à nonnullis existimari fingis, sed limitibus quibusdam circumscripta, quæ tamen nihil officiebat, quominus omnium vbique Ecclesiarum sollicitudinem gereret. Meminit eius Diœceseos Hadrianus Primus Papa, quum ita scriberet ad Constantinum Imper. *Immo & consecrationes Archiepiscoporum (sicut olitana constat traditio) nostræ Diœcesis existentes penitus canonicè sanctæ Romanæ Ecclesiæ restituantur.* Olitana (hoc est antiqua) consuetudo quæ hîc nominatur, vtique respondet Nicæno Canonî quum ait, *καὶ τὰ ἐν τῇ Ρώμῃ ἐπισκοπὰ τῶν συνήδης ἔστιν.* At quæ tandem erat isthæc Diœcesis? ea nimirum, quæ Græci recentioris æui, Zonaras, Theodorus Balsamo, Nilus, alij, disertè fatentur comprehensum totum Occidentem. Tu duobus verbis id reicis, satis esse existimans, quòd Bellarmino, & Baronio haudquaquam probetur. Verum nequicquam hoc te scuto protegis. Multo enim magis doctissimi illi Antistites sententiam tuam improbant de Suburbicariis regionibus Diœcesim Romanam coarctantibus: atque ea-

tenus Græcorum, qui Schismatici erant, opiniononi non acquiescunt, quatenus negari ab iis videbant, Romani Pontificis auctoritatem, iurisdictionemque Ecclesiasticam Occidentales egredi limites, hoc est specialem ipsius Diœcesim. An non illa sunt Bellarmini verba? *Etiam si Nicanum Concilium disertis verbis dixisset, ad Romanum Pontificem propriè Occidentem pertinere, adhuc nihil omnino Nilus obtineret: nam id sine dubio esset intelligendum de Patriarchali Romani Pontificis ditione, præter quam idem ipse summam habet in omnem Ecclesiam potestatem.* An non paulò ante fassus erat idem Bellarminus, Papam esse proprium Patriarcham Occidentis? Cæterùm in aperto est, quod Græci illi, ut potè rem notissimam fatentur, τῆς τῆς Ρωμῆς ἐπισκοπῆς (inquit Nilus) τὸ τοῦτο δίδεται, δηλαδὴ τῆς ἐσπερίων κρατίων. Episcopo datum hoc est, vide' &c, ut Occidenti præsit Idem & Balsamo scribit. Zonaras verò pluribus id locis testatur, præsertim ubi sextum Canonem Nicænæ Synodi is verbis explicat. βύλεται ὁ κρατὶν τὰ παλαιὰ ἔθνη κρατίων, ὁ καὶ κρατὶν μεταγένηται, καὶ νόμοι πολιτικοὶ δεῖνται. τὸν Ἀλεξανδρείας οὖν ἐπίσκοπον οὐδεὶς τῆς ἐν Αἰγύπτῳ καὶ Λιβύῃ καὶ Περσῶν πόλιν παρέχει. καὶ τὸν Ἀντιοχείας τῆς αὐτῆς ὑπερμαχίων ἐπὶ κρατίων, Συρίας δηλαδὴ, καὶ κοίτης Συρίας, καὶ Κιλικίας ἐκτετακας, καὶ Μεσοποταμίας. καὶ τοὺς ἄλλοις ἐπισκόποις τῆς ἐν αὐτῇ ὀξοισαζὴν χωρῶν. κατὰ καὶ τῆς ἐν τῇ Ρωμῆσιν ἐκκλησίας περιδροῦναι τῆς ἐσπερίων ἀρχῆς ἔθνος ἐκράτῃσι. Antiquas consuetudines seruari vult canon, quod & posteriores canones, legesque Civiles decreuerunt.

Alexandrinum igitur Episcopū, inquit Bals. iis præesse statuit, quæ in Ægypto sunt, & Libya, ac Pentapoli: Antiochenum subiectarum sibi prouinciarū, Syriæ videlicet, Cœlesyriæ, vtrique Ciliciæ, Mesopotamiæ, aliisque Episcopos suarum quemque regionum potestatem habere, quemadmodum & Ecclesiæ Romanæ præles, Occidentis principatum veteri more obtinet. Inde ortum, vt Constantiano edicto, quod & videmus apud Balsamonem ad Photij Nomocanonē, traditam legamus Romano Pontifici, *urbem Romam, vniuersæque Italia, atque Occidentalium regionum prouincias.* Non disputo nunc, genuinum ne sit illud edictum, an confictum ab ociosis hominibus, vt Baronius, alique suspicantur. Sed siue sit verum fædēque interpolatum, vt complures credunt, siue supposititium; illud aio, hac totius traditi Occidentis nuncupatione, vbi exerceret Pontifex *ἡχοισία, καὶ δυνάμει ἑρεῶν βασιλικῆς πρεσβυτερίας, rationem fuisse habitam Ecclesiasticæ eius Diœceſeos, quæ per omnes illas regiones protendebatur.* Quæ de Diœcesi illud quoque scribit Zonaras ad Canonem quintum Concilij Sardicensis. *Ἐπεὶ οὖν δὲ τότε τῇ Ρωμῶν ἐκκλησίᾳ αἱ δυτικὴν πᾶσαι σχεδὸν ἐκκλησίαι, αἱ Μακεδονικὴν διλακὴν, αἱ Θεσσαλικὴν, αἱ Ἰλλυρικὴν, αἱ Ἑλλάδος ἐν τῇ Πελοποννήσῳ, αἱ τῆς λεγομένης Ἠπείρου.* Subijciebantur id temporis Romana Ecclesiæ ditioni omnes ferè Occidentales Ecclesiæ, Macedonia nimirum, Thessalia, Illyrici, Græciæ, Peloponnesi, *et quæ Epirus dicitur.* Neque dissonant quæ notat ad Canonem 28. Concilij Chalcedonensis:

αἱ γὰρ λοιπαὶ ὁμοκλήσεις, ἢ τῆς Μακεδονίας δηλαδὴ, καὶ Θεσσα-
 λίας, Ἑλλάδος τε καὶ Πελοποννήσου, καὶ τῆς λεγερμένης Ἠπείρου,
 καὶ τῆς Ἰλλυριοῦ τῆς Ῥώμης τῆς παλαιᾶς ὑποκείμεναι τότε αὐτέ-
 χειρ. *Aliae quidem Diœceses, nempe Macedonia, & Thes-*
salia, Græciæque ac Peloponnesi, atque eius qua Epirus di-
citur, nec non Illyrici, Episcopo veteris Romæ eo tempore
subiacebant. Legati quoque Pontificij apud Guiliel-
lum Bibliothecarium in vita Hadriani II. sic lo-
quuntur; Sedes Apostolica, iuxta quod Decretalibus San-
ctissimorum Romanorum Præsulum doceri poteritis, utram-
que Epirum, novam videlicet, veteremque, totamque Thes-
saliæ atque Dardaniæ, in qua & Dardania Ciuitas hodie
demonstratur, cuius nunc patria ab his Bulgaris Bulgaria
nuncupatur, antiquitus canonicè ordinauit, atque obtinuit.
 Hosce locos attuli, vt videres, eas quoque regiones,
 quas Byzantinorum Præsulum ambitio sibi postea
 vindicauit, in speciali Diœcesi Romani Patriarchæ
 fuisse. Ea propter anno Christi 414. coacta Synodus
 in Macedonia legationem misit Innocentio Papæ,
 quem Diœceseos caput non solùm rei Christianæ mo-
 deratorem agnoscebat, ad petendam rerum gesta-
 rum confirmationem. Eos verò Pontifex non nihil
 reprehendit, quædam etiam ex eorum actis rescidit,
 alia confirmauit, vt ex ipsius Epistola 22. constat. Thes-
 salonicensem Episcopum, cuius liquet, Primatem à
 Romano Pontifice creari solitum, vt Metropolitæ ea-
 rum regionum præfesset, propterea quòd à suo Patriar-
 cha longius distabant. Libet etiam huc locum afferre

ex Concilio quodam Romano, cuius pars extat in Codice manuscripto Bibliothecæ Vaticanæ, habito ut ibidem notatur, post consulatum Lampadij, & Orestis die vii. Iduum Decembrium in Consistorio B. Andreæ Apostoli. Concilij verba illa sunt. *Bonifacius Episcopus dixit, quæ lecta sunt transcribantur, & adiecit: si quid est aliud, suggeratur. Theodorus Ethiniensis Ciuitatis Episcopus Thessaliae prouinciæ per interpretem dixit: ex lectione libellorum vestra cognouit beatitudo, quæ acta sunt contra sacros Canones, & ordinationem decessorum vestrorum. Nam constat, venerandos sedis vestræ Pontifices, quamuis in toto mundo sedes Apostolica Ecclesiarum sibi iure vindicet principatum, & solam Ecclesiasticis causis undique appellare necesse sit, specialiter tamen gubernationi suæ Illyrici Ecclesias vindicasse. Et nota sunt vobis omnium prædecessorum scripta Pontificum, veruntamen quarundam Epistolarum exemplaria profero, quarum fidem fieri ex vestro nunc scrinio postulo, &c.* Quum à Pelagio secundo in Epistola ad Eliam Aquileiensem Episcopum appellatur D. Hieronymus nostræ Ecclesiæ presbyter, allusum esse putandum est ad originem Hieronymi, qui Illyricus erat. Nam presbyteratus ordinem ab Antiocheno Episcopo susceperat. Nisi quis malit Romanum postea presbyterum effectum, quum Damaso ab Epistolis fuit; etenim inualuit apud multos inueterata opinio, Cardinalem illum fuisse Romanæ Ecclesiæ. Diuus quoque Augustinus lib. i. contra Iulianum Pelagianum ait, Hieronymum ex Occiden-

tali ad Orientalem transiisse Ecclesiam, quum habitatum iuit in Palestinam. Sed de Illyricis regionibus in Romana Diœcesi constitutis nullo est pacto ambigendum. Siquidem & Vigilius Papa Constantinopolim proficiscens Episcopos secum duxit suæ ipsius Diœceseos Italos, Afros, Illyricos, qui nec ipsi quintæ Synodo Constantinopolitanæ interfuerunt, quum viderent Pontificem id reculasse, ne à veteri maiorum suorum consuetudine recederet. Sed nunquid & Africa Romanæ Diœcesi adscribenda est? nullus dubitat. Nam quamquam Carthaginienſis Episcopus plures sibi subiectos Metropolitans haberet, attamen Patriarchæ nomen nunquam gessit, & ab ipsa Diœcesi Romana non nihil pependisse apparet. Ea de causa Honorius Imperator in controuersia inter Bonifacium, & Eulaliū, qui Romanæ sedis Pontifices in Schismate renunciati fuerant, ~~non Gallicanos tantum~~, sed & Africanos Episcopos inuitauit. Sicut Constantinianis temporibus ad Concilium Arelatense accesserant: quod sanè Concilium ex pluribus Romanæ Diœceseos prouinciis fuit coactum. Sic D. Augustinus Afer Episcopus à Pont. Maximo Cæsaream Mauritanix legatus est ad res quasdam eius Ecclesiæ componendas, quod enarrat Possidius in eius vita cap. 14. & meminit ipse Augustinus Epistola 157. & Retractat. cap. 51. Interfuisse etiam Afros quosdam Episcopos designationi Romani Pontificis colligitur ex D. Cypriani Epistola ad Antonianum, tamenſi
licet

licet suspicari, Episcopos omnes, quibus tempore interregni Pontificij Romæ esse contigisset, ius habuisse calculum ferendi vnà cum Romano Clero ad Papæ electionem. Etenim res omnium agebatur, dum totius Ecclesiæ præses constituendus erat. Inde ortum videtur vt postquàm id ius eligendi ad Senatum Cardinalium translatus est, consueuerint Pontifices, selectos ex vniuerso Orbe Christiano viros in Senatum collocare. Multa præterea eliciuntur ex Africanis Conciliis, quæ specialem Romani Episcopi *exortu* indicant in illas Ecclesias: quemadmodum & ex Pontificum Epistolis. Ac videnda præ cæteris Epistola 85. S. Leonis Primi.

Quid verò egerint Antistites Romani in Gallicis, Hispanicisque prouinciis, tanquam in propria Diocesi, cumulatè docent Innocentij, Bonifacij, Cælestini, Leonis, Gregorij, aliorumque Pontificum tam antiquorum, quàm recentiorum Epistolæ. Ex ipsa etiam Nouella constitutione Valentiniani Imper. de Episc. ordinat. addiscere potes, idem in Galliâ fuisse olim perpetratum ab Hilario Arelatensi Episcopo (de quo & Leo in Epist.) quod prius in Thebaïde à Meletio Lycopolitano. Siquidem vsurpauerat sibi Episcoporum ordinationes Romano Pontifice inconsulto. Itaque tam hic conatus ab ipso Pontifice improbatus fuit, quàm ille quondam Meletij à Nicæno Concilio. *Et erat quidem (ait Imper.) ipsa sententia per Gallias etiam sine Imperiali sanctione valitura; quid enim tanti*

Pontificis auctoritas non valeret? At quia compluribus magis erat timori sæcularis potestas, quàm Ecclesiastica, decernere ipse quoque satius duxit: ne quid (inquit) tam Episcopis Gallicanis, quàm aliarum prouinciarum contra consuetudinem veterem (est ibi illud Nicæni Canonis πὲ δρχῆα ἐστὶ κεαπίτω) liceat sine viri venerabilis Papæ Urbis æterna auctoritate tentare. Pontifices tamen quod tam ampla esset Romana Diæcesis, multa permittebant in longinquis regionibus arbitrio Primatum. Secus vsu veniebat in Italia, vbi nullus constitutus erat Primas, sed ex illius omnibus prouinciis sæpissimè conuocabantur Episcopi ad Romanos Conuentus, qui propterea frequentissimi erant. Itaque Galla Placidia Augusta, vbi Romam venisset, Leonem Papam cum maximo Italarum Episcoporum cœtu reperit; his enim verbis vtitur in Epistola ad Theodosium Imper. *αἰετοχουμένους τε πλήθ' ἐπισκόπων, ὅς τις ἀπὸ αἰαριθμῶν πολίων ἐν τῇ Ἰταλίᾳ συνήγαγον ἀπὸ τῆς δρχῆς τῆς ἰδίας τόπου, καὶ τῆς ἀξίας, Episcoporum multitudine circumseptus, quos ex innumerabilibus Italia Cinitatibus pro loci proprij principatu, ac dignitate collegit.* Non tu (opinor) Anonyme, innumeras vrbes Suburbicariis regionibus adscribes, etenim perpaucas in its fuisse fatebaris; & vides tamen collectos tot Episcopos ab ipso Romano Pontifice, tanquam ab ipsorum Exarcho, id enim valet *ἀπὸ τῆς δρχῆς τῆς ἰδίας τόπου.* Sic statim post Nicænam Synodum coëgit Romæ D. Syluester Concilium ex 272. suæ Diæceseos Episcopis. Iulius

itidem centum viginti Episcopos, quos inter connumeratos videmus Archiepiscopos Aquileiensem, Ra-uennatensem, Mediolanensem, sed & Carthaginiensem. In Concilio sub Agathone, quod extat inter acta sextæ Synodi Constantinopolitanæ præter Episcopos omnium Italiæ prouinciarum interfuerunt legati nomine Episcopi Galliarum, & Britanniarum. Sed quemadmodum dubitari nequit, amplissimam fuisse specialem Romani Patriarchæ Diœcesim, ita quibus olim potissimum finibus contineretur, haud ad eodẽ certum est hodie: præsertim ob vsurpationes variis temporibus emanatas ab insolenti potentiâ Bizantinorum Antistitum. Occidens quidem dicebatur esse sub peculiari eius ac Patriarchali (vt sic dicam) sollicitudine, quod & ex eo D. Hieronymi loco in epist. ad Marcum presbyterum elicere est: *Hæreticus vocor? si ab Arrianis, meritò: si ab Orthodoxis, qui huiusmodi arguunt fidem, Orthodoxi esse desierunt: aut si eis placet, hæreticum me cum Occidente, hæreticum me cum Ægypto, hoc est cum Damaso Petróque condemnent*; erant enim Episcopi eo tempore Damasus Romæ, Petrus Alexandriæ. Liquebat tamen; & Septentrionem à Romana Diœcesi complexum fuisse, & plures etiam in Oriente regiones, quas qui magis Orientales erant, veluti Ægyptij, Syri, Phœnices, inter Occidentales numerare videbantur. Vides Alexandrini Patriarchæ Diœcesim vnico Ægypti vocabulo à Hieronymo nuncupari, quamuis & aliarum prouinciæ eidem subessent ab Ægypto longe dis-

fitæ: ita *Occidens* appellabatur specialis Romani Pontificis *Diœcesis*, à potiori nimirum parte, licet extra ipsum quoque Occidentem longè latèque porrigeretur. Sanè si ad antiquiora tempora cogitationem intendimus, quùm tres illæ Patriarchales sedes, Romana, Alexandrina, Antiochena Ecclesias per orbem terrarum omnes inter se partitæ essent, perspicuum fit, in peculiari Romana *Diœcesi* regiones, & prouincias fuisse, quæ sub duabus his non erant. Sed (vt diximus) neutiquam hodie facile est, certis eas limitibus designare.

Porro quàm vana sit tua illa opinio de Ecclesijs Suburbicariarum regionum, ex ipsis etiam Episcoporum designationibus palàm fit. Si plures tribuendi sunt Metropolitæ in Suburbicariâ à te excogitatâ *Diœcesi*, quatuor, opinor, illi saltem concedes singulos regionibus singulis præpositos. *Spoletinum* dedisti *Piceno Suburbicario*: haud æquum est, suos vt Metropolitæ utrique *Latio* inuideas, & *Tusciæ Suburbicariæ*, quas tu solùm prouincias Romanæ *Diœcesi* tribuebas, nec plures intra centesimum milliariū numerabas. Emergant itaque & tres isti ex tua figulina. Quam exindereliquam facies Romanam Prouinciā? an dices, sex in ea fuisse Episcopos, qui urbem perpetuò incolunt, quique Cardinales vocantur? Fuerint enim verò, fuerit & alius quispiam in continentibus Urbis. At quùm te non fugiat, solitos eo tempore ordinari Episcopos à suis quemque Metropolitæ, quî fieri po-

tuit, ut à Romanis Archiepiscopis tot emanarent Episcoporum ordinationes non magno temporis spacio in tam exiguâ prouinciâ? Calculum pone in ipsâ Nicæni Concilij tempora, reperies sanè, si Anastasium Bibliothecarium consulas, intercurrentibus tantummodò ducentis duodeviginti annis, hoc est ab anno Christi 304. ad 523. ordinatos à Romanis Pontificibus mille, còque amplius Episcopos. Inde elicies quàm magna fuerit Romana Prouincia, quæ utique prouincia pars Diæceseos erat. Non equidem ignoro, fas fuisse vniuersæ Ecclesiæ Coryphæo, & in alienis prouinciis Episcopos designare, sed non id eo tempore moris erat. Quod iure optimo immutatum est postea, ut eo melius consulatur Ecclesiæ vnitati adeò nobis à Christo Domino commendatæ; quùm referri hoc pacto Episcopi omnes videantur *ad Petri Cathedram* (ut verbis utar D. Cypriani) *atque ad Ecclesiam principalem, unde unitas Sacerdotalis exorta est.* Ordinabant igitur Romani Patriarchæ & suæ prouinciæ Episcopos, & suæ Diæceseos Metropolitas, aut eorum electiones approbantes ordinandos aliis mandabant, si locorum intervalla id exigent.

Ac quoniam nulli re vera erant Suburbicarij Metropolitæ, in longinquiores oras pedem inferamus. Tradit Hieronymus Rubeus ex antiquis monumentis Ecclesiæ Rauennatis, anno à Christo nato 433. Romanam contendisse Rauennates cum decreto electionis noui Episcopi in Ioannis locum nuper defuncti, ve-

rùm abnuisse Sixtum Pontificem electioni calculum addere, ac diuino monitu Petrum Chrysologum ordinasse. Subtraxêre se quodam tempore ab huiusmodi ordinatione Metropolitani Rauennates, sed rediere tandem sedente Leone secundo. Rem enarrat hisce verbis Anastasius Bibliothecarius: *Huius temporibus percurrente diuali iussione clementissimi Principis restituta est Ecclesia Rauennas sub ordinatione sedis Apostolicæ, ut defuncto Archiepiscopo, qui electus fuerit, iuxta antiquam consuetudinem in Ciuitatem Romanam veniat ordinandus.* Ac postea de Sergio Pontifice: *Hic ordinauit Damianum sanctæ Ecclesiæ Rauennatis, atque Clementem Frisonum. Hic ordinauit Berechtualdum Britannia Archiepiscopum.* Hi sunt ex Metropolitani Romanæ Dioceseos, non quos tu Anonyme somniabas in regionibus Suburbicariis constitutos. Quùm Diuus etiam Ambrosius scribebat ad Vercellenses epist. 82. *Ordinationem meam Occidentales Episcopi iudicio, Orientales etiam exemplo probauêre*, quid intelligit hîc, nisi Romani Pontificis cum suâ Synodo assensum? Fiunt hoc quoque tempore Episcoporum designationes, comprobationesque eorum, qui electi sunt, adhibito Cardinalium Consilio, quos successisse diximus in locum Synodi conuocari solitæ ex Italicis, aliarumque Occidentalium Prouinciarum Episcopis. Ac sanè quùm Ambrosij electionem comprobasset Damasus, Simplicianum ad eum misit Romanum presbyterum egregiæ eruditionis, ac spectatæ probitatis, qui rudi Epi-

scopo in Mediolanensis Ecclesiæ regimine moderator adesset, ac magister. Quâ de re D. Augustinus lib. 8. confess. cap. 2. Præter Episcopos Romanæ Prouinciæ, & Metropolitans Occidentalis Diœceseos, habebat quoque Romanæ sedis Episcopus nonnullos in eadem sua Diœcesi sibi reseruatos, ab aliis verò Metropolitans exemptos. Quemadmodum de Ticinensi legimus, qui nescio quo priuilegio (credo ex quo Longobardorum Reges Ticini sedes fixerunt) à Mediolanensi Episcopo, cui antiquitus suberat, se subduxit. Turritanam quoque Ecclesiam in insula Sardinia eodem priuilegio munitam antiquitus fuisse, tradit Anastasius Bibliothecarius in vita Ioannis V.

Illud quoque consideratione dignum videtur, quòd Conelia ex omnibus licet Prouinciis Occidentalibus congregata, Oecumenica non dicebantur, ob illam opinor causam, quòd ex vna tantummodo Diœcesi conflata essent. Cur enim Concilium primum Constantinopolitanum Oecumenici nomen gerit, Romanum non item eodem tempore à Damaso ob eandem causam celebratum, quum tamen & multò esset numerosius, & ab ipso firmitas, atque auctoritas Constantinopolitano accesserit? Res profectò, qua de agebatur, ad vniuersam pertinebat Ecclesiam. Romam præterea conuocati fuerant ex vniuerso orbe Episcopi? vt deesset nihil, quominus generale Concilium dici posset. Verum quia permisit Pontifex Orientalibus hoc est plurium Diœceseon Episcopis, vti Constantino-

polim conuenirent, generalis nomen adhæsit Constantinopolitano, non æquè Romano ex vnicâ tantum Diœcesi, nempe Occidentali, coactò, quæ Diœcesis & Constantinopolitano interfuisse dici potest, postquàm eius Corypheus Romanus Pontifex id confirmauit, tametsi consuetudo esset, *vt in Oriente Orientalium esset Concilium, intra Occidentem Occidentalium,* quemadmodum aiebat D. Ambrosius in Synodo Aquileiensi. Itaque Sardicense Concilium quamuis coactum in Illyrico, regione nimirum Romanæ Diœceseos, inter Oecumenica est connumeratum, vt liquet ex Socrate lib. 2. cap. 16. quandoquidem eò conuenere, & Orientales Episcopi.

Quòd Occidentis Synodus vnus Diœceseos censeretur, clarum etiam fit ex ea, quam Romæ coëgit Agatho Papa ex 125. Episcopis, vt legatos mitteret ad sextum Concilium Oecumenicum, siquidem præter Italos interfuerunt Episcopi Galli, Belgæ, Britanni, ac Synodica ipsa sic inscribitur: *Ἀγάθων ὁπίσκει πρὸς τοὺς ἐκ τῶν ἐκείνων τῶν θεοῦ σὺν πάσας τὰς συνόδους τὰς ἀντιχρυσίας τῇ συνόδῳ τῆ ἀποστολικῆς θρόνου, Agatho Episcopus seruus seruorum Dei cum vniuersis Synodis subiacentibus Concilio Apostolica sedis.* Apertèque in eadem profertur, esse plures ex iis Metropolitibus, & Episcopis *ἐκ μισθῶν τῶν ἐξ ὧν τῶν τι Λομβάρδων, καὶ Σκλαβῶν, ὃ μὲν ἀλλὰ καὶ Φριγκῶν, Γότθων, καὶ Βρετανῶν, in medio gentium Longobardorum, ἢ Sclauorum, nec non Francorum, Gothorum, ἢ Britannorum.* Sed infra clarissimè enuntiat, diffusos esse eisdem

eisdem Episcopos καὶ τὰ ὀκτώβια καὶ δυτικὰ κλίματα,
per Septentrionales atque Occiduas regiones. Quæ quum
 & doctissimus Bignonius observasset, nescire se aiebat,
 an luculentius testimonium afferri posset ad indican-
 dam Patriarchalem Romani Pontificis Diœcesim.

Legationes quinetiam sunt perpendendæ, quæ à Ro-
 manis Pontificibus ad Concilia, ad Imperatores, ad
 Reges dirigebantur. Etenim Episcopos suæ Diœce-
 seos ad eam rem deligebant. Vnde etiam clarum fiet,
 Suburbicariis regionibus neutiquam fuisse Diœcesim
 illam coarctatam. Vincentius Capuensis, & Marcellus
 æquè ex Campania Episcopus, legati sunt à Liberio ad
 Concilium Aquileiense: Æmilius Beneventanus ab
 Innocentio ad Arcadium Imperatorem: Faustinus Epi-
 scopus Potentinus in Picæno à Zosimo ad Carthagi-
 nienſe Concilium: Ennodius Ticinensis ab Hormisda
 ad Anastasium Augustum: Germanus Capuanus ab
 eodem ad Iustinum. E Sicilia Paschasinus Lilybej Epi-
 scopus à Leone ad Concilium Chalcedonense: Pere-
 grinus Messanensis ab Hormisda ad Anastasium Im-
 peratorem. E Sardinia Lucifer Calaritanus à Liberio
 ad Constantium Imperatorem. Ex Hispania Hosius
 Cordubensis à Syluestro ad Concilium Nicænum,
 mox à Iulio ad Sardicense. Neque enim dubium, quin
 fuerit Hosius Pontificis legatus, quemadmodum aper-
 tè testatur Gelasius Cyzicenus, & non semel Hincma-
 rus Remensis Archiepiscopus. Ex Græcia quoque Iu-
 lianum Coënsem legatione functum pro Leone Papa,

docent a^cta Concilij Chalcedonenſis : qui etiam Iulianus iuſſus eſt à Pontifice Conſtantinopoli conſidere, vt contineret in officio Archimandritas illos eorúmque Monachos.

Hæc poteras, Anonyme, aliâque indagare, quæ digi-
tum quodammodo intendunt ad veritatis fontem,
vnde liquidam haurire potes de Romana Diœceſi ſen-
tentiam, non turbidas illas, inanêſque coniecturas
Præfecturæ Urbanæ innixas. Et profe^ctò ſi ſolum
ipſum Nicænum Canonem, in quo totius controuerſi-
æ cardo vertitur, non lippis oculis inſpicere libuiſ-
ſet, prolixæ diſputationi parcendum tibi fuerat. Vis
enim ipſa argumentationis, quæ inde elicitur, com-
moneſcere te poterat, ampliorem fuiſſe Romano
quàm Alexandrino Patriarchæ Diœceſim. Procedit
enim argumentatio à maiori ad minus, perinde ac ſi
dixiſſent Nicæni Patres, *quoniam videmus Romani Epi-
ſcopi poteſtatem in vniuerſa ſua Diœceſi, quamvis amplif-
ſima ſit, ſartam te^ctam eſſe; æquum videtur, vt & Ale-
xandrino Epiſcopo cui minor Diœceſis ex veteri more con-
ſiſtit, idem ius ſeruetur.* Etenim qui ſe ſubducere à po-
teſtate Epiſcopi Alexandrini nitebantur, ordinatio-
nêſque eo inuito facere, quî reprimi poterant Romani
Epiſcopi exemplo, ſi illius Diœceſis ea fuiſſet, quam tu
fingis? annon dixiſſent illi, mirum non eſſe, ſi tantil-
lam Diœceſim Romanus Epiſcopus ſolus adminiſtra-
ret? ac propterea parum æquam videri veterem con-
ſuetudinem, quæ tam latam Diœceſim Alexandrino

concederet?

Quæ igitur quantâque fuerit Romani Patriarchæ Diœcesis, iam patefactum est. Atque ad hanc non solum respicere poterat Prætextatus, quum teste D. Hieronymo ludens dicebat, *Facite me Urbis Romæ Episcopum, & ero protinus Christianus*, sed ad maximam illam auctoritatem, quam Romano Episcopo esse videbat ultra fines quoque Orbis Romani. Nam ad diuitias quod attinet, haud vereor quin Christiani moris ignarus fuerit Ethnicus homo, quemadmodum & Ammianus, qui luxum Damasi carpere videtur, quum tamen sanctissimi illius Pontificis abstinentia, & frugalitas perquam nota fuerit: ut in huiusmodi scriptoribus mendaciorum loquacitatem æquè, ut in Tacito Terullianus, iure optimo notaret. Verùm huiusmodi Ethnorum diſteriiis nimium quantum fauent sectarij, quos sic irritat Ecclesiæ splendor, ut taurorum oculos purpura; quique impudenti non minùs fronte, quàm Iudæ fuerat, matronarum oblationes improbare non verentur, malléntque diuitias illas in ganeis ab se infumi, quàm ab Ecclesia impendi in pauperum alimoniis, in redimendis captiuis, in ornamentis templorum. Ideò Satyrici versiculum libenter vsurpant:

Dicite Pontifices, in sacris quid facit aurum?

ut vel Deo ipsi Opt. Max. auream gemmeamque suppellectilem impropere, quam in sacris ministeriis, & in sacerdotum indumentis adhiberi præceperat. De Ecclesiæ splendore & diuitiis egregium est Isaiæ

vaticinium cap. 60. fore nimirum aiebat, vt post illas ærumnas, & vilipendia ab ethnicis potestatibus, summam consequeretur dignitatem, in qua scilicet videre nunc est ipsum Ecclesiæ præsidem supra Reges atque Imperatores euectum: magnisque insuper polleteret opibus ab ipsorum Principum liberalitate congestis. Dei verba apud Prophetam ex versione D. Hieronymi illa sunt: *Pro eo quòd fuisti derelicta, & odio habitata, & non erat qui per te transiret, ponam te in superbiam seculorum gaudium in generationem & generationem: & suges lac gentium, & mamilla regum lactaberis. O superbiam seculorum* Chaldaïcus interpretes reddidit gloriam seculi, septuaginta interpretes gaudium siue exultationem aternam. *Θήσω σε* (inquiunt) *ἀγαλλίαμα αἰώνιον*. Scripserant fortasse *αἰώνων*, vt responderet *πᾶς seculorum*, quod habet Hebraïca lectio. Sed nihil immutare est necesse, idem enim valere videtur *αἰώνιον*. Quòd futurum ait, vt alatur Ecclesia gentium lacte, & Regum vberibus, ad diuitias referendum est. Sic enim reddiderunt septuaginta: *καὶ πλοῦτον βασιλέων φάξουσιν*.

CAPVT SEXTVM.

Ruffini verba iterum expensa, & emendata. Paranesis ad Anonymum. De Tridentino Concilio. de Miraculis. De progressu Romana Ecclesia. D. Cypriani loca explanata. Virgilij versiculum è Sibyllinis videri sumptum. Christus petra, Simon petra. Orientales Episcopi membra Romana Ecclesia, non Occidentales tantum.



N portu, iam te Anonyme, nauigare putabas, sed lacera fractaque tuæ opinionis veluti naui, extremam à te video tabulam contineri, quam necesse est victis demum brachiis remittas, vt ex ipso naufragio salutem quæras. Nouo sanè exemplo, sed Dei prouidentia accommodatissimo, qui ventosam hominum sapientiam confringere amat, vt sospitet pereuntes. Frustra inhæres adhuc Ruffini verbis, & cum Baronio luctaris, quòd scriptorem illum vacillantis fidei, ingenitæq; obscuritatis arguat. Ac demus tibi, non labascere in eo loco Ruffini fidẽ, dum Romanam Diocesim Suburbicarias Ecclesias appellauit, nam verba illa rectissimè Baronium fuisse interpretatum (quanquam iis non acquieuerit) suprà euicimus: reliquorum sanè verborum contextus aut mendosus est, aut illum falsi-

tatis arguit. Dum enim scribit, Nicæno canone statutum esse, *Vt apud Alexandriam, & in Vrbe Româ vetusta consuetudo seruetur*, ut vel ille Ægypti, vel hic Suburbicariarum Ecclesiarum sollicitudinem gerat, quis non videat aberrare hominem ab ipso Canone, quo nihil de Romano Episcopo definitum est, sed ipsum tantum eiusque Diœcesim in exemplum assumptam? At tu illum ἐλλωλίσθη ais. Arabisset etiam (ut sic dicam) non persuadebis tamen, defendi cum ea lectione fidem illius posse. Finge ab Hispanorum Senatu hanc esse legem latam: *Placet, ut in Regum nostrorum inaugurationibus sacra unctio à Toletano Archiepiscopo adhibeatur, nam & Gallorum Regibus is mos est*. Finge itidem, scriptorem aliquem Rufino similem, dum huiusmodi legem in suos historiarum libros referret, hîsce verbis vltum esse: *Hispanico Senatusconsulto cautum est, ut sacra unctio in Regum inauguratione adhibeatur, ut vel Hispanorum Reges à Toletano Archiepiscopo, vel Reges Gallorum ab Archiepiscopo Remensi inungantur*. Quis porro hellenismus scriptorem hunc tueretur, quominus conuicia in illum ingereres, iure optimo asserens, aut Senatusconsultum ab eo non perceptum, aut rudem illum esse loquendi? nisi clementiori sententia diceres, eius verba mendo laborare, quemadmodum de Rufini verbis credere par est. Sic enim concepta fuisse suspicari licet: *Vt apud Alexandriam, velut in Vrbe Româ vetusta consuetudo seruetur; ut ille Ægypti, velut hic Suburbicariarum Ecclesiarum sollicitudinem gerat*. Vides enim

hoc pacto Romani Episcopi exemplum, quemadmodum & in ipso Canone Alexandrino & cæteris esse propositum; nec iam opus tibi est locos indagare, quibus ostendas particulam V E L pro E T positam: nam in sequioris ævi scriptoribus id frequens est adeò, ut exempla congerere putidi sit laboris.

Quoniam verò in extremo tuo opere hæc proferre non dubitasti: *Nobis hæc stabit semper sententia, in his de politica Ecclesiastica controuersis, historiis, Conciliis, & Patrum antiquorum testimoniis adherere, nullique fidem temerè detrabere: vbi perpenderis quæ bona fide in medium attulimus ex Conciliis, & Patribus antiquis, nec non ex historicis, si quid ingenui sanguinis tibi est, haud dubito, quin manus ultro sis daturus ipsi veritati. nec curæ tibi sit, quòd illam detectum tibi veniat tenuissimus homo, qualem me esse fateor, etenim haud Deo operosum est, vel ex ore infantium & lactentium laudes perficere. nec te latet superciliosam huius mundi sapientiam, quæ Deo inimica est, à rudibus piscatoribus superatam fuisse. Laudo, quòd Concilia, quòd veteres Patres consectoris, & nobis idem est propositum. At illud porro cauendum, ne infelici curiositate mentem torqueas, aut ne sapere tibi ipsi tantum videaris. Monet nos magnus Apostolus Rom. 12. ne simus prudentes apud nosmetipsos. an tu prudentiorem te existimas, quàm tot integerrimi Antistites, tot viri doctissimi fuere, qui in ipsis etiam Conciliis excussa veritate, hæreticos esse definiuerunt, qui ea sentiunt,*

quæ tu sentire videris de Romano Pontifice? Crede mihi Anonyme, qui sanitatem mentis auct, imbibenda illi est Christiana simplicitas. Hoc præcipuum est pharmacum, quo animi detergantur deliciis sectariorum infatuati. Tu Concilia, patrèsque antiquos à te stare autumas (velim vt neingas) nos id pleno ore negamus, & nobis meliori iure asserimus. Iam rationum momenta, ipsàsque de iis disputationes omittamus. Fingamus potiùs interiisse iam diu Concilia, interiisse veterum Patrum volumina. Quæro ex te, quæ tua esset de Ecclesia Dei sententia? apud quam nationem, apud quam sectam constituenda tibi illa foret? num Christum ipsum sua sponfa viduare? ita sanè conari videris, dum contendis Romanos Pontifices à recto declinasse itinere, quia primatum sibi vindicant supra omnes Ecclesias; vides autem Episcopos pænè omnes cum illo consentire. Nam qui pauci à nobis abhorrent, suæ propè quisque sectæ sunt addicti. Itaque si veteribus Conciliis sis destitutus, patrùmque testimoniis, confer te per singulas sectas, inspicere non solum viuendi rationes, legèsque Ecclesiasticas, sed ipsos progressus, & qui è cælo defluunt fauores. Tridentinum Concilium, quod è vestris quidam, aut legitimum ridiculè negant, aut vniuersale, si non id sit, at concedes saltem, comprehensionem esse legum Ecclesiæ Romanæ. Quid tu de hisce legibus sentis? quum non vulgari te ingenio numen donauerit, quidni sperem, si librum istum seriò euolueris, illud de te euen-
turum

turum, quod sectario cuidam, non diu est, contigisse accepi. Totus is erat in sua secta confouenda, atque amplificanda, eodem nimirum errore deceptus, quo Saulus, quum Christi discipulos infectaretur. Damna-
bat is Romanæ Ecclesiæ ritus, & doctrinam, damnabat in primis Tridentinum Concilium, quod tamen nunquam perlegerat. deuenit ei quodam die in manus id volumen: curiositate illectus legere cœpit: iis, quæ legebat, mentem seriò adhibere. Quid te moror? ex ea lectione exiit immoderatos spiritus, lucem hausit, sanitatem recepit, Romanam Ecclesiam veram & Catholicam fassus est. Ex Saulo factus Paulus, quæ oppugnabat, strenuè propugnat, spirantque eius scripta non pietatem minùs quàm sanam doctrinam.

Præter leges nostras, an non animaduertis, quæ miracula à sanctis Hominibus Dei ope quotidie patrantur, apud Catholicos tantùm esse? Ridebis forsitan, Quid tum? an non & Iudæi id faciunt, quum illis Christi miracula prædicamus? nihil sustinet detrimenti veritas ab insipientium risu. Nec sanè miraculorum dona à sua vnquam Ecclesiâ Christus Dominus subtraxit. Mirabar tamen interdum, cur hisce temporibus adeò essent frequentia, quum scirem dari ea in signum non fidelibus, sed infidelibus. noui tandem, quid id sit. Deique veneror prouidentiam, & benignitatem. Nullas non ille vias aperit, quibus nos ab erroribus auocet, dirigat ad veritatem. comperit, multos esse hac tempestate, qui sanæ doctrinæ de sui Vicarij

potestate non acquiescunt, lubétque experiri, num prodigijs perdomita cedat eorum peruicacia. eodem enim veluti imbre cælitus demisso Christianæ quoque prædicationis ab Apostolis, aliisque Christi discipulis, per orbem terrarum diffusæ seminum creuit. Quandoquidem quis cernens, audiensue, isthæc proficisci ab iis qui stant à Romano Pontifice, non continuò fateatur, à Deo illos diligi? nec fieri posse, vt de Religione prauè sentiant, qui Deo cari sunt? πῶς γὰρ αὐτὸ καὶ ἐδωκέτο βραχυσημῶς εἰς τὸν διωκταῖς ὑπτιλθῆναι, dictum est in sextâ Synodo Constantinopolitana.

Præterea quos vides progressus fecisse Romanam Ecclesiam à potentissimis licèt hostibus pertinaciter exagitatam, cós ne debet legionibus, an religioni? Appositè cecinit D. Prosper:

Sedes Roma Petri, quæ pastoralis honoris

Facta caput mundo, quantum non possidet armis,

Religione tenet.----

Fuit hoc Dei Opt. Max. consilium, vt Vrbs, quæ in sui Vicarij iura concessura erat, caput Orbis diceretur, quamquam pars Orbis maxima Romanum dominatum nesciret. Nam quæ nunc adèò remota est regio, quò non Romanæ sedis Pontificiæ auctoritas peruadat? sunt Reges, sunt Principes à Christianis legibus alieni: sunt alij, qui suaue iugum Ecclesiæ excusserunt, vt licentiæ litarent; at in Regnis eorum, & ditionibus, quot homines degunt, qui Romano Pontifici parent? qui vitam prius effundere sunt parati,

quàm sint in Pontificia præcepta contumaces? Ipsi Augusti Regesque Catholici, qui sunt, qui fuerunt, nihil de maiestate suâ detractum credunt, quum maiestati Pontificiæ se subiiciunt. Gallorum Reges animo tecum ipse reputa, Pipinos, Carolos, ipsos Ludovicos; quàm egregiè sibi consulere, quantam indipisci gloriam arbitrati sunt, quum Romanos Pontifices pietate ac veneratione eximia prosequerentur? Annon heri, aut nudius tertius Iaponij legati, gentisque nostris obuersæ pedibus, tot demensis terrarum marisque spatiis, tot exhaustis laboribus Romam appulerunt, ut in Pontificis obsequium pronæ ruerent, suorumque Regum in illum obseruantiam coram testarentur? Quis Episcoporum hæc sibi aliquando expectauit, quos tu Anonyme Romano pares facere tentas? Immò quò eorum conatus ceciderunt, qui Patriarchali olim dignitate conspicui primo ipsi ac summo Antistiti aduersari sunt ausi? circumspice animo, & si quis tibi humanitatis sensus est, non absque lacrymis percipies, qui sint rerum exitus consequuti. Atque utinam vanum fuisset Leonis Papæ vaticinium, quum Marciano Augusto scribens de Anatolio Constantinopolitano Episcopo, iis verbis usus est: *propria perdit, qui indebita concupiscit.*

Iam verò, & ipsa temporum spacia perpende, quibus suâ in maiestate stat Romana sedes. Illam sanè deprehendes diuturnitate conualuisse, quippe solida in Petra fundatam, atque ab ipso suo exortu Primum

semper suum tuitam esse, suam (vt aiebat D. Irenæus,) potentorem principatatem. Nimirum ea est, ad quam teste Cypriano perfidia habere non potest accessum. Quum tu Theodosij constitutionem laudares, in qua illa verba legimus : *Cunctos populos, quos clementiæ nostræ regit temperamentum, in tali volumus religione versari, quam Diuum Petrum Apostolum tradidisse Romanis, Religio vsque nunc ab ipso insinuata declarat, auream esse sanctionem dixisti, & tamen sanctissimum Pontificem Damasum, qui tum vivebat, aliquoties perstringis, quemadmodum & antecessores, quos aiebas seculari typho ius sibi ac potestatem in alios Episcopos vsurpasse. non equidem sum nescius, loqui Theodosium de fide quæ ad Christi diuinitatem patri æqualem respiciebat, verum scio, illibatam illam Religionem, quæ à Petro ad Theodosij vsque æuum, & exinde ad nostra tempora promanauit, eandem quoque esse in afferendo primatu, qui Petro ipsi datus à Christo fuit, non qui à dignitate Urbis Romanæ effluxerat. An non D. Petrus, antequam Romanam videret, principem se cæterorum Apostolorum, Ecclesiæque præfectum norat? Ridiculè non minùs faciunt quàm indoctè, qui D. Cypriani locum ex Epistola 71. secus quàm par est, interpretantur. verba Cypriani ea sunt: *Nam nec Petrus, quem PRIMVM Dominus elegit, & super quem edificauit Ecclesiam suam, quum secum Paulus de circumcisione postmodum disceptaret, vindicauit sibi aliquid insolenter, aut arroganter assumpsit,**

ut diceret se primatum tenere, & obtemperari à nouellis & posteris sibi potius oportere. Hoc enim voluit Cyprianus, non incognitam fuisse Petro sui vim Primatus, sed cā vti, demissionis gratiā, noluisse, quum Pauli consilium ratione niti videret, esseque expansis vlnis excipiendum. Vide cā de re eruditissimum Pameliū. Sic hodiēque Romani Pontifices nihil ardui aggrediuntur, quin prius Consiliatorum suorum sententiam exquirant, hoc est, R. E. Cardinalium, intelligentes reperiri se interdum posse reprehensioni obnoxios, quemadmodum, quum de Circumcisione ageretur, repertus est Petrus, D. Paulo teste, Galat. 2.

Igitur Romana Ecclesia eadem est, quæ in sui exordio fuit, seu fidei integritatem spectes, seu Primatus honorem, nec auctoritas eius ac potestas vllis circumscribi potest terminis aut regionum, aut temporum, siquidem Christi vices gerit, in cuius manum omnia Pater tradidit, quique nobiscum se permanfurum pollicitus est vsque ad consummationem sæculi. Eleganter scribebat Nicolaus Pontifex in Epistola ad Michaëlem Imperatorem: *Priuilegia istius sedis vel Ecclesie perpetua sunt, diuinitus radicata, atque plantata sunt: infringi possunt, transferri non possunt: trahi possunt, euelli non possunt. Quæ ante Imperium vestrum fuerunt, & permanent (Deo gratias) hætenus illibata, manebuntque post nos: & quousque Christianum nomen prædicatum fuerit: illa subsistere non cessabunt immutata.* Verius itaque dixerit, non de Senatu popu-

lóque Romano Virgilianus Iuppiter, sed de Romanis Pontificibus verus ac supremus mundi opifex;

His ego nec metas rerum, nec tempora pono.

nam si quid hariolari licet (cur enim coniectandi scientiam tibi solus vindices?) facile existimem, de Pontificiâ potestate fuisse isthæc prolata, eâque Maronem è Sibyllinis oraculis in suum poëma transtulisse. Quàm fuerit is Poëta Sibyllinorum carminum studiosus, ecloga ipsa quarta luculenter docet. Suspicionem verò meam adiuuat Claudianus de Bello Gildon. ubi Romæ votum ad Virgilianum versiculum respicientis iis verbis inter cætera conceptum legitur:

*Si mea mansuris meruerunt mœnia nasci
Iuppiter auspiciis: si stant immota Sibyllæ
Carmina, &c.*

Sed poëtas valere iubens, ac speciosas huiusmodi coniecturas, ~~re Anonymæ~~ obtestor, vt non Conciliis tantum, & patribus antiquis, quos ambigi non potest nobiscum esse, si bona fide ad veritatis trutinam perpendantur, & æquis utamur iudicibus, sed iis etiam argumentis, quæ considerata in medium protulimus, mentem seriò adhibeas, euoluâsque præcipuè aureum libellum de Notis Ecclesiæ Cardinalis Bellarmini doctrinâ non minùs ac pietate, quàm honorum infulis illustrissimi. Nam, ni obtusum omnino cor geris, tot esse linguas isthæc agnosces, quibus supremus rerum conditor è cælo nos alloquitur, quibus

liquidò indicat, Romanum Episcopum à se esse electum, apud quem Religionis, atque Ecclesiæ Principatum statueret. Ridebisque nobiscum, aut miseraberis potius infelicem desertorem, qui cæcæ ambitioni incubans nescio quæ sibi somnia finxit, ut se parem faceret Episcoporum Episcopo, sperauitque fortasse, si alias regiones quæreret, in iis imaginum blandimentis fructurum sese Endymionis somno. Censuit quinetiam, melius secum actum iri, si charactere Episcopali verè insignitus inter Episcopos degeret, qui nomine tenus sunt Episcopi, qui (ut aiebat D. Cyprianus) *se prepositos sine ullâ ordinationis lege constituunt, qui nemine Episcopatum dante Episcopi sibi nomen assumunt.* Sed infletur quantumuis ille, atque intumescat, disrumpetur potius ut Æsopæia rana, quàm ut maiorem dignitatem vel apud perfunctorios Episcopos adipisci queat. Sunt qui suspicentur, eius te hominis satellitem esse, tuumque libellum veluti anteambulonem præmissum fuisse eius operis, quod ille nuper edidit. Verum enimvero meliori ego te genio, atque ingenio natum conijcio, spemque esse, ut tu facilius sanioribus consiliis animum sis compositurus. Existimare illum audio, (neque enim librum videre adhuc licuit) Episcopis singulis datum esse, ut vniuersam Ecclesiam in solidum regant: videturque sententiâ abuti D. Cypriani aientis in libro de vnitatem: *Episcopatus unus est, cuius à singulis in solidum pars tenetur:* non animaduertens, dicere Cyprianum, suam cuique Episcopo partem esse

tributam, quum *singulis pastoribus* (vt scribit etiam epist. 55.) *portio gregis sit adscripta, quam regat unusquisque & gubernet, rationem sui actus Domino redditurus.* At voces illæ in *solidum vnanimem* Episcoporum *consensionem* denotant, dum tamen suum quisque gradum tueatur, ac nemini fas sit, Ecclesiam seiunctim habere ab vniuersali Ecclesia: Vniuersali verò Ecclesiæ suum tanquam fontem esse, suam radicem, videlicet Romanam sedem, apertissimè indicat ille idem Cyprianus epist. 45. quippe illam vocat *Ecclesiæ Catholice radicem, & matricem.* Necesse igitur est, quælibet Ecclesia ad hanc reuocetur. atque illud est quod aiebat Irenæus lib. 3. contra hæres. (non enim piget integerimi & vetustissimi Patris aureum dictum pluries repetere) *Ad hanc Ecclesiam* (de Romana loquitur) *propter potentio rem principalitatem, necesse est omnem conuenire Ecclesiam, hoc est, eos qui sunt ubique fideles, in qua semper ab his, qui sunt undique, conseruata est ea, quæ ab Apostolis est, traditio.* Id tribus exemplis conatur Cyprianus ob oculos ponere, sic enim loquitur libro de Vnitate: *Episcopatus vnus est cuius à singulis pars tenetur. Ecclesia quoque vna est, quæ in multitudinem latius incremento fecunditatis extenditur: quomodo Solis multi radij, sed lumen vnum: & rami arboris multi, sed robur vnum tenaci radice fundatum: & quum de fonte vno riui plurimi desfluunt, numerositas licet diffusa videatur exundantis copię largitate, vnitas tamen seruat in origine.* Auelle radium solis à corpore, diuisionem lucis vnitas non
capit:

capit : ab arbore frange ramum, fractus germinare non poterit : à fonte præcide riuum, præcisus arefcet, &c. E tribus hisce exemplis mirè congruit secundo loco positum. Vt enim contuemur in arbore caudicem ipsum (robur vocat Cyprianus, velut etiam Arnobius de Pinu loquens matris Deum) quæ potior est arboris pars, & prouenientes è summo caudice ramos quosdam maiores, ex iis minores alios, ex minoribus surculos, qui omnes vnâ efficiunt arborem, in eoque consentiunt, vt velut in solidum frondes, florésque ac poma producant : ita *Episcopatus vnus* (vt idem Cyprianus aiebat epist. 52.) *Episcoporum multorum concordie numerositate diffusus* potiorem sui partem, velut arboris stipitem, Romanam sedem agnoscit. Huic proximi sunt Patriarchæ, tanquam grandiores quidam rami : iis minores sequuntur Archiepiscopi seu Metropolitæ : ex ipsis verò veluti ramusculi pendent Episcopi, laborantque hi omnes in solidum vt Christi gregem suâ umbrâ foucant, suis pomis alant. Et quemadmodum in arbore non surculi dedignantur ramis inniti, non rami ipsi prægrandibus ramis, non hi stipiti ; ita quò suus in Ecclesia ordo seruetur, necesse est vt qui tantummodo Episcopi sunt, superiores agnoscant Metropolitæ, Metropolitæ subsint Patriarchis, Patriarchæ tanquam ad omnium matricem referantur *ad Petri cathedram* (verba sunt Cypriani epist. 55.) *atque ad Ecclesiam principalem, vnde vnitas Sacerdotalis exorta est.* Sicuti verò efficere in arbore non

potes, vt truncus ipse siue caudex inter ramos, aut furculos computetur, ita non potest Romanus Episcopus, à quo reguntur ceteri, in ordinem redigi, quod tu censebas Anonyme. Quòd verò arboris stipis radici inhæret, quæ radix quamquam sub terra latens totius arboris caput dici potest; id quoque in Ecclesia agnoscere est, quæ caput suum, ac fundamentum non obiectum oculis habet Christum Dominum. Ac sanè quum arborem inspicimus, ex iis partibus, quæ visu usurpantur, appositè dicimus, caudicem ipsum fundamentum esse totius arboris: pari quoque modo in visibili Ecclesia visibile caput censerì Romanum Pontificem, non absurdè prædicamus. Neque non propterea verè & propriè caput, & fundamentum Ecclesiæ Christum ipsum fatemur esse. Sed bonitatem eius agnoscimus, quòd non dedignatus sit honorificæ huius appellationis participem illum facere, cui vices suas commisit. Quemadmodum & Petræ nomen ipsi Apostolorum principi indidit. Quade re elegantia sunt adeò magni Basilij verba in homilia de Patientia, vt temperare mihi non possim, quin ea huc transferam: Πέτρος εἰπὼν, καὶ ὁ λογιθεὶς, εἰπὼν ὅτι ὁὗς εἶ τῷ Θεοῦ τῷ υἱῷ σου, καὶ ἀκούσας ὅτι Πέτρα εἶ, συνεκωμῶσθι. Εἰ γὰρ καὶ Πέτρα, ὅχι ὡς Χειρὸς Πέτρα. ὡς Πέτρος Πέτρα. Χειρὸς γὰρ ὄντως Πέτρα ἀσπίδωτος. Πέτρος δὲ διὰ τὸ πλεῖν Πέτρα. χαίρειται γὰρ Ἰησοῦς τὰ ἐαυτοῦ ἀξιώματα, ὅτι ἀποκαλούμενος, ἀλλ' ἔχων αὐτὸ δίδωσι. Φῶς ἔστιν. ὑμεῖς ἐστὶ ὁ Φῶς τῷ κόσμῳ. ἱερεὺς ἔστιν, ποιὴς ἱερέας. πατὴρ τῶν ἔσθιν ἰδοὺ ἀποστέλλω

ὁμοῦ ὡς πετρεῖα ἐν μέσῳ λύκων. Πέτρα ἔστ'· Πέτρας ποιῶ,
 καὶ τὰ ἱερεῖα ἁρξίεται τοῖς δούλοις. *Dixerat iam Petrus, &*
beatus pronuntiatus fuerat; dixerat utique, Tu es Filius Dei
excelsi, & vicissim laudatus audierat: Tu es Petra. licet
enim Petra esset, non erat Petra quemadmodum Christus.
ut Petrus, Petra erat. Siquidem Christus Petra est immo-
bilis, Petrus verò propter Petrum. largitur namque Iesus
suas dignitates, nec iis tamen spoliatur, sed eadem, qua dat,
adhuc retinet. Lux est: Vos, inquit, estis lux mundi. Sacer-
dos est, & facit Sacerdotes. Ovis est: Ecce, ait, mitto vos
sicut oves in medio luporum. Petra est, ac Petram facit. quæ
sua sunt, largitur servis suis. Si Apostolorum antesi-
gnanus vetus quoque nomen retinuisset, nihil erat
quominus vocari apud Latinos potuisset, Simon Petra,
quemadmodum appellabantur apud Romanos Iulius
Aquila, Æmilius Bucca, Iunius Hasta, Cornelius Me-
rula, Sempronius Musca, Fabius Ouicula, Aruntius
Stella, Trebatius Derba, & id genus complures. ve-
rùm priore nomine antiquato maluerunt Latini au-
ribus consulere, quod Græcis non perinde fuit neces-
se, apud quos ὁ Πέτρος idem est quod ἡ Πέτρα. Igitur
Romana sedes à Petro instituta, in qua & ad obitum
vsque sedit, & successorem reliquit, Petra est in Ec-
clesiæ ædificio, sed propagata quodammodo ab ipsa
principaliori Petra, qui Christus est, & veluti (ut di-
ximus) caudex in arbore radici cohærens. Sed quem-
admodum ramusculi, qui prope radicem progermi-
nant, atque in oblongo caudicis corpore non magis

dicuntur ipsius caudicis membra, quàm prægrandes rami, aliisque in summo cohærentes, ita Romanus Pontifex, quem Occidentalium Coryphæum nominat D. Basiliius epist. 10. non magis sua membra censet Occidentales Episcopos, eos nimirum, qui in speciali sua Diœcesi sunt, quàm Orientales ipsos. Ea propter hoc se nomine appellare videmus ipsosmet Episcopos Orientales in Synodali Epistola primi Concilij Constantinopolitani ad Damasum Pontificem data. Sic enim loquuntur: ὅτι καὶ πῶς ἀδελφεοὶ καὶ ἡμεῖς ἀγάπῃ ἐπιδοκνῶμεν, σὺν ὁδῷ ἐπὶ τῆς Ρώμης καὶ βαλὴν σὺν κροσσωτί, καὶ ἡμεῖς ὡς οἰκία μέλη προσκαλέσασθε, καὶ τῇ τῷ φιλοκαταβασιλέως χαρμῶν, &c. *Iam verò quoniam vos, quò fraternam vestram erga nos charitatem declararetis, Concilium Deo volente Romæ cogentes, nos quoque veluti membra propria per Deo amantissimi Imperatoris litteras accersivistis. Et Innocentius primus epist. 26. Ecclesiam Hierosolymitanam sui gregis membrum appellat. Vt enim attrahit caudex ab radice alimentum, quod in ramos, cæterasque arboris partes transfundit, ita Romana, hoc est Petri, sedes haurit à Christo potestatem, quam cæteris Episcopis communicat: hac enim ratione unitas in Ecclesia conualefcit. B. Optatus lib. 7. contra Parm. Bono unitatis Beatus Petrus & præferri omnibus meruit, & claves Calorum communicandas cæteris solus accepit. Non ergo ultra limites suos tendit Romanus Pontifex, quum in quibusvis Diœcesibus potestatem suam exercet, ubi opus*

est, idque bono Ecclesiæ conducere perspicit. Nec quod tu Anonyme obilcere es ausus, obiecit quisquam Cælestino Pontifici, quum scribebat ad Episcopos Galliæ *sit concessis sibi contentus unusquisque limitibus*, non Hilario, quum procurandum monebat, *ne quisquam frater in alterius prorupturus iniuriam transcendat terminos venerandis patribus constitutos*. Non Leoni, quum aiebat in Epistola ad Anatolium: *manentibus terminis, quos constituerunt patres, nemo in ins tendat alienum*. Quum idem Leo Pulcheriæ Augustæ hisce verbis usus est: *Constantinopolitana verò præsul Ecclesiæ (quia amplius quàm assequutus est concupiscit) quid illi satisfaciet, si tanta Urbis magnificentia, & clariudo non sufficit?* expectauit ne Augusta, ut tu aliquando exorireris, qui Pontifici obtruderes Lucani hemistichium, *Quid satis est, si Roma parum?* quod proximo capite fecisti? Iam verò huiusce petulantix tandem te pudeat, nec tametsi sub persona lateas, fas tibi esse credas, conuicia veluti ex plaustro iacere in sanctissimos Christi Martyres, aliósque quos cælesti Curix adscriptos veneratur Ecclesia. horum enim sollicitudo, dum Romanam sedem tenerent, per vniuersum Christianum orbem protendebatur, non ut ambitioni obsequerentur, quæ à sanctissimis Pontificibus longè aberat, sed quia norant vniuersam sibi dispensationem creditam esse, atque ad reatum suum tendere, si non vbique terrarum se vigiles præstitissent. Hæc ut verissima sunt, sic maximè velim, Anonyme, diuina ut præeunte gratia animum

tibi penetrent, qui sanis consiliis acquiescas: etenim

--- ἀρεταὶ τοι φρένες ἐαδλῶν.

ac ne differas supercilium deponere; ad Romanam, hoc est ad Catholicam redire Ecclesiam, quæ te expansis vlnis moratur. Quid diutius salutem tuam negligis, pro qua ego vel sanguinem lubens paciscar? verè loquor, ex animo loquor; ne tu me suspiceris malevolentia suffusum aduersus tuas disceptationes scripsisse. quæ enim possim, quum nulla te ratione cognitum habeam? docet me Christiana Charitas, ut omnium, quacumque ex gente sint, salutem exoptem, ac (si quæ licet) procurem. velim tamen scias (si tu non falsò Gallum te profiteris) plures esse nobilissimos viros, & doctissimos cùm Parisiis, tum aliis in vrbibus Gallicis non vulgaris benevolentix vinculo mihi adstrictos. ut hoc etiam nomine vehementer cupiam, ap-

pulsum te videre ex errorum pelago in veritatis ac salutis portum. Vbi Deo faciente id egeris, me meaque hæc scripta, fat scio, amabis: nec oderis si quas in iis deprehendisti punctiunculas: ut medicorum ferra-
 menta nemo odit, quæ in morbi curatione expertus est. Vtar verò tecum pro corollario D. Hieronymi ver-
 bis, quibus Rufinum tuum alloquutus olim est: *Sic inter nos una fides, Et illico pax sequetur.*

F I N I S.

